

Ilanngussaḡ B



Inatsisartut Aningaasaqarnermut Akileraartarnermullu Ataatsimiititaliaat Uunga: Sakarias Amondson

Aningaasaqarnermut Akileraartarnermullu Ataatsimiititaliap AIS2023 pillugu apeqqutaanut akissuteqaatit

Ulloq: 13-10-2022
Suliap normua; 2022 - 18233

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Aallaqqaasiut

Maanna Aningaasaqarnermut Akileraartarnermullu Ataatsimiititaliap 15. september 2022-mi aallarniutaasumik Aningaasanut Inatsisissamut Siunnersuut 2023 pillugu apeqqutaanut oqaaseqaataanullu akissuteqaatit.

Apeqqutit Naalakkersuisoqarfinnut susassaqaartunut akitinneqarput taavalu Aningaasaqarnermut Naligiissitaanermullu Naalakkersuisoqarfimmit katersorneqarput, piffissaliussarlu nallertinnagu akissuteqaatit kukkunersiorneqarput.

2. Nalinginnaasumik oqaaseqaatit

2.1 Naalakkersuisut aningaasaqarnikkut politikimut anguniagaat periusaallu, qupperneq 169

1. Naalakkersuisut suliffeqarnerup sulisinnaasullu amerlinissaannut pingaarnersiuinerminni suliniutinut ikorfartuinissaat pillugu. Ataatsimiititaliap paasinninnera malillugu suliffeqarnikkut pissutsit nunatsinni piffimmiit piffimmut assigiinngitsupilussuupput. Piffiit ilaanni sulisussaaleqisoqarpoq, allanili suliffissaaleqisoqarluni. Nunarput tamaat ataatsimut isigalugu sulisoqarnermi suliffissaqaartitsinermilu pissutsit ataatsimoortut Naalakkersuisunit qanoq nassuiarneqarsinnaappat?

Suliffissaaleqisut nalunaarsorsimasut ukiut arlaqartut ingerlaneranni ikiliartorsimapput. Ikiliartoreralli unikaallassimavoq, suliffissaaleqinerulli appasiffiani. Suliffissaaleqisut suli ikipput, ingammik illoqarfinni anginerni, aamma sulisut ilinniarsimasut akornanni. Kisianni piffinni aalajangersimasuni suli annertuumik suliffissaaleqisoqarpoq. Tamanna pingaarnertut pissuteqarpoq sumiiffinni suliffiit amigaataanerat. Kisianni suliffiit amigaataanerat kisimi peqqaatanneqanngilaq, tassami takuneqarsinnaavoq avataaniit sulisussanik suli pissarsiortoqartarmat, ilaatigut aalisakkerinermut aamma kiffartuussinermik suliqaartunik suliffeqarfinnut. Taamaattumik sumiiffinni aalajangersimasuni suliffiit inuttalerniarneqarnerat ajornartorsiutaasarpoq aali suliffissaaleqisoqaraluartoq.

Soorlu arlalitsigut ersersinniarneqartartoq ukiuni makkunani inuit katitigaanerat allanngoriartorpoq utoqqaat suliffeqarnerup avataaniittut amerliartorlutik aamma sulisoqarnermi suliffeqartut ikiliartorlutik. Taamaattumik pisariaqarpoq pisortat aningaasartuutaat matussuserneqarsinnaassappata suliffeqartut amerlisinneqar-nissaat. Pisariaqarporlu innuttaasut amerlanerusut ilinniagaqarnissaat. Anguniagaq anguneqassappat tamanna siunnersuiner-mik piginnaasanillu qaffassaanermik ataavartumik ingerlanneqartariaqarpoq.

2. Sulisussanik nunanit allanit tikerartitsineq ukiuni kingullerni annertusiar-tortoq nalinginnaasumik ilisimaneqarpoq. Suliaqarfinni nunanit allanit sulisussanik tikisitsinissamik pisariaqartitsiviusuni sulisussanik kalaallinik amerlanerusunik atuinissaq qulakkeerniarlugu Naalakkersuisut aalajanger-simasunik iliuuseqalersaarpap?

Naalakkersuisut suliassaqarfinnik ilisimasaqanngillat nunaqavissunik taamaallaat sulisoqartunik, aamma ukiuni tulliuuttuni sulisussanik nutaanik pisariaqar-titsinngitsunik. Tamanna pisortat suliffeqarfiutaanut aamma suliffeqarfinnut namminersortunut atuuppoq. Taamaattumik pisariaqarpoq nunaqavissut suliffissaqartinnissaat, saniatigullu nunatta avataanit suliassaqarfinni amerlanerni sulisussanik pissarsiornissaq.

Politikikkut aalajangiisoqarnikuunngilaq nunaqavissut ilinniarfissat suut aamma suliassaqarfinni sörlerni periarfissat annertunerulernissaat kissaatigineqarnerunersoq. Isummertoqarsinnaavoq, immikkut qulakkeerniarneqassasoq nunaqavissut periarfissaat qulakkeerniarneqassasoq atorfinni, attaveqaqatigiinneq, oqaatsinut aamma kulturimut ilisimasaqar-neq immikkut pingaaruteqartinneqassasoq. Ilinniagaqarnissamullu periarfissat inunnik isumaginninnermut, ilinniagaqarnermut kulturimullu tunngasut qulakkeerniarneqarsinnaapput. Kisiannili aamma takorlooruminaappoq aalisarnermut inuussutissarsiorneq nunaqavissunik annertuumik suliffiunngitsoq. Nunamullu tunngasunik ilisimasaqar-neq pisariaqarluinnarpoq, illuliornerup sanaartorerullu iluani misigisaqartitsillunilu takomariaqarnerup iluani. Taamaattumik ajornakusoorsinnaavoq ilinniakkat aalajangersimasut toqqassallugit, immikkut nunaqavissut sulisutut atorluarniaraanni.

Naalakkersuisut suliffissanik pilersitsinissaq ukkatarapat, tassungalu atatillugu immikkoortittarlugit pilersaarusiukkamik suliniutit aallartisarnissaat ingerlanne-qarnissaallu. Aallartisarneqarneranni nalinginnaasumik ajornakusoortarpoq nunaqavissunik atorfiit inuttalernissaat. Kisianni pingaaruteqarpoq suliniutip ingerlanneqarnerani tamanna sulissutigissallugu periarfissaqaraangat. Erngup nukinganik suliniutit suliniutillu tassunga assingusut, nukissiuutinut ataavartunut nutseriartornermut suliniutit, ingerlanneqarnerminni nalinginnaasumik annertuumik sulisussanik pisariaqartitserpiartanngillat, tamannalu nunatsinni suliffeqarnermut tulluarpoq. Tamakkulu suliniutaapput nunatsinnut suliassanik aamma aningaasanik isaatitsisut, sulisussanik pissarsiniarnermut atatillugu ajornartorsiutaavallaanngitsut.

Suliaqarfinnut pioreersunut tunngatillugu Naalackersuisut pilersaarusiit aallartisarneqareersut malippaat, suliaqarfinni tamani sulisussat ilinniartillugit piginnaasatigullu qaffassarlugit.

Maannakkut suliaq ingerlavoq ilinniarfeqarfiit, aalisakkerinermut suliffeqarfiit Naalackersuisullu akornanni suleqatigiilluni, siunertaralugu aalisarnermut suliaqarfiup pisariaqartitaa naapertorlugu ataqatigiissumik ilinniartitaanermut piginnaasatigullu qaffassaanermut pilersaarut. Assigisaanik Peqqinnissaq pillugu ataatsimiititaliarsuarmut atatillugu peqqinnissaqarfiup pisariaqartitai naapertorlugit ilinniartitaanermut aamma piginnaasatigut qaffassaanermut suliniutit aallarnisarneqarput.

3. Inuusuttut 18-init 23-nut ukiullit, ataatsimiititaliamit assut piginnaeqartutut ajoraluartumilli naammattumik atorluarneqanngitsutut isigineqartut, atorluarneqarnerunissaat qulakkeerniarlugu Naalackersuisut aalajangersimasunik iliuuseqalersaarpat?
4. Inuusuttunut nunaqarfinni suliffissaaleqineq inissaaleqinerlu pissutigalugu illoqarfinnut nuunnissamut periarfissaqanngitsunut suliffissaqartitsinikkut Naalackersuisut iliuuseqalersaarpat?

Apeqqutit 3 aamma 4 ataatsimoortillugit akineqassapput.

Nunatsinni 2020-mi suliffissaaleqineq agguaqatigiisillugu 5,3 procentiuvoq. Sanilliullugu inuusuttuni 20-24-nik ukiulinni suliffissaaleqineq illoqarfinni 6,8 procentiuvoq nunaqarfinnilu 13,8 procentiulluni. Suliffissaaleqineq 25-29-nik ukiulinnut 20-24-nik ukiulinniit appasinneruvoq, kisianni suliffissaaleqineq katillugu 18-65-inik ukiulinnut sanilliullugu qaffasinnerulluni.

Pingaaruteqarluinnarpoq inuusuttut ilinniakkaminnik naammassinnissinnaanissaanut periarfissat pitsaanerpaat pilersinneqartariaqartut. Taamaattumik inuusuttut 30-t ataallugit ukiullit Naalackersuisut suliffeqarnermut politikiminni immikkut isiginiarpaat. Pingaaruteqarporlu paasiniassallugu inuusuttut suliffissaaleqisoq qanoq amerlatiginersut, suliffissaaleqinermi kisitsisini ersinngitsut, ilinniakkamik ingerlataqannginnertik imaluunniit suliffissaaleqisutut nalunaarutigisimannginnertik pissutigalugu. Aallarnisaataasumik suliaq tassunga tunngasoq aallartereerpoq.

Naalackersuisut kissaatigaat erseqqissassallugu, inuusuttut ilinniakkaminnik naammassinnittarnissaat suliffeqarnermullu ataavartumik ikkunniisaat tamanut ataatsimoorussamik suliassaasoq. Suliassaq inuusuttuni namminermiippoq, angajoqqaavini, meeqqat atuarfianni, ilinniarfinni aammalu politikikkut akisussaaffiulluni.

Ilinniartitaanermut aqqissuussinerit pioreersut avataasigut aamma sulissutigineqarpoq tunisassiornermik ilinniarfinnik pilersitsinissaq sulissutigineqarpoq, taakku inuusuttunik ilinniartitseriaatsimik allaanerusumut periarfissiissapput. Ingerlatsinerit taamaattut inuussutissarsiornermut ilinniarfinnut naleqqussarneqarsinnaassapput.

Ilinniartitaaneq tassaavoq inuusuttunut inuussutissarsiornermut peqataanissamut ikaarsaarnissamut periarfissaq pitsaanerpaaq. Taamaattumik sulissutigineqarpoq ujartuinikkut innuttaasunut siunnersuisarneq, kajumissaarneqanngikkaluartumik innuttaasut saaffigisalnissaanut. Inuusuttunut suliffissaaleqineq imaluunniit ilinniagaqannginneq annertuumik kinguneqarsinnaavoq. Suliniut NUIKI, nunaqarfinni aalajangersimasunik piginnaasaqalernissamut pikkorissartitsinerit, immikkut nunaqarfiit ukkataralugit, atuarfiillu suleqatigalugit, ilinniartitaanikkut qaffasaanissamik suliniuteqarput. Ukioq manna Narsami aallarnisaataasumik aamma suliniuteqartoqarpoq NUIKI 2.0, tamanna aqqutigalugu Naalackersuisut suliaqarfiit akimorlugit suliniutinik imminnut ataqatigiittunik suliaqartitsivoq, sumiiffinni assigiinngitsuni ilinniartitaanikkut suliffeqarnikkullu kulturimik piujuartussamik pilersitsiniarluni.

Taassuma saniatigut 1. januar 2023 Suliffissarsiortunut ikiorsiissutinik pilersitsisoqarpoq, taassuma suliffeqarnermi ikiorsiissutit taarsissavai. Nutaaliornerup siunertaraa amerlanerpaat namminneq napatissinnaalernissaat, inuillu tamarmik sapinngisaminnik tapeeqataanissaminnut pisussaaffeqartut. Suliffissarsiortunut ikiorsiissutit atorfineriaannaasunut sammitinneqarpoq aamma atorfineriaannaasut napparsimallutik nalunaarsimasut Immikkoortoq 1-imiittut. Ikiorsiissutit pilersinneqarnerata tunuliaqutigaa inuit tamarmik inuiaqatigiinni atorfissaqartinneqartut, taamaattumillu pingaaruteqartoq piginnaatitaaffiit aamma piunasaqaatit imminnut oqimaaqatigiilluarnerusariaqartut. Suliffissarsiortunut ikiorsiissutit pillugit kommunit piviusorsiortumik iliusissatut pilersarusiornissamik pisussaaffilerneqarput, suliffissaaleqisut ataasiakkaat piginnaasaat aallaavigineqarluni. Innuttaasut suliffeqalernissaminnut tapersorsorneqassapput. Suliffissaaleqisoq piginnaatitaaffeqarpoq pisussaaffeqarlunilu pikkorissarnissamut sungiusarnissamullu neqeroorutit tigussallugit. Suliffissaaleqisoq pisussaaffeqarpoq nammineerluni naleqquttumik imminnut suliffissarsiussalluni.

Sivisuumik suliffissaaleqinermik eqqugaasimatilluni suliffissaaleqisup pisussaaffigaa sumiiffigisami avataani suliffissamik neqeroorfigitikkuni taanna tigussallugu (suliffinnut atatillugu nuuttarneq). Pisussaaffiuvoq Majoriami oqaloqatiginninnissamut aggersarneqarnermi orniguttarnissaq, suliffillu neqeroorutigineqartoq tigusissaa. Pisussaaffiuvoq nammineerluni naleqquttumik imminnut suliffissarsiunnissaq, atorfimmu sungiusarnissaq assigisaalu.

Suliffissaaleqisup atorfimmu piareersimanissamut pisussaaffini Naammassinngippagu, uku peqqutigalugit:

- nammineerluni atorfimmit soraarsimaguni,
- nammineerluni pisuulluni soraarsitaasimaguni,
- atorfik imaluunniit pikkorissarnissamik neqeroorut piumanngikkuniuk,
- Majoriami oqaloqatiginninnissamut aggersarneqarluni peqquteqarnani ornigutinngippat, taava tamanna mattussaagallarnermik kinguneqassaaq.

Pisortat ikiorsiissutai pillugit inatsit nutaaq, Naalackersuisut nammineq pilersorsinnaaneq pillugu naalackersuisoqarfiit suliassaqarfii akimorlugit pilersarusiaannut atasutut isigineqassaaq.

Inuiaqatigiit nammaqatigiissut pilersinniarlugit anguniagaqarnermut pingaaruteqarpoq piginnaatitaaffiit pisussaaffiillu erseqqissuunissaat, innuttaasullu tamarmik inuiaqatigiinnut sapinngisaminnik taperseqataasassasut. Tassunga tunngatillugu pisortat ikiorsiissutaanik nutarterineq tunngassuteqarpoq, nutarterinikkummi amerlanerpaat suliffissaqalissammata taamaalillutillu inuiaqatigiinnut tapiuteqalerlutik.

Nutarterineq innuttaasut inuuniarnerminnut pitsaanerulersitsinissamut aamma kajumilersitsissapput periarfissiillutillu, tassuunalu inuiaqatigiinni piitsuussuseq annikillissallugu. Pisortanit ikiorsiissutinut aalajangersimasumik nutarterinerup siunertaraa suliffeqartut amerlisassallugit aamma suliaqarfinni allani naammassisaqarsinnaaneq naammaginangitsoq iluarsissallugu, inunnik isumaginninnerup-, suliffeqarnerup-, ilinniartitaanerup- peqqinnissaqarnerullu iluani. Inuit katitigaanerisigut ajornartorsiutit pinngitsoorneqassappata inuit amerlanerit suliffeqarnissaat piumasaaqataavoq. Ingammik inuusuttut akornanni sukkanerusumik ilinniagaqartalernissaat imaluunniit suliffissaqartalernissaat pisariaqartinneqarpoq.

2.2 Aningaasaqarnikkut pingaarnertut inissisimaffik, qupperneq 172

1. Akileraarutinit isumalluutinillu iluaquteqarnermit akitsuutitigut isertitat appariartornerannut tunngatillugu aalisarnermit isertitassat missingersuutigineqarneranni mianersornissamut pissutissaqartoq Naalakkersuisunit oqaatigineqarpoq. Ajornartorsiuteqarfiup tamatuma erseqqinnerusumik itisilerneqarnissaa ataatsimiititaliamit kissaatigineqarpoq.

Arlaqartunik patsiseqarpoq maannakkut aalisarnermut inuussutissarsiordermiit akileraarutitigut aamma akitsuutitigut aningaasatigut isertitat mianersortumik missingersuusiorderneqarnissaat.

Aalisakkat nunarsuarmi niuerfinni neqeroorutaaneri piumaneqarnerilu akiinut apeqqutaapput, ukiumiillu ukiumut nikerarsinnaasaqalutik. Aamma qulakkeer-neqarsinnaanngilaq pisassiissutit tamakkerlugit qaqinneqarsinnaaneri. Assersuutigalugu aalisariummik ajutoorneq imaluunniit aalisarnermi pisaqarluanginneq peqqutaasinnaapput, soorlu taamatut ukioq manna avaleraasartuunik aalisarneq ajutoortoq.

Tamanna saniatigut ukiuni kingullerni ajornartorsiutit annertuut nunarsuarmi aalisakkanik nioqqutissianik tuniniaaneq aalisakkallu akiinut tunngasut nalorninartorsiorfiupput.

2020-mi aamma 2021-mi Covid-19-imik ajornartorsiornerup ingerlanerani aalisarnermik tunisassiorfiit aalisakkanik tunisassiat tuniniarnerat ilungersornarsimavoq, aalisakkanillu nioqqutissiat akii apparsimapput, tamannalu nassataraa aalisarnermi isumalluutinut akileraarutikkut isertitat akileraartarnikkullu isertitat appariarput. 2022-mi nunarsuarmi aalisakkanik tunisassiat pitsanngoriartornerata ingerlanerani Ukrainemi sorsunneq aallartippoq, tamannalu aalisakkat assigiinngitsut neqeroorutaaneri piumaneqarnerilu aamma akii sunnersimavaa.

Kinami maanna Covid-imik ajornartorsiuteqarneq nalorninartorsiornermut ilapittuutaavoq, Kina Kalaallit Nunaata aalisakkanik tuniniaaffiginerpaasarpaa. Kina annertuumik matusinissaq aallarteqqissappagu, soorlu 2020-mi taamaaliortut, tamanna kalaallit aalisakkanik tunisassiaanik tuniniaanermut aamma aalisakkat akiinut annertuumik kinguneqassaaq. Akit appariarneri taamani 2020-mi nalaatavut piviusunngoratarsinnaapput.

Akileraarutit tassunga ilanngullugu eqqussinermi akitsuutit aningaasaqarnerup qanoq ingerlaneranut atassuteqarput, tamannalu missingersuusiornermi mianersornissamut pissutaavortaaq. Assersuut pitsaasoq tassaavoq maanna ajornartorsiorneq Ukrainemi pissutsinit aallaaveqartoq, tamannami nassatarisimavaa nerisassat assigiinngitsorpassuit akitsoriartorsimaneri i.il. taamaattumillu tamanna atuinitsinnut sunniuteqartoq, tassuunalu aamma nioqutissanik eqqusuunitsinnut il.il.

2. Aningaasat naleerukkiartornerat qanoq ineriartorfiussanersoq pillugu nalorninartoqarneranut tunngatillugu aningaasat naleerukkiartornerisa minnerunngitsumik akissaatikinnerusunut akornusiisumik sunniuteqarsinnaanera killilersimaarniarlugu piffissap ingerlanerani immikkut ittunik suliniuteqarnissamik naliliinissaq pisariaqarsinnaasoq Naalakkersuisunit oqaatigineqarpoq. Ajornartorsiuteqarfiup tamatuma erseqqinnerusumik itisilerneqarnissaa ataatsimiititaliamit kissaatigineqarpoq. Tassunga atatil-lugu aningaasat naleerukkiartornerat qanoq annertutigilerpat nunatsinnut atatillugu ajoqutaalersinnaasutut isigineqartariaqalernissaa Naalakkersuisunit nalilerneqarsimava?

Tassunga atatillugu Naalakkersuisut upalungaarsimassuteqarpat?

Naalakkersuisut aningaasat naleerukkiartornerat pillugu aalajangiussaqaanngillat aamma maanna taamaaliornissartik pilersaarutiginagu. Kisianni pingaaruteqarpoq aningaasat naleerukkiartornerat suullu peqqutaanersut nakkutigissallugit, tamannami qanoq iliuuseqassanerluni aalajangiisuussaaq.

Pingaaruteqarporlu maluginiassallugu aningaasat naleerukkiartornerat nunatta avataaninngaanneermat. Tassunga pissutaavoq nioqutissanik annertuumik eqqussuisuugatta. Naalakkersuisut iliuuseqarfiginissaanut killeqarneranut tamanna peqqutaavoq. Aningaasat naleerukkiartornerat arlalitsigut naatsorsorneqartarpoq, tassanilu nerisassat akiisa aningaasat naleerukkiartornerat qaffakkiartortippaa. Tamanna allanngoratarsinnaavoq. Aamma imatut pisoqarsinnaavoq avataaninngaanniit aningaasat naleerukkiartorneranik sunniineq nunatsinni aningaasat naleerukkiartorneranik ilaneqartoq akissarsiat qaffatsinneqarpata aamma nukissamut ikummatissanullu aningaasartuutit imatut qaffatsigippata nunatsinni tunisassiorneq aamma sunnerneqarluni.

Aningaasaqarnermut Akileraartarnermullu ataatsimiititaliap akuersineratigut Naalakkersuisut Royal Arctic Line A/S isumaqatigiissuteqarfigaa 2022-mi qaammatit sisamat kingulliit Kalaallit Nunaata tungaanut assartuinermi uuliap akianut qaavatigut tapiliussap appartinnissaa, pingaartumik nerisassanik nioqutissanik assartuinermi. Uuliap akianut tapiliussap annertussusia aningaasat

naleerukkiartornerat ilutigalugu qaffatsikkiartorneqarsimavoq. Iliuusissap tamakkiisumik nerisassanik nioqqutissanik assartuinnermut akiliutaasartut appar-tissavai taamaalilluni nioqqutissat akiisa qaffakkiartornissaat pinngitsoor-tissallugu.

Pisariaqarpoq taartisiatut aaqqissuussinerit piffissamik killilikkamik taamaallaat atuutsinneqarsinnaapput aamma atuutsinneqartassapput. Nunarsuarimi nunat aningaasaqarnerisa ineriartornerat pillugu missingersuutini naatsorsuutigineqar-poq aningaasat naleerukkiartornerat 2023-mi appasinnerusumut uteriassasoq. Taamaattumik pingaaruteqarpoq aaqqiissutissanik pilersitsisoqannginnissaa atajuartussanngoratarsinnaasunik imaluunniit allaat aningaasat naleerukkiar-torneranik sakkortunerulersitsisinnaasunik. Aamma pingaaruteqarpoq aaqqiissutit imatut ilusilerneqannginnissaat maanna ajornartorsiutaareersoq ataatsikkut amerlavallaanik suliaqartitsinermi suliassat akisuallaalernerat suliaqarfinni arlalinni; ingammik sanaartornerup iluani. Naggataatigullu oqaatigineqassaaq aaqqiissutit unammilleqatigiinnermik equitsinnginnissaat. Nunatta Karsiata imartussusiata nammineerluni killilersimaarpaa sivisuumik atuuttunik aningaasat naleerukkiartorneranut aaqqiissutinik iliuuseqarnissaaq.

Taamaattumik maannakkuugallartoq siunnersuutigineqarpoq aaqqiissutinik iliuuseqarnissat taamaallaat atuutsinneqassasut 2022-p naanissaata tungaanut.

2.3 Aaqqissuusaanikkut ajornartorsiutit ungasissumut atuuttut, qupperneq 175

1. Aaqqissuusaanikkut ajornartorsiutinut ungasissumut atuuttunut (aser-fallatsaaliinikkut kinguaattoorneq kiisalu aningaasaqarnikkut attassinis-samik ajornartorsiut) tunngatillugu Naalackersuisunit oqaatigineqarpoq taakku iliuuseqarfigineqanngikkunik atugarissaarnerup namminersorlu-tillu inuussutissarsiortut ingerlalluartut attannissaat assut ajornartorsior-fiulersinnaasoq. Ajornartorsiutip tamatuma erseqqinnerusumik itisiler-neqarnissaa kiisalu iliuuserineqarsinnaasut naatsumik nassuiaatigine-garnissaat ataatsimiititaliamit kissaatigineqarpoq.

Naalackersuisut attassiinnarnissamut ajornartorsiut pillugu ilumoortumik aamma aserfallatsaaliinikkut kinguaattoorneq pillugu ernumassuteqarput, qanorlu taakku aningaasaqarnitsinnut sunniteqarsinnaaneranut. Ukiuni qulini tulliuuttuni ajornartorsiutit taakku pillugit aaqqiissutissaannik uteriitsumik sulissuteqarnissaaq pisariaqarpoq. Unammilligassat ukiualuit ingerlanerinnaanni aaqqinneqarsin-naanngillat.

Naalackersuisut saqqummersitassamini marlunni ajornartorsiutit qanoq iliuuseqarfiginiarnerlugit saqqummiutissavai. Ukiup ingerlanerani Nuna tamakkerlugu pilersaarummik nutaamik saqqummertoqassaaq, tassanilu sammineqassaaq aserfallatsaaliinikkut kinguaattoorneq. Taassuma saniatigut 2023-mi ukiup sisamararterutaata siulliup ingerlanerani napatitsinerimut siuariartortitsinissamullu pilersaarut nutartigaq saqqummiunneqassaaq, taaneqartoq Napatitsinerimut siuariartortitsinissamullu pilersaarut II.

Aningaasaqarnikkut attassiinnarnissamut ajornartorsiummut ilaatigut tamakkiisoq isigalugu patsisaasoq tassaavoq inuiaqatigiinni innuttaasut ukiumikkut

katitigaanerata allanngoriartornerata kingunerisussaagaa innuttaasuni sulisuuner-
miit pilersugaanermut ikaarsaariartut amerliartussasut. Ineriartorneq tamanna
aallartereerpoq. Taamaattumik isertitat ikiliartuinnassapput aningaasartuutillu
amerliartuinnarlutik. Tassunga ilanngullugu inuusuttut amerlavallaat
piginnaasaqalersitsisumik ilinniagaqalertannginnerat, suliffininngitsoortarnerat
imaluunniit kingusinaarlutik suliffinittarnerat. Tamanna amerlasuunut
equngasumik atorfinittarnerannik aamma akissarsiakippallaarnermik kinguneqar-
tarpoq. Aamma naalagaaffimmiit tapiissutit nalingi appariartuaarput, BNP-p
qaffakkiartornera agguaqatigiissillugu Kalaallit Nunaanni Danmarkimut
sanilliullugu qaffasinnerusimammat.

Tamaat isigalugu ilusiligaanikkut tunngassuteqartunik ajornartorsiutaapput,
pisariaqarporlu iliuuseqarfiginissaat atugarissaarnej inuussutissarsiornerlu
pitsaasoq attatiinnarneqassappata. Ilusiligaanikkut ajornartorsiutit aallaavimikkut
katitigaasimasarput ataasiakkaanik iliuuseqarnikkut iluarsineqarsinnaasarnatik.
Pisariaqarpoq iliuuseqarnissaq annertuumik aningaasartuutunik apparitsinissaq
aamma/imaluunniit killormut pisortat aningaasartuutaat annertusinerisigut
ilaatigut namminersorlutik inuussutissarsiornermi sullinneq annertusarneratigut.

Inuiaqatigiit aningaasaliisarfiini aningaasaliinissaq pisariaqarpoq soorlu ilaatigut
innaallagissiorfiit, atuarfiit illutaat, inissiat, napparsimmaviit, angallanermut
tunngasunik sanaartukkat, taakku maanna taamaallaat pingaaruteqanngillat,
kisiannili aamma atugarissaarnissamut pingaaruteqarput ukiut 10-20-t
qaangiuppata. Inuiaqatigiit aningaasaliisarfi maanna atukkavut ukiorpassuarni
suliaqarsimanerup imaluunniit suliaqanngissimanerup kingunerai. Taamaattumik
ullumikkut aalajangiunneqartut kingunerisassai siunissami ukiorpassuarni
atuuttussaapput.

Nalinginnaasumik sanaartukkanut assigiinngitsorpassuarnut annertuumik nalinik
pituttoqqasarput, soorlu umiarsualiveqarfiit, innaallagissiorfiit, inissiat attartor-
tittakkat il.il., atorsinnaassusii aamma nalingi attanneqassappata annertuumik
tamanna suliassaavoq. Aserfallatsaaliuineq pitsaasoq pisariaqarpoq aningaasaliif-
figisap nalinga attanneqassappat, aamma nalinginnaasumik aningaasaliinerup
ukiuni tulliuttuni naleqassusia akilersinnaassusialu atalluarnerusarpoq.
Illuatungaaniilli aserfallatsaaliuisoqanngippat imaluunniit naammaginartumik
aserfallatsaaliuisoqanngippat aningaasaliiffigisap attartunera sivikillissaq
atorsinnaassusialu ajornerulerluni.

Pisortat qitiusumik suliassaqarfiisa ilaanni, soorlu inissiaqarnermi,
nukissiuuteqarnermi, umiarsualivinni, mittarfeqarnermi immikkut annertuumik
aserfallatsaaliuinikkut suliniuteqartoqartariaqarpoq.

Taamaattumik Naalakkersuisut suliamik aallartitsippat tamakkiisumik eqqorluar-
tumillu ajornartorsiut takusinnaajumallugu iluarsisutaasinnaasunillu periarfis-
sanik siunnersuusiorumallutik, aamma nuna tamakkerlugu pilersaarummi
saqqummersussami aserfallatsaaliuinermi kinguaattoorutit ukkatarineqassapput.

Naalakkersuisut maanna Nukissiorfiit aningaasaqarnerata patajaatsunnigornissaa immikkut isiginiarpaat, taamaaliornikkut qulakkeerneqassaaq kinguaattoorutit aamma ingerlaavartumik aserfallatsaaliuinerit naammaginatsumik aningaasaliiffigineqarniassammata. Kinguaattoorutit ilaatigut 2018-imi assigiimmik akeqartitsineq atulersinneqarneraninngaanneerput, tamanna nassataraa Nukissiorfiup ukiumut isertittagaasa 150 mio. kr.-t sinnerlugit apparariarnerisigut akinik appartitsineq peqqutigalugu. Isertitanik annaasaqarnek ilaannakortumik taarserneqarpoq, suliffeqarfiullu aningaasaqarnera ullumikkut oqimaaqatigiinngitsumik inissisimavoq.

2021-p naajartornerani ingerlatsisimanermik misissuisimaneq naapertorlugu Nukissiorfiit naatsorsuutitigut aserfallatsaaliuinissamut kinguaattoorutai 2,4 mia. kr.-unissaanik naliliipput.

Nukissiorfiit naliliipput, aserfallatsaaliuinerimut kinguaattoorutit angummaffiginiarneqassasut tamakkiisumik aningaasaleeqqinnerit qaffannerisigut aamma ukiut qulikkaarsumik aserfallatsaaliuinerit peqatigalugit. Suliffeqarfiup kinguaattoorutininik sukkanerusumik angumersiniassappat maannakkut sulisussatigut, aningaasatigut aamma suliffeqarfiup piginnaasaatigut periarfissai amigarput. Tamanna tunngavigalugu pingaarnersiuinikkut suliassat allattorsimaffianik suliaqarsimavoq, aamma Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik iliuuserisassanut aningaasaliuinissamut pilersaarusiamek suliaqarput.

2. Tassunga aamma atatillugu Namminersorlutik Oqartussat ingerlatseqatigiiffutai taakkulu ataanni suliffeqarfiit qanoq inissisimanersut paasisutissiissutigineqassasoq ataatsimiititaliamit kissaatigineqarpoq. Ataatsimiititaliap isumaa malillugu taakku aserfallatsaaliuinissamik suliassap aamma isumaginissaanut naammattunik sinneqartooruteqarsinnaasariaqarput.

Tamanna Naalakkersuisut isumaqatigaat. Ingerlatseqatigiiffinni arlalinni aserfallatsaaliuinerimut kinguaattooruteqartoqarpoq, tamanna Aningaasaqarnermut Akileraartarnermullu ataatsimiititaliamut ilisimatitsissutigineqareerpoq, pineqartut tassaapput:

- KNI A/S
- INI
- Nukissiorfiit
- Mittarfeqarfiit

Naatsorsuutigineqarpoq sivilisunngitsoq qaangiuppat inissiaqarnermut tunngasunut aaqqiissutissanik ukioq manna saqqummiussisoqarnissaa (INI A/S), Nukissiorfiit aamma Mittarfeqarfiit. Ingerlatseqatigiiffiit aningaasarsiornermikkut naammaginatsumik inissisimanissaat taamaalillutillu aserfallatsaaliuinerimut aningaasassaqarnissaat aallaaviuvoq. Qanorpiaq aningaasalersorneqarnissaat isikkoqasansersoq suli ilisimaneqanngilaq. KNI-mut tunngatillugu 2023-mi aaqqiissutissanik siunnersuusiortussanik suleqatigiissitanik pilersitsisoqarpoq.

2.4 Namminersorlutik Oqartussat ingerlatseqatigiiffiutaanni angineri ineriartorneq, qupperneq 175

Suliassat qitiusut ingerlatseqatigiiffinit Namminersorlutik Oqartussanit pigineqartunit ingerlanneqarnerannik Naalakkersuisut oqarnerat ataatsimiititaliamit isumaqatigineqaannarsinnaavoq.

1. Suliassanik taakkuninnga suliffeqarfiit ingerlalluarlutik ingerlatsisinnannissaat Naalakkersuisunit qanoq qulakkeerneqassava?

Namminersorlutik Oqartussat ingerlatseqatigiiffiisa pingaarnertut anguniagaat tassaavoq aningaasarsiorneq, aamma suliffeqarfik niuernerpalaartumik ingerlan-nissaa. Tassunga atuisut naammagisimaarinninnerat pingaarutilimmik nalilersuutaavoq, sinneqartoorsinnaanermullu tunngavissaq atuisup (innuttaasup) tunisassiaq naammagisimaarneraa apeqqutaalluni, ingerlatseqatigiiffiimmi ilaat kisermaassisumik inissisimallutik ingerlatsisuummata. Aserfallatsaaliuiner-mut kinguaattoorutitut tunngatillugu pingaarnertut isumalluutit Namminersorlutik Oqartussat toqqaannartumik pigisai pineqarput, soorlu inissiat, umiarsualiviit, timmisartoqarfiit, innaallagissiorfiit il.il. Aktianik piginneqatigiiffiit nunatta karsia kisiat isumalluutiginaq amerlanerusunik periarfissaqarput, taamaattumik aserfallatsaaliuiner-mut ajornartorsiutit ingerlatseqatigiiffiit niuernerpalaartumik ingerlanneqartuni takussaavallaannginneruvoq. Pisortat inissiaataasa aserfallatsaaliuiner-mik kinguaattoorutaanut maluginiarneqassaaq INI A/S-ip inissiat taakku piginnimmagit, kisiannili piginnittua sinnerlugu nakkutigis-aralugit, piginnittullu attartornermut akit aalajangertar-pai. Taamaattumik ingerlatseqatigiiffiup aaqqissuusaa-neranut annikinnerusumik tunngalluni, peqqutaaner-usorli tassaasoq attartornermut akigitit appasippallaartut.

Naalakkersuisut taassuma saniatigut piginnittuunermut periusissiamik suliaqarput, tamanna ingerlatseqatigiiffiit peqqittumik ineriartornissaat tapersissavaa. Tamanna pillugu politikikkut maanna misissuisoqarpoq.

2. Utoqqarmiut Kangerluarsunnguut aammalu Qasigianguani erngup nukinganik nukissiorfissaq pillugit taarsigassarsinissamik naatsorsuuti-ginninnerup akiitsut ineriartornissaat pillugu qupperneq 179-imi takus-sutissiami ilaannginnerannut suna tunngaviua?

Naalakkersuisut inussiarnersumik innersuussutigissavaat 2023-mut Aningaasanut Inatsisissami Siunnersuummi qupperneq 180-imi apeqqutip akissutaa allassimammat, nalunaarsuiffik 2-p kingorna, imatut:

“Namminersorlutik Oqartussat akiitsuinik siumut naatsorsuiner-mi Nuup eqqaani Utoqqarmiut Kangerluarsunnguanni innaallagissiorfiup allilerneqarnissaanut, kiisalu Aasiaat/Qasigianguit eqqaani erngup nukinganik innaallagissiorfiliornissamut 3,1 mia. kr.-nik taarsigassiisoqanngilaq. Taarsigassarsinissanut isumaqatiginninniarnertit suli naammassinngillat, aningaasanut inatsisissaatut siunnersuutillu naammassineqarnerani, taarsigassarsiat Kalaalit Nunaanni Namminersorlutik Oqartussat ataanni, suliffeqarfiulluunniit Namminersorlutik Oqartussanit pigineqartup ataani taarsigassarsiarineqassanersut suli paasinarsinngilaq.”

3. Mittarfeqarfiit Kalaallit Airports Holding A/S-imut aningaasaliissutigalugit ilanngunneqarsinnaanerisi kingunerisinnaasaasa itisilerneqarnissaat ataatsimiititaliamit kissaatigineqarpoq.

Mittarfeqarfiit aktianik piginneqatigiiffingortillugu aamma Kalaallit Airports Holding A/S-mut ilanngutillugu Namminersorlutik Oqartussat 100%-imik pigisaatut, nunatsinni mittarfeqarnermut sullissineq tamarmi suliffeqarfimmut aaqqissuussinnermut ataatsimut katersorneqassapput. Taamaalilluni naammattumik piginnaaneqarluartunik sulisoqarsinnaassaaq, ingerlatsinermi aningaasaqarneq pitsaanerusoq, annertuumik ingerlatsinermi iluaqutaasulimmik aamma minnerunngitsumik ajunngitsunik sunneqatigiinnernit pitsaasunik nassataqassaaq. Mittarfeqarfiit suliffeqarfittut nammineertitatut ingerlaannassappat, Kalaallit Airports Holding A/S-mut aktianik piginneqatigiiffittut ilanngunneqarnani, taava naatsorsuinerit takutippaat ukiumut 33 mio. kr.-nik akisunerussasoq. Kingunerisassai taamaalillutik innuttaasunik sullissineq pitsaanerusoq anguneqarsinnaavoq saniatigullu sunneqatiginnikkut nassatassat 33. mio. kr.-nik naleqassapput.

Aktianik piginneqatigiiffingortitsineq isumaqarpoq, Mittarfeqarfiit A/S-lu kiffartuussinissamut isumaqatigiissusiortoqassasoq, taamaalilluni ingerlatseqatigiiffik timmisartoqarfinnik ingerlatsinissaminut aamma aserfallatsaaliuinissaminut aningaasaliiffigineqassaaq, aningaasartuutit atuisut akiliutaanit matussuserneqanngitsut matussusersinnaaniassammata.

Kiffartuussinissamut isumaqatigiissummut akiliuteqarnissaq taamaalilluni Mittarfeqarfiit KAIR A/S-mut ilanngunneqarnissaaniit immikkoorpoq.

Kiffartuussinissamut isumaqatigiissutimut tapiliussassat 2023-mi aamma 2024-mi ukiumut 35 mio. kr.-nut nalilerneqarput, soorlu Mittarfeqarfiit A/S pillugu inatsisissamut siunnersuutip oqaasertaliussaani nassuiarneqartoq. Aningaasat taakku amerlassusissaat nalorninarpoq, taamaattumik maanna naatsorsueqqissaarnermik suliamik ingerlasoqarpoq.

Ilulissani aamma Nuummi mittarfitta atulerpata Mittarfeqarfiit isertittagaasa ilarujussuat annaaneqassaaq. Tamanna nassatarissavaa tapiliussatut aningaasaliisoqarnissaanik pisariaqartitsinerulerneq. Tapiliussatut pisariaqartitaq nutaaq naatsorsorneqarpoq ukiumut 105 mio. kr.-nut. (ukioq aallaavittut naatsorsuiffusoq aalajangerneqassaaq). Aningaasaliissutit timmisartoqarfinnut sinneruttunut aamma qulimiguulinnut mittarfinnut ingerlanneqarnerinut, aserfallatsaaliinernut aserfallatsaaliinermullu kinguaattoorutinut atorneqassapput. Tapiissutissanik pisariaqartitsineq tunngaveqarpoq Kangerlussuaq mittarfittut ingerlanneqassanersoq miffigineqartarluni, soorlu assersuutigalugu Dash-8 Q200-nit.

Kiffartuussinissamik isumaqatigiissusiornikkut Naalakkersuisut aamma siunissamut naammattumik aningaasaliisoqassasoq, taamaalilluni aserfallatsaaliukkamik

uummarissumik ataqatigiinnermut aaqqissuussinerit ingerlanneqarnissaat qulakkiissavaat.

2.5 Akinut akissarsianullu iluarsiiissut nutaaq, qupperneq 212

Aningaasanut inatsimmi suliassa qarfinnut ataasiakkaanut kiisalu kommuninut akinut akissarsianullu iluarsiiissutissatut Naalakkersuisut toqqagaata kingunerisassaasa ataatsimoortumik paasinartumillu saqqummiunneqarnissaat ataatsimiititaliamit kissaatigineqarpoq. Tamatuma saniatigut Danmarkimi aningaasat naleerukkiartornissaannik naatsorsuutigisap aningaasanut inatsisissatut siunnersuummut qanoq sunniuteqarsinnaaneranik ilisimatinneqarnissaq ataatsimiititaliamit kissaatigineqarpoq.

Akissut: Tunngavimmikkut akit akissarsiallu pissutsinit assigiinngitsunit aalajangerneqartarput. Tassunga aamma ilaapput aningaasanut-, aningaasaqarnermut- nunallu aningaasaanut politiki, ineriartornissamullu ilimasunneq. Avataaniit aningaasaqarnermut sunniutit aamma sillimaffiginiarneqartarput, soorlu nunarsuarmi ikummatissat akii.

Akinut aningaasarsianullu annertussusiliineq (AAA) marlunnit katitigaavoq; akinut tunngasoq, aningaasarsianullu tunngasoq. Akinut aningaasarsianullu annertussusiliineq naatsorsorneqartillugu akit aningaasarsiallu immikkut 50%-imik kisinneqartarput, tamakkiisumik akinut aningaasarsianullu annertussusiliinermi.

Aningaasarsianut tunngasoq ukiumoortumik aningaasarsiat tamakkiisut kisinneqartarput ukiumullu ataasiakkaat suliarisinnaasaasa naatsorsornerat kommuninut Namminersorlutillu Oqartussanut agguataarlugit. Kisitsinermi ilaatinneqartarput sulinermi kattuffiit anginerit tallimat (SIK, AK, IMAK, NPK aamma ASG). Akinut aningaasarsianullu annertussusiliinerup 2023-mut suliarinerani aningaasarsiat tamakkiisut ukiumullu ataasiakkaat suliarisinnaasaasa naatsorsornerat 2020-meersut aallaavigineqartarput, taakku Isumaqatigiinniartarnermut immikkoortorta qarfiup paasisutissanik katersuiffimmi kisitsisaatai aallaavigineqartarput. Aningaasarsiasanut kattuffiit ilaannut isumaqatigiissusiortoqarsimanngippat 2020-p kingorna ukiunullu tulliuuttunut, taava siumut 2021-mit 2023-mut naatsorsornerini isumaqatigiissutini aningaasarsiasat naatsorsorneri kattuffiit anginerit tallimat aallaavigalugit kisinneqartarpoq.

Akinut tunngasortaa naatsorsorneqartarpoq 2021-mut akip nalinga aallaavigalugu, akillu 2022-mi 2023-milu allanngoriartornerannut ilimagisat aallaavigalugit. Kalaallit Nunaata Naatsorsueqqissaartarfiata 2021-mi akit pillugit saqqummersitaa 28. marts 2022 saqqummersinneqarpoq. Akit 2022-mi 2023-milu allanngoriartornerinut ilimagisamut kisitsisit Danmarkimi atuisunut akit allanngoriartorneri atornerqartarput, taakku saqqummersinneqartarput Danske Bankimi bankip “naalagaaffiup missingersuutaa” ukiup sisamararterutaa siulleq. Tunngavik tassaavoq akulikitsumik nutarterneqartuortoq, tutsuiginartutut isigineqartoq tamakkuninngalu sulialinnit tatigisaasoq. Aningaasavut Danmarkimisut atoratsigit, taava Danmarkimi aningaasat naleerukkiartornerat

Kalaallit Nunaanni akit naleerukkiartornerat aamma sunniivigissavaa. Tamanna apeqqummi kingusinnerusukkut nassuiarneqarpoq.

Kommunit missingersuusiorderanarut aamma Aningaasanut inatsisissatut siunner-suutip suliarineranarut tunngatillugu pisariaqarpoq akinut akissarsianullu iluarsisissutip nalinganik aalajangiinissaq, tamanna Aningaasanut inatsisissap suliarinissaa sioqqullugu pisarpoq. Akinut aningaasarsianullu annertussusiliinerup ingerlaavartumik aalajangerinissaa periarfissaqarfigineqartanngilaq. Pissutsit piviusut aallaaviginiarlugit ilimagisatut kukkussutit aaqqiivigineqartarput. Tamanna isumaqarpoq akinut aningaasarsiallu pillugit naliliineq qaffasippallaarpat imaluunniit appasippallaarpat, taava tamanna piffissap ingerlanerani aaqqiivigineqarsinnaasarpoq. Tamanna pisarpoq ukiup tullissaanarut akit aningaasarsiallu iluaasiiviginerini ukiup siuliani ilimagineqarsimasoq naligiissarneqartarpoq, taamaalilluni ilimagisatigut kukkussutit peerneqartarput. Nalunaarsuiffimmi ataaniittumi takuneqarsinnaavoq ukiunut 2021-mit 2023-mut annertussusiinerit agguataarneri, tassanilu tamakkiisumik qaffasissuseq 2,85 procentiuvoq.

	AIS2023-mut nalilersuut		AI2022-mut nalilersuut		Ilimagisatigut kukkussutit		2023-mut AAA-p kisinnera
	Akis.	Akit	Akis.	Akit	Akis.	Akit	
2023	1,73%	1,10%					1,41%
2022	1,98%	4,40%	1,63%	1,20%	0,36%	3,20%	1,78%
2021	1,54%	0,20%	1,63%	0,80%	-0,09%	-0,60%	-0,34%
AAA- 2023							2,85%

Danmarkimi akit aningaasarsiallu naleqqersuutaat 3,9 procentiuvoq, taamaalilluni Kalaallit Nunaanni naleqqersuummit qaffasinnerulluni. Maanna naleqqersuut uani linkimi takuneqarsinnaavoq: <https://oes.dk/oekonomi/finanslov-og-udgiftsopfoelgning/indeks/pris-og-loenforudsætninger/>.

Naatsorsuutigineqarporli, qallunaat aamma kalaallit akitigut qaffasissusiat piffissap ingerlanerani ingiaqatigiilerumaartut, aningaasaammi assigiipput aamma nioqqutissat amerlanerpaat Danmarkimiit eqqussorneqartarput. Kisianni nunani taakkunani marlunni assigiimmik aningaasarsiat qaffakkiartornissaat naatsorsuutigissallugu pissutissaqanngilaq, nunanimi taakkunani aningaasarsiat qaffasissusiat aalajangerneqartarpoq aningaasatigut siuariartorneq, tunisassiorneq aningaasaqassutsillu nikerarneratigut. Kalaallit Nunaanni aningaasarsiornikkut siuariartorneq Danmarkimiit annertuneruppat taava tamanna maani AAA-p inissinnera qaffasinnerussaaq. Ukiuni arlaqartuni taamaassimavoq. Aningaasarsiat qaffasissusiat tunisassiorsinnaassusermit aalajangerneqartarmat, tamannalu Danmarkimi tunisassiorsinnaassusermut toqqaannartumik attuumassuteqanngilaq. Taassuma saniatigut aningaasaqassutsimut sunniutit piffissami sivikitsumi aningaasaqassutsip nikerarneranarut pingaaruteqarsinnaavoq. Tassuuna Danmark Kalaallit Nunaallu assigiinngitsumik sunnerneqartarput. Soorlu assersuutigalugu gasimut akit ineriartornerat Kalaallit Nunaannut sanilliullugu Danmarkimut sunniuteqarneruvoq. Inerniliisoqarsinnaavoq Danmarkimi akit

ineriartornerat ilaannakuinnarmik AAA-miittarteq. Tamanna AAA-p kisinneqarnerata aallaaviginiartarpaa.

2.6 Meeqqanut inuusuttunullu ulorianartorsiortunut sammititanik suliniutit, qupperneq 187-191

Suliasaqarfiit akimorlugit suleqatigiinnissamik pisariaqartitsisoqarneranik Naalackersuisut isumaqarnerannut tunngatillugu innarluutilinnut suliasaqarfimmi suliasaqarfiit akimorlugit iliuusissat qanoq ittut Naalackersuisunit eqqarsaatigineqarpat?

Akissut: Naalackersuisut Naalagaaffiit Peqatigiit inuit innarluutillit pillugit isumaqatigiissutaata atuutsinneqalernissaanut periusissiaq saqqummersussaq suliaqarfiit akimorlugit suliniutinik imaqarpoq. Pilersaarutaavoq periusissiaq Inatsisartut 2023-mi upernaakkut ataatsimiinnissaannut saqqummiunneqassasoq. Periusissiami iliuuserisassatut siunnersuutigineqartut taamaattumik suliakuerineqarnikuunngillat. Periusissiami aamma innarluutillit pillugit politikimi tunngaviusoq tassaavoq immikkoortut tamarmik ataasiakkaarlutik akisussaaffigissagaat kiffartuussinissat neqeroorutillu innarluutilinnut periarfissaassasut. Taamaattumik iliuuserisassat oqartussaqarfinnut aalajangersimasunut kisimi killilerneqarsinnaanngilaq. Assersuutigalugu Ilinniartitaanermut, Meeqqanut, Inuusuttunut, Ilaqutariinnut Peqqissutsimullu Naalackersuisoqarfik Kultureqarnermut, Timersornermut Ilageeqarnermullu Naalackersuisoqarfik qanimut suleqatigalugu innarluutillit pillugit suliaqarfimmut sulisut piginnaasaat qaffassarlugit ilinniartitsippot. Taassuma saniatigut innarluutilinnut politikip ataqatigiissarnissaanut aningaasaliisoqarnissaa pisariaqarpoq, suliaqarfimmi arlaqartut attuumassuteqarfimmagat.

2.7 Peqqinnissamut immikkoortoq, quppernerit 193-196

Spiralilersuisimanermik suliap annertussusia kingunerilu eqqarsaatigalugit Naalackersuisut qanoq naatsorsuuteqarnerisa erseqqinnerusumik itisilerneqarnissaa ataatsimiititaliamit kissaatigineqarpoq.

Akissut: Naalackersuisut naatsorsuutigaat kimulluunniit attuumassuteqanngitsumik Spiralilersuisimanermut suliap nalunaajaaffigineqarnissaanik suliaqartoqarnissaa pillugu qallunaat naalackersuilu isumaqatigiissuteqassallutik makku nalunaajarniarlugit:

- Kalaallit Nunaanni naartunaveersaartitsinermik periuseq 1960-ikkunni aallarnerneqarsimasoq oqaluttuarisaanermut ataqatigiissillugu, tassunga ilanngullugu ”Spiralilersuisimanermut suliaq”.
- Spiralit naartunaveersaatillu allat eqqunneqarnissaata tungaanut aaljangiussinerup tungaanut ingerlasimaneq, tassunga ilanngullugu taamaaliornissamut suut pequtaasimanersut, ingerlaavartumik ingerlateqqinneqarneranut aamma naleqqussarneranut. Nalunaarusiap imarissavai

pisorta qarfinnit peqatigiiffinnit pisorta qarfinnilu sulisunit peqataasunit isumaliutersuutit, aalajangiussat iliuuserisimasallu.

- Suliap Kalaallit Nunaanni suliarineqarsimanera aamma kalaallit arnat inuusuttut Danmarkimi efterskolersimasut. Qulaajaaffigineqassaaq qanoq suliaq piffissap iluani suliarineqarsimansoq, aamma kalaallit sinerissami assigiinngitsuni peqqinnissaqarfiini qanoq suliarineqarsimanera, aammalu ukioqatigiit assigiinngitsunut sorlernut. Qulaajaaffigineqassaarluni suliaq ilisimannittut oqaluttuarnersigut qanoq misigineqarsimansoq.
- Allaffissornikkut peqqinnissaqarfimmilu suleriaatsikkut spiralilersuisimanermut tunngaviusut, aamma Kalaallit Nunaanni naartunaveersaarnermut periutsit, aammalu taamani Kalaallit Nunaannit Danmarkimut ilinniariartut.
- Spiralilersuisimanermik inatsisitigut tunngavigineqarsimasut, nunami inatsiseqarneq naapertorlugi nunarsuarmilu inatsisitigut isumaqatigiissutit naapertorlugit.

Suliaq ilisimatusarfimmit ingerlanneqarniarneqarpoq, naatsorsuutigineqarlunilu ukiut marluk ingerlaneranni naammassisinnaassasoq.

2.8 Puiaasaqqanik utertitsisarnermik aqqissuusseqqinneq, qupperneq 197

Puiaasaqqanik utertitsisarnerup nutaap 2025-mit aatsaat sunniuteqarsinnaalernissaanut pissutsit suut pissutaappat? Suliap pisariaqanngitsumik kinguarsarneqarneratut tamanna Naalakkersuisunit isigineqarpa?

Akissut: Naalakkersuisut tunngaviatigut aalajangiunneqareersoq sioqqullugu periutsumik nutaamik eqqussisoqarnissaa ajorinngilaat, kisianni Naalakkersuisut kissaatiginngilaat pinngortitamik ajoqusiisinnaasumik tuaviuussinissaq. Naalakkersuisut naatsorsuutigaat puiaasanik utertitsisarnermut periuseq nutaaq, aallaqqaataani puiaasap puui Danmarkimi utertitsisarnermut tunngatillugu nalunaaqutsereerneqarsimasut aallarereersinnaapput 2025 tikitsinnagu, allaallumi 2023-mit. Naatsorsuutigineqarpoq atuutsilersitsineq tamakkiisoq aamma namminersortunngoreersoq 2024-mit piariissasoq. Tamatumani pisariaqartinneqarpoq inatsisitigut tunngaviit pisariaqartut akuerineqassasut, tassunga ilanngullugu akitsuusiisarnermut inatsisitigut allannguinnissat.

2.9 Attaveqaatit inuussutissarsiornermillu ineriartortitsineq, qupperneq 200

1. Attaveqaatinut tunngasuni Naalakkersuisunit suut amigaatigineqarnersut erseqqinnerusumik itisilernerqassasoq ataatsimiititaliamit kissaatigineqarpoq. Taakku ilaat sorliit piffissamut qaninnerusumut ungasinnerusumullu pisariaqartinneqarpat?

Akissut: Kommunit aamma inuussutissarsiornermik suliaqartut ugartorpaat Kalaallit Nunaanni sumiiffinni assigiinngitsuni umiarsualiveqarfiit anginerit

nutaaliaanerusullu, angallanneq assartuinerlu takornariaqarnerlu, avammut tuniniaaneq tunisassiornerlu ikorfartorniarlugit.

Nukinginnarluinnarpoq Aasianni Maniitsumilu umiarsualiveqarfiit aserfallatsaaliuineqarnissaat, takuuk umiarsualiveqarnermut tunngatillugu immikkoortunut pilersaarut. Erseqqissarneqassaaq Kalaallit Nunaanni sumiiffinni amerlasuuni umiarsualivinnik aserfallatsaaliuinissaq sanaartornissarlu. Naatsorsuutigineqassaaq eqqakkanik isumaginninnermut tunngatillugu umiarsualiveqarnermut tunngasut kommunit ataatsimoorlutik eqqakkanik isumaginninnermut ingerlatseqatigiiffianukartussat pillugit qulaajaaffigineqarnissaat aallartisarneqassasoq.

Assinganittaaq apersuutigineqarpoq aqquserniornissaq allatullu pisariaqartunik attaveqaasersuutunik sanaartornissaq, illoqarfiit aamma inuussutissarsiornikkut siuariartornissaanut pisariaqarmata, timmisartunut qulimiguulinnullu mittarfiit siunissamilu sillimaniarnermut atortut pisariaqartitat naapertorlugit.

Taassuma saniatigut ataavartumik oqarasuaateqarnikkut attaveqaasersuutitigullu aningaasaleeqqittoqarnissaanik pisariaqartitsisoqarpoq. Uani pingaaruteqarpoq Nunatta Karsia aqutigalugu aningaasaliinerit Namminersorlutillu Oqartussat ingerlatseqatigiiffiisa nammineerlutik aningaasaliineri. Assersuutigineqarsinnaavoq TUSASS, atuisut akiliutaat aqutigalugit oqarasuaatikkut internetimullu il.il. atortulersuutit aserfallatsaaliorneqarneri ingerlaavartumik aningaasaliiffigisarpai.

2. ESANI-p tamakkiisumik atuussinnaanngornissaata tungaanut avatangiisinut eqqakkanillu suliasaqarfimmi aaqqiissutissat suut Naalakkersuisunit sulissutigineqarnerisut tamakkiisumik paasisaqarfiginissaat ataatsimiititaliamit amigaatigineqarpoq.

Eqqakkanik passussineq pillugu iliuusissatut pilersaarut 2020-2031 naapertorlugu Naalakkersuisut sulipput ingerlatsillutillu. Eqqakkanik passussineq pillugu iliuusissatut pilersaarummi Naalakkersuisut eqqakkanut tunngatillugu anguniagaat allaaserineqarput, aamma kommunit sumiiffinni ataasiakkani eqqakkanik pilersaarusernerat iliuuserisassaallu sinaakkusersorpai. Avatangiisinut aningaasaateqarfiup ukiut tamaasa kommunit avatangiisinut eqqakkanullu tunngasunut iliuuserisartaqarnerat tapiiffigisarpai. Ukioq manna ilaatigut ESANI A/S nuna tamakkerlugu eqqakkanik aallernissaanik suliniut tapiiffigineqartussatut nalunaaruteqartoqarpoq. Nalunaaruteqarnikkut siunniunneqarpoq illoqarfinni nunaqarfinnilu eqqakkat amerliartorsimasut ikilitinneqarnissaat. Eqqakkat katersorneqartut suliarineqarnissaat siunertaralugu Danmarkimut nassiuunneqassapput. Ikuallaaviit marluk 2024-mi piareernissaata tungaanut kommunit maannakkutut ingerlaannassapput, ikuallaaviit pioreersut atorlugit aamma eqqakkanik poortuilluni periuseq atorlugu.

2.10 Sanaartorneq, qupperneq 206

1. Sanaartornermut tunngasuni piujuartitsinermik oqarnermini Naalakkersuisut suna pineraat erseqqinnerusumik itisilerneqassasoq ataatsimiititaliamit kissaatigineqarpoq. Piujuartitsinermik aallaaveqarluni atortussiat Naalakkersuisunit pineqarpat imaluunniit taama oqarneq siamasinnerusumik paasineqassava?

Oqaaseq piujuartitsineq sanaartornermut atatillugu siammasissumik isumaqartillugu paasineqassaaq. Naalakkersuisut piujuartitsinermik anguniagaqarlutik suliaqarput, tassungalu aamma ilaapput avatangiisinut, aningaasaqarnermut inooqatigiinnernullu tunngasunik soqutigisaqarneq, taakkulu pingasut imminnut sanilliullutik assigiimmik oqimaaqatigiissineqarput, aamma naligiissinneqarnissaat anguniarneqarpoq. Taamaattumik atortussat piujuartitsinermut naapertuuttut assersuutitut assiliaq tamaat isigalugu ilaannaattut isigineqartariaqarput. Illuliat avatangiisit mianeriinnarnagit aningaasaqarnikkullu isumannaatsumik sanaajussapput, inuiaqatigiinnullu naleqqussarneqarsimassallutik, atuisullu ataasiakkaat pisariaqartitaat naapertussallugit.

- 2 Sanaartornissamik pilersaarutit pillugit Naalakkersuisut qanoq eqqarsaatqarpat? Sanaartornissamut pilersaarutit aningaasaliissutissatut kissaatinut aqutsisuuppat imaluunniit killormoorpa?

Nutaanik sanaartornissamut pilersaarusernermi sanaartornermut pilersaarutit aqutsisuusarput, aningaasaliissutimmi immikkoortunut pilersaarutit pioreersut suliaasaqarfinnut ataasiakkaanut tunngatillugit pingaarnersiorneqartarmata.

2.11 Sillimmatit missingersuutinillu aaqqiinerit, qupperneq 210

Aningaasat ukiuannut matumunnga sanilliullugu AIS2023-mi aningaasaliissutinut allannguutit paasiuminartunngorlugit takussutissiarineqarnissaat siuliani apeqqummut 2.5-imut nangissutitut ataatsimiititaliamit kissaatigineqarpoq.

Taamaalillunilu siusinnerusukkut periuserineqartup uterfigineqarnissaa ataatsimiititaliamit kissaatigineqarpoq, tassalu konto pingaarnerni aningaasaliissutinut allannguutit assersuutigalugu +/- 5%-iuppata taakkunanani aningaasaliissutinut allannguutit aningaasanut inatsimmi takussutissiat ataanni skemanngorlugit takussutissiarineqarnissaat.

Akissut: Naalakkersuisut aningaasanut inatsisissamut saqqummersussamut kapitalimik nutaamik suliaqarput, tassuuna ukiumiit ukiumut allannguutit erseqqinnerusumik takuneqarsinnaalissapput. Kapitalimi tassani aamma tamakkiisumik missingersuummik imaqaassaaq. Siornatigut tabeli ilanngunneqarsimagaluortoq ataatsimiititaliap eqqaasaa ilanngunneqassanngilaq nalilernerqarmat paasissutissat tassaniittut annikippallaarmata. Tassungalu aamma pingaarnertut peqqutaalluni ukiumoortunut aningaasaliissutit aningaasamut inatsimmiit aningaasanut inatsisissamut siunnersuummut nikeriarneq allannguutitut isikkoqassammata.

Ataatsimiititaliap atugassaatut matumani nalunaarsuiffiup ujartorneqartup sananeqarnera:

Konto pingarneq	AI2022	AIS2023	Assigiinngissut	Assigiinngissut %
100101 Naalakkersuisut Siulittaasuata				
Naalakkersuisoqarfia, NSN, allaffissorneq	20.307.000	22.097.000	-1.790.000	-8,8%
100128 Inatsisinut tunngaviussanar				
isumalioqatigiissitaq aamma allattoqarfik	5.708.000	0	5.708.000	100,0%
100627 Aatsitassanar suliffissuaqarnermullu pilersaarutinut atatillugu arlaannaannulluunniit attuumassuteqanngitsumik paasiniaasussanar aningaasanik tapiissutit	100.000	0	100.000	100,0%
101311 Aktiaateqarluni ingerlatseqatigiiffinnut aningaasanngorlugit aningaasartuutit	124.000.000	143.000.000	-19.000.000	-15,3%
109803 Inussuk IT	0	21.446.000	-21.446.000	#
120101 Kalaallit Nunaata Københavni Sinniisoqarfia, Ingerlatsineq	0	8.470.000	-8.470.000	#
120110 Kalaallit Nunaata Københavni Sinniisoqarfia, Ineqarnermut akiliutit	0	5.000.000	-5.000.000	#
120111 Namminersorlutik Oqartussat Københavni inissiaataat	0	113.000	-113.000	#
120114 Atlantikup Avannaamiut Tulattarfiannut tapiissutit	0	500.000	-500.000	#
200101 Aningaasaqarnermut Naligiissitaanermullu Naalakkersuisoqarfik	24.117.000	25.961.000	-1.844.000	-7,6%
200106 Nakkutilliisoqarfik	121.000	0	121.000	100,0%
200107 Qinersinermut aningaasartuutit	200.000	0	200.000	100,0%
200114 Nunanut Namminermut Immikkoortortaqarfik	9.364.000	0	9.364.000	100,0%
200115 Naligiissitaanissamat Siunnersuisoqatigiit	0	1.623.000	-1.623.000	#
200535 Innuttaasut siulersuisoqatigiivi	607.000	0	607.000	100,0%
200544 EU-mik suleqatigiinnissamik isumaqatigiisummit isertitat	-233.830.000	-217.930.000	-15.900.000	6,8%
201035 Immikkut suliniut - Karrat Kangerluat	4.400.000	0	4.400.000	100,0%
201150 Ingerlatsinermut sillimmatit	7.500.000	20.000.000	-12.500.000	-166,7%
201151 Aaqqissuusseqqinnerit sunniutaat	4.000.000	36.000.000	-32.000.000	-800,0%
201156 Missingersuutiniq iluarsineq, allaffissorneq	0	-280.000	280.000	#
201170 Suliniutinut nutaanut sillimmatit	16.500.000	18.750.000	-2.250.000	-13,6%
203005 Nutaanngorsaanissat suliasallu	5.523.000	6.616.000	-1.093.000	-19,8%
203007 Ineqarnermut tapersiissuteqartarneq, erniat akilersuutillu, ilanngaasariikkat	-4.000.000	-3.500.000	-500.000	12,5%
205001 Inussuk IT	24.764.000	0	24.764.000	100,0%
240120 Akileraarutinut akiliisitsissutit	-5.000.000	-4.000.000	-1.000.000	20,0%
240612 Pensionisianut tapiissutit	200.000	0	200.000	100,0%
241012 Ingerlatseqatigiiffiit akileraarutaat, Namminersomerullutik Oqartussat suliffeqarfiutaat	-15.600.000	-45.000.000	29.400.000	-188,5%
241115 Eqquiniaasitsinermi akileraarutit	-4.000.000	-3.500.000	-500.000	12,5%
241122 Sulisoqarnermut akitsuut	-114.000.000	-105.000.000	-9.000.000	7,9%
241125 Qaleralinnut akitsuut	-62.900.000	-74.100.000	11.200.000	-17,8%
270101 Nunanut Allanut Naalakkersuisoqarfik	25.125.000	0	25.125.000	100,0%
270107 Inuit Circumpolar Council	2.009.000	0	2.009.000	100,0%
270201 Kalaallit Nunaata Københavni Sinniisoqarfia, Ingerlatsineq	8.351.000	0	8.351.000	100,0%

Konto pingarneq	AI2022	AIS2023	Assigiinngissut	Assigiinngissut %
270202 Kalaallit Nunaata Københavnnimi aallartitaqarfia, ineqarnermut akiliutit	4.930.000	0	4.930.000	100,0%
270203 Namminersorlutik Oqartussat Københavnnimi inissiaataat	111.000	0	111.000	100,0%
270204 Atlantikup Avannaamiut Tulattarfiannut tapiissutit	500.000	0	500.000	100,0%
301045 Meeqqat inuusuttullu immikkut ittumik suliniuteqarfigineqarnerat	10.186.000	16.921.000	-6.735.000	-66,1%
301344 Eqqarsartaatsimikkut kinguarsimasunik pinerluttulerinnermi inatsit malillugu inissiineq	35.000.000	37.000.000	-2.000.000	-5,7%
301429 Isumaginninnermi suliniutit	8.583.000	9.563.000	-980.000	-11,4%
310101 Isumaginninnermut Suliffeqarnermullu Naalakkersuisoqarfik	18.679.000	27.521.000	-8.842.000	-47,3%
310308 Utoqqalinnermi pensionisiat	411.617.000	460.098.000	-48.481.000	-11,8%
310312 Isumaginninnikkut isumannaarinnerit, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat	6.700.000	7.700.000	-1.000.000	-14,9%
310806 Nakkutilliisoqarfik	0	123.000	-123.000	#
310807 Qinersinnermut aningaasartuutit	0	200.000	-200.000	#
310835 Innuttaasut siulersuisoqatigiivi	0	616.000	-616.000	#
340104 Peqqinnissaq pillugu Ataatsimiititaliarsuaq	1.500.000	0	1.500.000	100,0%
341001 Peqqinnissamut Pitsaaliuinnermullu Aqutsisoqarfik	17.284.000	16.262.000	1.022.000	5,9%
341103 Dronning Ingridip Napparsimavissua	467.306.000	491.068.000	-23.762.000	-5,1%
341104 Kalaallit Peqqissartut Illuat	34.253.000	37.361.000	-3.108.000	-9,1%
341202 Nunatsinni Peqqinnissakkut Ilinniartitaanikkullu suliniutit	19.433.000	17.107.000	2.326.000	12,0%
341206 Ataatsimut aningaasartuutit	47.471.000	51.924.000	-4.453.000	-9,4%
400203 Aningaaserivinni taarsigassarsiat taarsigassarsiallu akilerneqartarnerat	15.400.000	16.900.000	-1.500.000	-9,7%
400205 Ilinniarnermut atatillugu taarsigassarsianut akilersuutit	-10.200.000	-11.000.000	800.000	-7,8%
404001 Ilinniartitaanermut Aqutsisoqarfik	48.106.000	45.160.000	2.946.000	6,1%
409414 Nuna tamakkerlugu meeqqat inuusuttullu suliniaqatigiiffiinnut tapiissutit	1.507.000	1.390.000	117.000	7,8%
500101 Aalisarnermut Piniarnermullu Naalakkersuisoqarfik	31.331.000	33.427.000	-2.096.000	-6,7%
500109 Ilaasortaanermut akiliutit	2.391.000	2.725.000	-334.000	-14,0%
500120 Aalisarneq piniarnerlu	669.000	1.679.000	-1.010.000	-151,0%
510105 Kalaallit Nunaanni Aalisarsinnaanermut Akuersissutinik Nakkutilliisoqarfik aamma Piniarnermik Nakkutilliisoqarneq	36.909.000	41.035.000	-4.126.000	-11,2%
510107 Aalisartut piniartullu siunnersortinit sullinneqarnerat	2.233.000	0	2.233.000	100,0%
510202 Aalisarsinnaatitaassutsinik tunisineq	-139.800.000	-126.800.000	-13.000.000	9,3%
640101 Nunanut Allanut, Inuussutissarsiornermut Niuernermullu Naalakkersuisoqarfik	12.280.000	36.373.000	-24.093.000	-196,2%
641025 Periusissanut suliniuteqarneq	-1.587.000	0	-1.587.000	100,0%
642007 Inuit Circumpolar Council	0	2.038.000	-2.038.000	#
660105 Pisortatigoortumik suliarinninnerit isertitatigut matussusikkat	-9.000.000	0	-9.000.000	100,0%
670102 Geologiimut Immikkoortoqarfik	9.113.000	13.452.000	-4.339.000	-47,6%

Konto pingaarneq	AI2022	AIS2023	Assigiinnngissut	Assigiinnngissut %
670103 Geologiimut ussassaarinermilu suliniutit	6.053.000	5.483.000	570.000	9,4%
670112 Inatsiseqartitsinermut Immikkoortortaqaarfik	1.840.000	2.666.000	-826.000	-44,9%
700107 Sanaartornermi oqartussaassuseq	7.734.000	7.244.000	490.000	6,3%
700115 Inissianut suliassaqaarfimmi suleriaatsinik misissuineq	2.000.000	0	2.000.000	100,0%
720608 Illuliortiternernut aningaasalersuineq	-36.000.000	-30.000.000	-6.000.000	16,7%
721018 2022-mi Namminersorlutik Oqartussat inissianut immikkoortortaqaarfimmut immikkut ittumik tapiissutit	4.900.000	0	4.900.000	100,0%
721019 Namminersorlutik Oqartussat inissianut immikkoortortaqaarfimmut immikkut ittumik tapiissutit	0	8.300.000	-8.300.000	#
722012 Sikunik alapernaarsuineq	1.514.000	4.536.000	-3.022.000	-199,6%
722901 Naligiissitaanissamat Siunnersuisoqatigiit	1.600.000	0	1.600.000	100,0%
730101 Nunalerinermut, Imminut Pilersornermut, Nukissiutitut Avatangiisinullu Naalakkersuisoqaarfik	25.488.000	28.161.000	-2.673.000	-10,5%
730110 ASIAQ (Misissueqqaarnerit/-Grønlands forundersøgelse)	16.883.000	14.081.000	2.802.000	16,6%
730405 Taarsigassarsianut ernialinnut akilersuutit	-3.000.000	-6.500.000	3.500.000	-116,7%
730406 Ernianit isertitat	-1.075.000	-1.500.000	425.000	-39,5%
730408 Savaaqqanik toqoraavinnut il.il. kiffartuussinissamat isumaqatigiissut	11.700.000	7.180.000	4.520.000	38,6%
730409 Missingersuutitut iluarsuutit	0	-10.000.000	10.000.000	#
739402 Nukissiorfiit	63.451.000	57.722.000	5.729.000	9,0%
739404 Nukissiorfiit, erniat	-69.720.000	-65.760.000	-3.960.000	5,7%
739504 Silap pissusaa eqqarsaatigalugu ineriartortitsinissamat suliniutit	0	603.000	-603.000	#
800001 Nuussinissanut sillimmatit	63.300.000	88.200.000	-24.900.000	-39,3%
822401 Akileraartarnermut Aqutsisoqaarfimmi allaffissornermi atortorissaarutit il.il.	9.300.000	3.800.000	5.500.000	59,1%
833013 Nuna tamakkerlugu paaqqinniffiit	9.000.000	0	9.000.000	100,0%
844012 Ilinniartitaanermut sanaartukkat	39.200.000	31.200.000	8.000.000	20,4%
844015 Ilinniartut ineqarfinik sanaartorneq	59.200.000	52.300.000	6.900.000	11,7%
871109 Assartuussineq pillugu Isumalioqatigiissitaq - misissueqqaarnerit	0	2.000.000	-2.000.000	#
877213 Immikkut ittumik iluarsartuussineq	7.000.000	0	7.000.000	100,0%
877312 Umiarsualivinnut talittarfinnullu aningaasaleeqqinnerit	50.700.000	25.200.000	25.500.000	50,3%
897212 Inissialiassat taartissanillu inissialiortiterneq	141.000.000	133.000.000	8.000.000	5,7%

2.12 Umiarsuup misissuissutit Tarajup orsussaa, qupperneq 213

Tarajoq pillugu suliaq itisilerneqarnissaa ataatsimiititaliamit kissaatigineqarpoq. Suliaq taanna soq matumani ilanngunneqarpa misissuinerillu suut pineqarpat?

Akissut: Pinngortitaleriffiup missuilluni umiarsuaa Tarajoq angissutsini pillugu PolarOililu kiffartuussinermut isumaqatigissusiorneqanngilaq, kisianni orsertasalluni nunarsuarmi akiusut aallaavigalugit. Pinngortitaleriffiup umiarsuaa PolarOililu kiffartuussinissamat isumaqatigiissutit avataaniinnerata malitsigisai

KNI aqutigalugu aqqinneqarniarpoq. Aaqqiinissaq tassaassaaq PolarOilip naatsorsuutigisamik pisiortornera aamma toqqortaatai sullissaanut allanut ajoqusiisumik sunniuteqassanersoq umiarsuup atuinerulersitsineratigut. Naatsorsuutigineqarpoq suliaq iluarsineqarumaartoq 2022-p ukiup sisamararterutaata kingulliup ingerlanerani. Ataatsimiititaliaq suliaq pillugu ilisimatinneqarumaarpoq.

2.13 Kingornussarsianit tunissutit, qupperneq 215

Konto pingaarnermut 20.10.22-mut, isertitanut allanut assersuutigalugu kingornussarsianit tunissutinut tunngasumut, nutaamik oqaasertaliussinissamik Naalakkersuisut kissaataata itisilerneqarnissaa ataatsimiititaliamit kisaatigineqarpoq.

Akissut: Maanna aningaasaliissutinut akuersissutit inatsisit naapertorlugit aningaasartuuteqarnissaq aamma aningaasaliissutinik tigusaqarnissaq pillugu aningaasaliissutinut akuerineqaqqaarnissaq pisariaqartinneqarpoq. Ukiuni kingullerni Naalakkersuisut assersuutigalugu Karrat kangerluani ajunaarnersuarmut atatillugu, nunatta avataanniit tunissutinut tapersiiniarnernullu tigusaqarsinnaajumalluni immikkut aningaasaliissutinut qinnuteqarsimapput. Maanna oqaasertaliussatut siunnersuutigineqartup pereersimasut ilinniarfigalugit pisariillisaalluni, pisoqarsinnaaneralu siumut qulakkeerlugu aningaasaliissutinik missingersuusiorneqarsimannngitsunik tigusaqarsinnaalertitsivoq. Oqaasertaliussap taassuma saniatigut atorneqarsinnaavoq assersuutigalugu akileraartartoq nammineerluni akileraarutitigut akileerusussagaluarpat, imaluunniit innuttaasoq toqqukut qimagussimasup assersuutigalugu inissiaatini Namminersorlutik Oqartussanut kingornngutsikkusussappagu. Naatsorsuutigineqarporli Oqaasertaliussap qaqutiguinnaq tamakkununga atorneqarnissaa, kisianni periarfissaqarnera tamakkiisumik nassuiaasiorniarneq pissutigalugu eqqaaneqarpoq. Maannakkorpiaq oqaasertaliussami piginnaatitsissut atorneqarnissaanik sulianik ingerlaartoqanngilaq. Naggataatigullu erseqqissarneqassaaq oqaasertaliussaq nutaanik akileraarutinik akitsuutinillu noqqaassuteqarnissamut nammineerluni inatsisitigut tunngaviliisinnaanngilaq. Takuuk Inatsit tunngaviusumi §43¹

3. Suliassaqarfik 10 - 12 Naalakkersuisut Siulittaasuut

3.1 Konto pingaarneq 10.01.01 Naalakkersuisut Siulittaasuata Naalakkersuisoqarfia, NSN, allaffissorneq

1. Inatsisit Tunngaviusussanut Isumalioqatigiissitap suliaa qaqugu naammassisussatut Naalakkersuisunit naatsorsuutigineqarpa?

¹ Aalajangersakkami ima allassimavoq: "Akileraarutit noqqaassutigineqassanngillat, allanngor-tinneqassanngillat imaluunniit atuuttussaajunnaarsinneqassanngillat inatsisiliorneq avaqqullugu; aamma inuttalerneqassanngilaq imaluunniit naalagaaffik taarsigassarsissanngilaq inatsisit avaqqullugit."

Inatsisit Tunngaviusussanut Isumalioqatigiissitap suliaminut missingiutaa naam-massissaaq kingusinnerpaamik 31. december 2022. Kisianni Inatsisit Tunngaviu-sussanut Isumalioqatigiissitamiit tunngaviusumik inatsisissap suliarineqarnerata sivitsornissaa noqqaassutigisimavaa.

Maannakkut utaqqineqarpoq politikikkut noqqaassuteqarneq naliliiffigineqarnis-saa, aamma taassuma saniatigut isumalioqatigiissitap misissorpaa aningaasa-liissutaareersut atorlugit qanoq sivisutigisumik sulinini nangissinnaanerlugu.

2. Aningaasaliissutit amerliartornerat sulisorisanillu atuinerup allanngunnginnera qanoq imminnut ataqtigiippat?

Atorfillit marluk suli amigaataapput, tamanna protokol aamma tusagassiinermut suliaqartumut tunngatillugit suliassaqaarfimmik allanngortitsinermik tunngassuteqarpoq, taakkununga aningaasaliinerit konto pingaarnermut uunga ikkunneqarmata. Tamanna aappasaanik suliarineqarnerani teknikikkut allannguutitut siunnersuutigineqarpoq.

3.2 Konto pingaarnaq 10.01.05 Suliaqarfiit assigiinngitsut aqutugalugit Aqutsineq aamma Qitiusumik Sulisunut Politikeqarneq

Aningaasaliissutit angusallu qanoq ataqtigiinnerannik takutitsisumik aningaasa-liissutit matumani pineqartut pillugit sunniutaannik uuttuineramik Naalackersuisut suliaqassappat?

Aningaasaliissutit naatsorsuutigisatut angusaqarfiunersut Naalackersuisunit uuttorneqartarpa?

Apeqqutininut taakkununga marlunnut akissut: Suliassaqaarfiit Akimorlugit Aqutsinermut Qitiusumilu Sulisoqarnermut Politikimut immikkoortortaqaarfiup upernaq 2022-mi Naalackersuisoqaarfiit pisortaat peqatigalugit Qitiusumik Allaffeqarfiup ataatsimoorussamik aqutsinermut tunngavissaanik suliaqarput, tamannalu saqqummiunneqarpoq 7. juni 2022. Immikkoortortaqaarfiup workshop 20-nit amerlanerusut ingerlassimavai, qitiusumik allaffeqarfimmi immikkoor-tortaqaarfinni tamaneersunit pisortat peqataaffigisaanik, aqutsinermullu tunngaviup malitsigisaanik immikkoortortaqaarfiup aggustimi septembarimilu 2022 ataatsimoorussamik aqutsineq pillugu nalilersuineramik ingerlatsivoq, pisortat tamarmik pisortatut sulinertik pillugu nalilersorneqarlutik. Qitiusumik allaffeqarfiup siullerpaamik immikkoortortaqaarfiup nalilersuineq ingerlammagu immikkoortortaqaarfiup maanna siunissami nalileeqqinnissaminut naleqqersuummik tunngavissaqalerpoq, taamaalilluni siunissami iliuusersianik nalilersuisinnaanngorluni.

Immikkoortortaqaarfiup siunissami naliliinissaminut “uuttortaanissaq” periarfissarilerpaa, takusinnaanngorlugu aqutsineq pitsaanerusoq sulisut akornanni atugarissaarnermik kinguneqarnersoq, ilaatigullu atorfimmik attassiinnarnissamik kinguneqartitsinersoq.

Ilinniartoqarneq uuttortarneqarluni nalilersorneqarpoq, qassit ilinniartutut atorfiit ikkunneqarnerisut qassillu ilinniarnertik naammassineraat.

Ilinniartitseqqinnermut neqeroorutit ukiut tamaasa nutarterneqartarput, taamaalilluni Qitiusumik allaffeqarfiup piginnaasanik ineriartortitsinerimi pisariaqartinneqartut naammassisarpaat. Pikkorissarnerit tamarmik nalilersorneqartarput uuttortarneqarlutillu.

3.3 Konto pingaarneq 10.13.10 Akitaateqarluni ingerlatseqatigiiffinit iluanaarutit, agguagarsiassat tunisinerillu

1. Ingerlatseqatigiiffiup maanna atugai eqqarsaatigalugit KNI-p iluanaarutit tunniussassaasa annertussusiat suli atuuppa?

Kingullermik kiffartuussinissamut isumaqatigiissusiornermut atatillugu suleqatigiinnik pilersitsisoqarpoq, ilaatigut KNI-p isertitaasa qaffasissusianik nalilersuisussat. Suleqatigiissitat juni 2022 pilersinneqarput. Tassunga atatillugu Aningaasaqarnermut Akileraartarnermullu ataatsimiititaliap suliaq aalajangiussaa nr. 2022/988-mut atatillugu paasissutissat. Tassani utaqqisaannaagallartumik aaqiisoqarpoq, 2023-mi isertitassat 26 mio. kr.-nik qaffanneqarlutik, tamannalu assinganik qaffanneqarluni Neqimut kiffartuussinissamut isumaqatigiissummi aamma KNI-p nioqqutissanut immikkoortortaani. Tamanna aappassaaneerinninnermi allannguutissatut siunnersuutitut saqqummiunneqarumaarpoq.

2. Air Greenlandip iluanaarutininik tunniussinnginnissaa. Tamanna sumik pissuteqarpa?

Namminersorlutik Oqartussat SAS-ip Air Greenlandimik piginneqataassutai naalagaaffimmiit pisarinerini isumaqatigiissutigineqarpoq nalinginnaasumik iluanaarutisiat 2024 ilanngullugu akiliutigineqartassanngitsut. Tamanna pivoq Air Greenlandip nammineerluni taarsigassarsilluni aningaasaliiffigimmagu, maannalu akilersorlugu. Tamanna isumaqanngilaq ingerlatseqatigiiffiup immikkut agguagassarsiassat akiliutigisinnaanngikkai.

3. Ingerlatseqatigiiffiit Namminersorlutik Oqartussanit pigineqartut iluanaarutininik ukiumoortumik tunniussisarnerisigut kaasarfimmit kaasarfimmuut nuussisarneq pisariaqarpa?

Naalackersuisut Namminersorlutik Oqartussat ingerlatseqatigiiffiata piginnit-tuminut iluanaarutisiassanik akiliinera kaasarfimmit kaasarfimmuut nuussinertut oqaatigineqarnera isumaqatiginngilaat. Paarlattuanik tamanna tunngaviusumik aningaasarsiornikkut eqqarsartaaseq malippaat. Namminersorlutik Oqartussammi piginnittutut iluanaarutisiassanik pissarsivoq Namminersorlutik Oqartussat ingerlatseqatigiiffimminut pituttorsimasaanik, aningaasaliissutit allanut atorneqarsinnaasimagaluartut, aamma sinneqartoorfiusinnaagaluartut. Tamanna ingammik atuuppoq ilaannakortumik imaluunniit tamakkiisumik niuerfimmi unammilleqatigiiffiusumi ingerlataqartumi. Tamanna saniatigut pissusissami-soorpoq Namminersorlutik Oqartussat piginnittut piffissami ingerlasumi assigiinngitsunik soqutigisaani sorliit pingaartinneqassanersut, tamanna aallaavigalugu pisariaqarsinnaasarpoq ingerlatseqatigiiffiit akornanni aningaasaliissutit nikerartinneqarsinnaasarmata aningaasaliissutit inatsisaat aqquqatigalugit. Kisianni soorunami iluaqutaasinnaavoq politikit pioreersut

nalilersussallugit, taamaattumik Naalakkersuisut ukiakkut 2022-mi partiit akornanni piginnittuunermut politiki nutaaq pillugu isumaqatiginninniarnit aallartissimavaat. Tassunga ilanngullugu naatsorsuutigineqarpoq iluanaarutitut pillugu politiki aamma oqallisigineqassasoq. Naatsorsuutigineqarpoq sukumiinerusumik misissorneqassasoq, Nunatta Karsianut iluanaarutisiat sunniutaat iluaqutaassusiat ingerlatseqatigiiffimmiiginnarnissaanut sanilliullugu, immaqalu atuisunut iluaqutaasinnaallutik. Nalinginnaasumik iluanaarutisiat tamakkiisut Nunatta Karsianut isertittagaatut ukiut sisamat aningaasaqarnermut inatsisip ingerlaneranni 1. mia. kr.-nik naleqarput, taakkulu allatigut nanineqartussaassapput. Ajornartorsiut tamanna suliami aamma naliliiffigineqassaaq.

3.4 Konto pingaarneq 10.98.01 Digitaliseeriinermut Aqutsisoqarfik

Konto pingaarnermi missingersuutit immikkoortiternerini aammalu sulisunut atuinissamut naatsorsuutigisani takussutissiani paasissutissat erseqqinnerusumik nassuiaatigineqarnissaat ataatsimiititaliamit amigaatigineqarpoq. Missingersuutitut allannguutit pillugit missingersuutitut ilanngussami paasissutissat siorna ukiumut aningaasanut inatsiseqarfiusumit uteqqitaasorinarput aammalu suut nassataannik aningaasaliissutit allanngortinneqarnissaasa pisariaqalersimaneranik paasinarsisitsinatik.

Aningaasaliissutit amerliartornerat sulisorisanillu atuinerup allanngunnginnera qanoq imminnut ataqatigiippat, sulisorisanut aningaasartuuteqanngimmat sulisut qanoq akissarsiaqartinneqarpat?

Akissut: Missingersuutitut ilanngussami 5. mio. kr.-ni taakkunani cyberimut aamma isumannaallisaanermut immikkoortortaarfik ilaangilaq, tamanna aningaasaliiffigineqarpoq inatsit aqutigalugu novembarimi 2020-mi.

Taakku 5. mio. kr.-t ukiuni atuutsikkiartorneqassapput, 2023-mi 3. mio. kr.-nit 2024-mi ukiullu tulliuttut 5. mio. kr.-nut. Aningaasaliissutit taakku matussusissavaat immikkoortortaarfimmi pisortaq ataaseq sulisullu pingasut.

Aningaasarsianut missingersuutit ilaalu ilanngunneqannginneri puigornermik tunngaveqarput, tamanna allanngortinneqassaaq aappassaaneerinninnermut allannguutissatut siunnersuummi.

3.5 Konto pingaarneq 10.98.02 Nuna tamakkerlugu digitalinngortitsinissamut periusissap atuutsilerneru

1. Sulisorisanut aningaasartuuteqanngimmat sulisut qanoq akissarsiaqartinneqarpat?

Kontumi aningaasaliissutit taakku agguassassaapput, taamaattumillu aningaasarsiasanik imaqarnani. 2021-mut allassimasut nalunaarsuineri kukkuneruvoq, kukkulluni aningaasarsiatut nalunaarsorneqarsimalluni. Agguagassatut aningaasaliissutit nuna tamakkerlugu digitalinngorsaanermut periusissiaq naapertorlugu sulianik ingerlatsinernut aningaasaliissutaapput.

2. Sulisorisassatut naatsorsuutigisat pillugit takussutissaq amigaataavoq. Siunnersuutip aappassaaneerneqarnissaanut iluarsineqarnissaa ataatsimii-titaliamit naatsorsuutigineqarpoq.

Akissut siulianiittoq takuuk. Tamanna aappassaaneerinninnermut allannguutis-satut siunnersuummi iluarsineqassaaq.

3.6 Konto pingaarneq 10.98.03 Inussuk IT

Aningaasaliissutit amerliartornerat sulisorisanillu atuinerup allanngunnginnera qanoq imminnut ataqatigiippat, sulisorisanut aningaasartuuteqanngimmat sulisut qanoq akissarsiaqartinneqarpat?

Missingersuusiami ilanngussami kukkuneqarami, tamannalu aappassaaneerin-ninnermi pingajussaaneerinninnermiluunniit allannguutissatut siunnersuummi iluarsineqassaaq, pissutsit piviusut ilanngunneqarlutik.

4. Suliassaqarfik 20 - 24 Aningaasaqarnermut Naligiissitaanermullu Naalakkersuisoq

4.1 Konto pingaarneq 20.10.35 Suliniutissat immikkut ittut – Karrat Kangerluat

2023-mi aningaasaliissuteqartoqanngitsoq ataatsimiititaliamit maluginiarneqarpoq. Qaarsuni mittarfimmi orsussamut sillimmammik tankiliinissamik pilersaarutaasup killiffiup paasissutissiisutigineqarnissaa ataatsimiititaliamit kissaatigineqarpoq.

Aatsitassanut Inatsisillu Atuutsinneqarnerannut Naalakkersuisoqarfik 2022-mi aasap ingerlanerani nunami aamma nunarsuarmi immikkut ilisimasalinnik ikiorteqarluni Karrat Kangerluanni upalungaarsimanermut nakkutilliissummik ivertitsipput. Nakkutilliissutip maluginiutit assigiinngitsut atorlugit uuttortaanerit katersorpaat, taakku nalunaarsorpaat qaqqap qajannartup sinaani allanngoriartorerit. Paasissutissat internetikkut nalunaarsuiffimmut nassiunneqartarput, taakkulu Ujarassiormut immikkoortortaqrifiup Aatsitassanut Inatsisillu Atuutsinneqarnerannut Naalakkersuisoqarfifiup ataaniittup nalunaarsukkat katersorneqartut qajannarneranut tunngatillugu nalilersortarpaat. Nakkutilliissut allanngoriartorerit pissusaanik paasinnineq allisarpaat, tamannalu siunissami kalerrisaarummik suliaqarsinnaanermut pingaaruteqarpoq.

Aamma Naalakkersuisoqarfifiup 2022-mi aasap ingerlanerani nunarsuarmi qaqqanik sisoormut paasisimasallit peqatilugit aallarniutaasumik Kigarsimami misissuinerit aallartippaat. Assigiinngitsunik misissuinerinik suliaqartoqarpoq, aamma piukkunnaatilimmik nakkutilliinermut periutsimik suliaqartoqarpoq, taannalu naatsorsuutigineqarpoq ikkunneqassasoq 2023-mi aasap ingerlanerani.

Naalakkersuisoqarfifiup Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik aamma GEUS peqatigalugu ingerlaavartumik qaqqanik sisoormut tunngasunik sulianik ilisimasanik paarlaasseqatigiittarput. Naalakkersuisoqarfik aamma Meeqqanut, Inuusuttunut, Ilaqutariinut Peqqissutsimullu Naalakkersuisoqarfifillu paasissutissanik paarlaasseqatigiittarput, Ummannami napparsimmavimmi sillimaniarnissanut pilersaarutinut atugassanik suliaqarnermut atatillugu.

4.2 Konto pingaarneq 20.11.50 Ingerlatsinermut sillimatit

Aningaasaliissutit 20 mio. kr.-erpianut amerlineqarnissaannik kissaateqarnermut suna tunuliaqutaava?

Naalakkersuisut siunnersuutigaat ingerlatsinermut sillimmatini aningaasaliissutit qaffatsinneqarnissaat, ukiuni kingullerni ilassutitut aningaasaliissuteqartarneq pissutigalugu IST-p inerneranut ajorseriartitsisimammatt. Tamanna ilaatigut takutitsisuusinnaavoq ingerlatsinermut sillimmatit annertussusiat naammassimangitsoq. Missingersuusiormut inatsisip kingullermik allanngortinneratigut, ullumikkut piunasaqaataavoq ukiut sisamat ingerlaneranni amigartoortumik missingersuusiortoqaqqusaanngitsoq. Tamanna atuuppoq aningaasanut inatsimmi aamma ilassutut aningaasanut inatsimmi. Taamaalluni annertuumik

anigaasaliissutini amigartoortumik missingersuusiornissaq missingersuusi-
sionnermi inatsimmik unioqqutitsissaq. Pissutsit tamakku pillugit ingerlatsi-
nermut sillimmatit amerlinissaannut tapertaapput.

4.3 Konto pingaarneq 20.11.51 Aaqqissusseqqinnerit sunniutaat.

1. Puiaasanik utertitseriaasissaq nutaaq ukiumoortumik 20 mio. kr.-inik isertitsissutaasussatut naatsorsuutigineqartoq ataatsimiititaliamit maluginiarneqarpoq. Tamatumalu peqatigisaanik suliap ingerlaqqinnerani aningaasat annertussusileqqissaarneqalersaartut Naalakkersuisut paasissutissiissutigaat. Atuisunut nunattalu karsianut sunniutissatut naatsorsuutigineqartut itisilerneqarnissaat ataatsimiititaliamit kissaatigineqarpoq.

Niuerfiit ammarnerunissaat ilutigalugu, nioqqutissat ullumikkumut sanilliullugu amerlanerusut nioqqutissanik eqqussinnermut poortuutinullu akitsuutinik eqqugaassapput. Tamannali atuisunut annertunerusumik aningaasartuutaasannngilaq, utertittakkanummi periuseq nutaaq atulerpat tassuuna isertitat ilai Nunatta Karsianut nakkartassapput. AIS2023-mi ukiumut 20 mio. kr.-nik tassunga aningaasaliisoqartassaaq. Tamanna kingornatigut oqallissaarummik saqqummiussaqaarnermi erseqqissarneqarumaarpoq.

Cowi-p nalunaarusiaanni 2016-imeersumi, ”Nutaamik poortuutinut utertitsisarneq pillugu periusissiamik misissueqqaarneq” naatsorsorneqarpoq ukiumut 74 mio. kr.-t periutsimut nutaamut tunngatillugu isertitsissutaasassasut. Namminersorlutik Oqartussat namminneq naatsorsuinerminni naatsorsuutigaat poortuutissat pillugit nalunaarutip namminersortunngorsarneranut atatillugu ukiumut 50 mio. kr.-t missaanni isertitsissutaasassasut. Tamanna kiseqqissaarneqarsinnaavoq, kisitsisivisorlu suunissaanut apeqqaataassaaq periuseq sorleq qinerneqarnersoq. Imeruersaatinut niuerfiup ammarneqarneratigut atuisut imeruersaatit assigiinngitsut amerlanerulernissaat naatsorsuutigisinnaavaat, imeruersaatillu akiisa appariarnissat. Nalunaarusiaqarpoq qangarnisaalaartunik qanoq kisitsisit qummut ammallu nikeriarsinnaasunik takutitsisunik.

2. Aaqqissusseqqinnerit arlallit naligiinnerulernissamut, suliffissanik neqeroornerulernermik aningaasaqarnikkullu pitsaanerusumik attassisinnaanermik anguniakkamik ataatsimik arlalinnilluunniit piviusunngortitsisussat Naalakkersuisunit taaneqarput. Ukiumoortumik aningaasaliissutit 35 mio. kr.-iusut siunnersuutip aappassaaneernejarneranut atugassiissutigineqarumaartut Naalakkersuisunit naatsorsuutigineqarpoq. Tamanna Naalakkersuisunit maannangaaq itisilerneqarsinnaalereerpa?

35 mio. kr.-t kontumut pingaarnermut sillimmatigut aningaasaliiffigineqartut, aallaqqaataani eqqarsaatigineqarsimagaluarpot suliffeqarnermut ilanngaatip qaffannissaanut atugassaagaluartoq, takuuk Naalakkersuisut aasap ingerlanerani, motorinut akitsuutinut il.il. inatsisissatut siunnersuutaat. Inatsisissatut siunnersuut pilersaarutitut saqqummiunneqanngimmat, Naalakkersuisut 2023-mi aningaasaliissutit allanut aningaasaliissutiginnissaanut qinnutigissavaat, allannguutitut siunnersuutitigut aappassaaneerinninnermut imaluunniit

pingajussaaneerinninnermut, siunertaalluni aningaasartuuteqarfiungaatsiartut aningaasaliiffigineqarnissaat anguniarlugu.

4.4 Konto pingaarneq 20.11.70 Suliniutinut nutaanut sillimmatit

1. Nuup Kangerlussuullu akornanni timmisartuusseqattaarnerit pisariaarut-tussaanerisa malitsigisaannik isertitassatut annaasat aningaasalersornissaat qanoq qulakkeerneqarsinnaanersoq Naalakkersuisut maannangaq oqaati-gisinnaavaat?

2018-mi mittarfiliortitertoqarnissaanut siunnersuutit pillugit inuiaqatigiinni aningaasaqarnermut tunngatillugit kingunerisassaanik nalilersuinerit, kingorna-tigullu taakku pillugit nutarterinertigut takutinneqarpoq silaannakkut angallannermut tunngatillugu akunnaallinerussasoq. Iluaqutaasussat taakku ilaati-gut tassaapput pisortat angallatsitsisarneranni sipaarutit, kujataani angallannermut kiffartuussinissamut isumaqatigiissutinut aamma Kalaallit Airports International A/S-p ilaannik agguasinnaaneq. Iluaqutit taakku piviusunngortinneqarpata, tamakkiisumik imaluunniit ilaannakortumik, taavalu ukiuni tulliuuttuni aningaasanut inatsimmi isertitaallutik taava tamakku Mittarfeqarfinit isertittagassaagaluit matussusissavaat.

2. Tasiilami ilinniartitaanermik pilersitsinissamut sillimmatinik ilanngus-sineq ataatsimiititaliamit assut soqutiginarinneqarpoq. Sinerissap sinnerani taamatut pisariaqartitsiviusuni taamaaliornerup aamma atuuttussanngortinneqarsinnaanera Naalakkersuisunit isumaliutigineqar-simava?

Naalakkersuisut Tasiilami aalajangersimasumik aningaasaliissuteqarnerup kinguneri aallaavigalugit isumassarsiaq nunatsinni allani aamma atorneqar-sinnaanersoq nalilersussavaat.

3. Meeqqanut inuusuttunullu tarnikkut napparsimasunut immikkoortorta qar-fimmut meeqqat inuusuttullu innersuunneqartarnerat qanoq ingerlanne-qartarpa?

Meeraq tarnikkut nappaateqartunut nunap ilaani katsorsaasarfinnut najukkami nakorsamit innersuunneqarsinnaavoq. Tassanngaanniit Tarnikkut nappaate-qartunut katsorsaasarfiup nalilersussavaa meeraq tarnikkut katsorsarneqassa-nersoq, qanorlu tamanna ingerlanneqassanersoq. Dronning Ingridip Nappar-simaviani immikkoortorta qarfirmut A1-imut suliarisuagassatut innartitsiso-qarsinnaavoq, imaluunniit immikkut nakorsaq sinerissamut angalasinnaavoq. Amerlanerpaat katsorsarasuagassaasuusarput.

4. Meeqqat inuusuttullu tarnikkut napparsimasut peqqinnissaqarfimmut suli attaveqarsimanngitsut kisitsisaatigineqanngitsut Naalakkersuisunit oqaati-gineqarpoq. Ajornartorsiut qanoq annertutigisinnaanersoq Naalakkersui-sunit ilisimakannerneqarpa?

Nalileruminaappoq meeqqat inuusuttullu tarnimikkut nappaateqartut suli napparsimaveqarfimmut attaveqarsimanngitsut qanorpiaq amerlatiginersut. Nalunaarusiami *“Kalaallit Nunaanni 15-init 34-nik ukiullit akornanni eqqarsartaatsikkut peqqissuseq aamma peqqissuseq - Peroriartornermi atukkat, illersuutitut pissutaasut aamma aarlerinaatitut pissutaasut pingaarutaat”* (Statens Institut for Folkesundhed 2021) meeqqat inuusuttullu tarnimikkut peqqinnerat misissuivigaa peroriartortut ukioqatigiit assigiinngitsut sisamat aallaavigalugit. Ilaatigut nalunaarusiap takutippaa inuusuttut akornanni eqimattani marlunni tarnikkut nappaateqarnermik ersiutit aamma meeraanermi annertuumik atugarliorsimanerup attaveqartut. Eqimattani meeraanermi atugarliorlutik peroriartortuni aamma kulturikkut annikitsumik attaveqartuni nivarsiaqqat 26 procentii aamma nukappiaqqat 13 procentii tarnimikkut nappateqartutut ersiuteqarput. Kingullermik meeqqat atuarianni misissuinerup (HBSC) 2018-meersup aamma uuttortarpaa meeqqat atuartut imminut nalilersuinerat, tassunga ilanngullugu tarnikkut peqqissuseq. Tassani atuartut 18 procentii oqariartuuteqarput peqqinnertik naammaannartoq imaluunniit ajortoq. Misissuinerit taamaattut naqissuserpaat meeqqat inuusuttullu tarnimikkut ajornartorsiuteqartut aamma nanertuuteqartut amerlaqisut.

4.5 Konto pingaarneq 20.30.01 Aningaasaqarnermut Sulisoqarnermullu Aqutsisoqarfik, ASA

Sulisorisanik atuinerup AIS 2023-mi qaffariarneranut suna pissutaava?

Akissut: Kontomi pingaarnermi 20.30.01 Aningaasaqarnermut Sulisoqarnermullu Aqutsisoqarfimmi sulisunik atuinerup annertuseriarneranut makku patsisaapput:

- Nalinginnaasumik sulisut akornanni ukioq naallugu sulisut ataasiakkaat sulinerannik nalunaarsuinerup nutarterneqarnera peqputaalluni, taassuma tunuliaqutigaa nutserisoqarnerup amerlanerusunik sulisoqalenera. Tassunga atorfinitsitsilluni suliaq suli ingerlavoq.
- Sulisut akornanni ukioq naallugu sulisut ataasiakkaat sulinerinik ilassuteqarneq patsiseqarpoq siornatigut Konto pingaarnermiit 20.01.96 Isumaqatigiissutitut isumalioqatigiissitat (AI2022) Konto pingaarnermut 20.30.01 Aningaasaqarnermut Sulisoqarnermullu Aqutsisoqarfimmut nuunneqarmat. Tamanna pillugu ilassutitut aningaasaliissuteqarnissamik qinnuteqaateqartoqarpoq suliame 2022-980.

4.6 Konto pingaarneq 20.30.09 Sulisunik utaqqiisaasumik najugaqartitsineq N 2021-ip aamma AI 2022-ip akornanni akissarsianut aningaasartuutit amerleriarnerannut suna pissutaava?

Akissut: Konto pingaarnermi ”Sulisunik utaqqiisaasumik najugaqartitsisarneq” 2021-mi aningaasarsianut aningaasartuutit 1.380.000 kr.-upput. Takuuk Nunatta Karsiata 2021-mi naatsorsuutai. Suliassaqarfik 1.800.000 kr.-nik aningaasaliiffiqineqarpoq. Takuuk AI 2021. Aningaasarsianut aningaasartuutit annikinnerusimaneranut patsisaasoq tassaavoq atorfik ataaseq inuttalerneqarsimanngitsoq.

4.7 Konto pingaarneq 24.10.12 Ingerlatseqatigiiffiit akileraarutaat, Namminersorlutik Oqartussat suliffeqarfiutaat

1. Akileraarusiinernut tunngaviit assigiinngitsut konto pingaarnermi matumani missingersuutitut tunngavigineqartut ataatsimiititaliamit ujaratorneqarput.

Ingerlatseqatigiiffiit akileraarutaat ingerlatseqatigiiffiit isertitaannut akileraarutaasussanut 25 procentiuvoq, tamannalu 2023-mut 2022-mi isertitarisat aallaaviussapput.

Tamanna tunngavigalugu naatsorsuutigineqarpoq ingerlatseqatigiiffiit imatut 2022-mi akileraarutaasussanik isertitaqassasut, taakkulu isertitat akileraarutaasussat 2023-mut isertitatut inissinneqassapput:

Nalunaarsuiffik sinneqartoorutissat	Namminersorlutik Oqartussat	suliffeqarfiutaasa	AIS	2023-mi
	Ingerlatseqatigiiffimmut akileraarutit 1.000 kr.	Akileraarut procentin- ngorlugu		Naatsorsuutigisat sinneqartoorutit Ukiumi 2022, 1.000 kr.
Pisiffik A/S	-1.000	25		-4.000
KNI A/S	-10.000	25		-40.000
Royal Arctic Line A/S	-5.000	25		-20.000
Royal Greenland A/S	-20.000	25		-80.000
Tele Greenland	-5.000	25		-20.000
Greenland Holding	-4.000	25		-16.000
Ingerlatseqatigiiffiit sinneri	0	25		0
Tamakkerlugit	-45.000	-		-180.000

2. Tassunga atatillugu taakku ingerlatseqatigiiffinnut Naalakkersuisunit pissarsiariniarneqartarpat?

Akileraartarnermut aqutsisoqarfik toqqaannartumik ingerlatseqatigiiffiit oqaloqatigisanngilai. Akileraartarnermut Aqutsisoqarfiup Naalakkersuisut Siulittaasuata Naalakkersuisoqarfiani Ingerlatseqatigiiffinnut Allattoqarfik oqaloqatigisarpa. Taakku Namminersorlutik Oqartussat qitiusumik ulluinnarni attaviginissat akisussaaffigaat.

4.8 Konto pingaarneq 24.11.10 Nioqqutissanik eqqussuinermit akitsuutit

Nuuk Imermit isertitassatut missingikkat aammalu poortuutissat pillugit nalunaarutit allannguutissaatut naatsorsuutigisat, 2025-mi atuutilersussatut naatsorsuutigineqartut, imminnut ataqatigiinnersut paasisutissiissutigineqassasoq ataatsimiititaliamit kissaatigineqarpoq.

Akissut: Nunatta Karsiata Nuuk Imermit missingersuutini isertitassaqqanngilaq. 2025-mut eqqussuinermit akitsuutinik missingersuutitut naatsorsuinerit poortukkat pillugit nalunaarummi eqqussuinermit allannguutit naatsorsuutimini

ilanngutinngilai. Tamannali kingornatigut naleqqutilersinnaavoq, toqqaan-nartumik inatsisitigut tunngavissaq atuutilerpat.

4.9 Konto pingaarneq 24.11.20 Akitsuutit, akiliilluni piniarneq aalisarnerlu
 Konto pingaarnermi una naapertorlugu ilanngaaseereerluni isertitat akuer-sissutitut assigiinngitsunut qanoq agguataarneqarsimanersut paasissutissiisu-tigineqassasoq ataatsimiititaliamit kissaatigineqarpoq?

Akilerartarnermut Aqutsisoqarfiup akuersissutit makku tunngavigai:

	AIS 2023	Kr. uumasq ataaseq	Kr.
Akuersissutit Umimmaat	-50	2.000	-100.000
Akuersissutit Tuttut	-50	1.000	-50.000
Akuersissutit Uumasut mikinerit	-25	1.000	-25.000
Akuersissutit aalisarneq	-300	75	-22.500
Tamakkerlugit	-425		-197.500

Oqaatigineqassaaq akuersissutit akiligassat qaffasissusaat marluummata, tassa uumasunut mikinerit aamma aalisassanut, taamaattumik aningaasaliiffi-gineqartuniit nikingassuteqartoqarsinnaavoq.

Akilerartarnermut aqutsisoqarfiup AIS2023-p aappassaaneerqarnissaanut allannguutissatut siunnersuummik uunga konto pingaarnermut suliaqassaaq, tassani missingersuutitut ilanngussami aamma suliaassanut nalunaarsuiffik allanngortinneqassaaq qulaani paasissutissat aallaavigalugit.

4.10 Konto pingaarneq 24.11.25 Qaleralinnut akitsuutit

Avataasiorlutik qaleralinniartut 2023-mi nioqutissiorsinnaanerit 75 %-inut aalajangiunneqartoq, kitaani pisassiissutit ilaat 100 %-imik tulaanneqartussaa-titaasut aammalu Tunumi pisassiissutit tamarmik avataani tunisassiarineqar-sinnaasut Naalakkersuisunit ilaatigut paasissutissiissutigineqarpoq. Tamatuma erseqqinnerusumik itisilerneqarnissaa ataatsimiititaliamit kissaatigineqarpoq. Nunatta imartaani piffinni assigiinngitsuni aalisarnermi tulaassisusaatitaanerup nassatarisaanik nunami tunisassiornerup killiffiata paasissutissiissutigineqarnissaa kissaatigineqarpoq.

Akissut: Tulaassinissamut piumasaqaatip siunertaraa nunami suliffinnik pilersitsinissaq. Kalaallit Nunaata kitaani avataasiorluni qalerallit nunamut tulaassassatut piumasaqaatitallit, qaavatigut nunami nerpiiarnegarnissaminnut aamma piumasaqaasigaapput, suli nunami suliffinnik pilersitsinerunissaq anguniarlugu. Tamanna isumaqarpoq nunami suliffissuit tulaassivigineqartut piumasaqarfigineqartut qalerallit nerpiinnangortillugit suliarisassagaat avammut tunisassiassatut akuerineqassagunik.

Avataasiorluni qaleralinnik pisassiissutit 2022-mi tamakkiisut Kalaallit Nunaata kitaani 13.533 tonsiupput aamma Kalaallit Nunaata kangiani 3.870 tonsiullutik. Umiarsuit avataasiortut 2022-mi Kalaallit Nunaata kitaani 7.900 tonsinik tunisassiorsinnaapput, aamma 5.633 tonsinik tulaassisussaatitaallutik. Kalaallit Nunaata kangiani pisassiissutit avataaniitillutik tunisassiarineqartariaqarsimapput. 2023-mut pisassiissutit suli aalajangerneqanngillat, kisianni naatsorsuutigineqarpoq piunasaqaatit 2022-misut atuutiinnassasut.

2022-mi angallatit avataasiorlutik qaleralinniartut piunasaqarfigineqarput 2.633 tonsit nunamut tulaatissagaat, tulaassinissamut piunasaqaat 25 procenti naapertorlugu. Pisassiissutit taakku annerusumik nunami aalisakkeriffinni Aasianni, Qasigiannguani, Maniitsumi Paamiunilu suliarineqartarput. Royal Greenland A/S ingerlatseqatigiiffinni kisermaalluni 2022-mi Kalaallit Nunaata kitaani avataasiorluni qaleralittassanik 100 procentimik nunamut tulaassassanik piunasaqaatitalinnik tunineqarpoq katillugit 3.000 tons. Pisassiissutit agguarneqarput 750 tons Kalaallit Nunaata kitaata kujataata, Paamiuni imaluunniit Maniitsumi suliarineqarsinnaasut, aamma 2.250 tons Kalaallit Nunaata kitaata avannaani, Maniitsumi, Qasigiannguani imaluunniit Kangaatsiami suliarineqarsinnaallutik.

Avataasiorluni qaleralinnik tulaassineq, tulaassinerup nalingata 5 procentianik akitsuuserneqartarput.

5. Suliassaqarfik 30, Meeqqanut, Inuusuttunut, Ilaqutariinnut Peqqissutsimullu Naalakkersuisoq

5.1 Konto pingaarneq 30.01.02 Isumaginninnermut Aqutsisoqarfik.

1. Missingersuutitut ilanngussami immikkoortut kingullit marluk Tusaanngamut konto pingaarnermut 30.10.45-mut attuumassuteqarsorinartumut, meeqqat inuusuttullu immikkut ittumik suliniuteqarfigineqarnerannut tunngasumut, tunngapput. Kontot pingaarni pineqartuni marlunni tamani immikkoortut taakku marluk inissineqarsimanerannut tunngavilersuut ataatsimiititaliamit ujartorneqarpoq aammalu pissusissami-suunnginnerluni allannguutissatut siunnersuuteqarnikkut tamatuma iluarsineqarnissaa?

TUSAANNGA pillugu allasimasut kukkunikkut marloriarlutik assigiinngitsuni ikkunneqarsimagamik. Kukkuneq tamanna aappassaaneerqarnerani imaluunniit pingajussaaneerqarnerani allannguutitut siunnersuummi iluarsineqarumaarpoq. Iliusissaq kontumut pingaarnermut 30.10.45-mut atavog.

2. Akissarsianut aningaasartuutit taamaaqataanik allanngunngitsut sulisunut atuinissamik naatsorsuutigisat N 2021-imit AIS 2023-mut taama nikerartiginerannut suna pissutaava?

2022-mi sulisoqarnissamut naatsorsuutigisat kukkuneqarsimagamik. Ajoraluartumik AI 2022-mut naqitani quleriaat aningasanut inatsisissaq 2023-p suliarinerani iluarsinissaa periarfissaqanngilaq.

5.2 Konto pingaarneq 30.10.37 Nuna tamakkerlugu meeqqanut inuusuttunullu paaqqinnittarfiit.

1. Ulloq unnuarlu paaqqinnittarfiit Namminersorlutik Oqartussanit pigineqartut aammalu kommuninit pigineqartut tamakkiisumik atuinerisa naatsorsorneqarnerat ataatsimiititaliamit ujartorneqarpoq.

Atuinermut tamakkiisumut naatsorsuineq ataani takutinneqarpoq. Naatsorsuineq Namminersorlutik Oqartussat aningaasaqarnermut atortorissaarutaanneersuovoq. Naalakkersuisut kommuninit pigineqartunit ulloq unnuarlu paaqqinnittarfinniit naatsorsuutit tigusaqarneq ajorput.

	<i>Naatsorsuutit 2019</i>	<i>Naatsorsuutit 2020</i>	<i>Naatsorsuutit 2021</i>
<i>Tamakkiisumik atuineq</i>	<i>kr. 194.065.580</i>	<i>kr. 200.506.649</i>	<i>kr. 190.302.555</i>

2. Ulloq unnuarlu paaqqinniffinnut inissitaasimasunut tunngatillugu matumani aningaasaliissutinit angusanik Naalakkersuisut uuttuisarpat? Tassunga atatillugu meeqqat inuusuttullullu inissitaanermik qaangiute-reernerani kimit isumagineqartarnersut Naalakkersuisunit ilisimaneqarpa?

Massakkut sunniutinik uuttortortaanernik suliaqartoqarneq ajorpoq. Kommunit aalajangiisarpurp mreeqqanik inissiinernut tunngatillugu. Kommunit suleqatigalugit mreeqqat inissinneqarunnaartarpurp/angerlarteqqinneqartarpurp, taamaattumik kom- munit aamma naluneq ajorpaat kikkut mreeqqat paarilerneraat inissinne- qarunnaareeraangata.

3. Ukiumut aningaasaliissutigineqartut tamakkerlugit atorneqarnissaat siunertariinnarlugu pisiniarnissap pinngitsoortinneqarnissaa siunertara- lugu paaqqinniffiit konto pingaarnerp matuma ataaniittut Namminer- sorlutik Oqartussanit qanoq nakkutilliiffigineqarpat? Paaqqinniffiit aningaasat ukiuata naalernerani atueriaasiisa nakkutiginnissaannut, taamaa- lillunilu, Naalakkersuisut qanoq periarfissaqarpat?

Nakkutilliinermik ingerlatsivik Isumaginninnermut, Suliffeqarnermut, Nunamullu Namminer- mut Naalakkersuisup ataaniittup ingerlatsinermut atatillugu, aningaa- saqarnikkut perorsaanermullu tunngasutigut ulloq unnuarlup paaqqinnittarfinnik nakkutilliisuupput. Tassungalu ilaappurp Namminersorlutik Oqartussat kommunillu ulloq unnuarlup paaqqittarfii, ulloq unnuarlup innarluutilinnut neqeroorutit aammalu privatimik pigineqartut ingerlanneqartullu ulloq unnuarlup paaqqinnittarfiit. Isumaginninnermut Aqutsisoqarfiup taassuma saniatigut aamma nalunngilaa siornatigut ulloq unnuarlup paaqqinnittarfiit ataasiakkaat ukioq naajartuleraangat aningaasanik amerlanerusunik atuisartut ukiumoortumik aningaasaliissutit nungunniarlugit. Tamanna kingunerisaanik ingerlaavartumik missingersuusiornikkut tamanna malitseqartinneqartarpoq. Isumaginninnermut Aqutsisoqarfik taassuma saniatigut forstanderit peqatigalugit paasiniaaqatigiinnermi ilisimatitsissutigereerpaat pissuseq tamanna unitsinne- qassasoq.

4. Sulisunik amerlanerusunik atorfinitsitsinissamik pisariaqartitsinermut suna tunngaviua, tamatumami peqatigisaanik inissat ikilinissaat naatsor- suutigineqarpat?

Ukiuni kingullerni Namminersorlutik Oqartussat ulloq unnuarlup paaqqinnittarfiini inissat amerlisarneqarnerisa kingunerisaanik, kukkunikkut kisitsisit aningaasanut inatsimmi amerlillugit iluarsineqarsimanngillat. Tamanna kukkuneruvoq. Allanguutissatut siunnersuutitigut tamanna iluarsineqarumaarpoq.

5.3 Konto pingaarnep 30.10.45 Mreeqqat inuusuttullu immikkut ittumik suliniuteqarfigineqarnerat.

1. Ilaqutariinnik siunersioqatigiinnernut aningaasaliissutit 0,9 mio. kr.-inik amerlassusilerneqarsimanerannut erseqqinnerusumit tunngavilersuut ataatsimiititaliamit kissaatigineqarpoq.

Ilaqutariinnik siunersioqatigiinnernut aningaasaliissutit konto pingaarnermut 30.01.02-mut ilanngunneqarput. Aningaasarsianut tunngasut konto pingaarnermut 30.01.03-mut ilanngunneqarput, aamma pikkorissarnernut- angalanernullu aningaasartuutit tassunga atasut. Aamma aningaasartuutit AIS 2023-mi konto

pingaarnermut 30.10.45-mut ilanngunneqarput. Tamarmik paasinarnerusunngor-tinniarlugit aningaasartuutit tamarmik konto pingaarnermut 30.10.45-mut ilanngunneqassapput AIS 2023-p aappassaaneerneqarneranut atatillugu. Aningaasartuutit sulisunut marlunnet atussapput.

2. Inunnet konto pingaarneq una naapertorlugu assigiinngitsunik suliniute-qarfigineqartunut atatillugu matumani aningaasaliissutinit angusanik Naalakkersuisut uuttuisarpat?

Kommunit suleqatigalugit Isumaginninnermut Aqutsisoqarfik angusat aallaaviga-lugit uuttuisarpoq, tassunga ilanngullugu suliat qanoq ittuuneri aallaavigalugit immikkoortiterneqartarput, tassunga tunngatillugu ajornartorsiutit assigiinngitsut aallaavigalugit, aamma suliat oqimaassusii "aarlerinartorsiornermut uuttortaat" aallaavigalugu.

Taassuma saniatigut atuisunik nalilersuititsisoqartarpoq, nalilersuitillugit meeraq imaluunniit inuusuttoq aamma angajoqqaat ilaqutaasullu aggersarneqarsimasut allat. Uuttortaanermi sinaakkutit nunat avannarliit ilaqutariinnik siunnersuinerni uuttortaanermut periaasiat atorneqartarpoq, taamaalilluni Kalaallit Nunaanni uuttortaanerit nunanut avannarlernut sanilliunneqarsinnaalissapput.

5.4 Konto pingaarneq 30.10.48 Isumaginninnikkut peqqissutsikkullu pina-veersaartitsineq.

Sulisorisassatut naatsorsuutigisat ineriartornerannut sanilliullugu akissarsianut aningaasartuutit ineriartornerannut nassuiaat ataatsimiititaliamit amigaatigi-neqarpoq.

Akissut: AI 2022-mi aningaasarsiasanut naatsorsuutit kukkuneqarsimapput, ajoraluartumillu tamanna AIS 2023-mut ukiunilu tulliuuttunut ingerlateqqiinnarneqarsimavoq. Tamanna AIS 2023-mi aappassaaneerinninnermi iluarsineqarumaarpoq.

5.5 Konto pingaarneq 30.10.49 Sumiginnaaneq akiorniarlugu isumaginnin-nikkut suliniutit

Ministeri Danmarkimit tikeraartoq ataatsimiititaliamit maluginiarneqarpoq. Suliniutit aningaasaliissutitut matumani pineqartunut ilaasut killiffiat paasis-sutissiissutigineqassasoq ataatsimiititaliamit kissaatigineqarpoq.

Akissut: Meeqqanut, Inuusuttunut, Ilaqutariinnut Peqqissutsimullu Naalakkersuisoqarfik aamma Isumaginninnermut Aqutsisoqarfik akisussaapput suliniutini 16-ini suliniutit 11-t akisussaaffigaat, suliniutit *Kalaallit-qallunaallu Kalaallit Nunaanni meeqqat inuusuttullu navianartorsiortut pillugit akimortumik suleqatigiinneq*. Suliniut kingulliit tallimat (Suliniutit 11-15) Danmarkimi Inatsiseqarnermut ministereqarfimmiit suliarineqassapput.

Ukiumut marloriarluni suliniutinut killiffiit saqqummersinneqartarput. Kingullermik killiffissiorneq saqqummersinneqarpoq junimi 2022, taanna nanineqarsinnaavoq Naalakkersuisut nittartagaanni linki una aqutigalugu:

https://naalakkersuisut.gl/publikationer?sc_lang=kl-gl. Killiffimik saqqummersitsineq kommuninut aamma Inatsisartut Ilaqutariinnermut Peqqissutsimullu Ataatsimiititaliaannut toqqaannarlugit nassiunneqartarput. Tullissaani killiffik saqqummiunneqassaaq 2022-p naanerani.

5.6 Konto pingaarneq 30.13.07 Danmarkimi Kalaallillu Nunaanni inissiinernut qitiusumik immikkoortitat

1. 2021-mi 7,5 mio. kr.-it piviusunngortinneqartut Naalakkersuisunit sooq 3,0 mio. kr.-it missingersuutigineqarpat?

Konto pingaarneq 30.13.07 kommuninit aningaasaliiffigineqartarpoq kommuninut tapiissutinit appartitsinikkut. AI 2022-mut kommunillu isumaqatiginninniarnerni, kommunit kissaatigaat Kalaallit Nunaanni aamma Danmarkimi inissiisarnertit immikkut akisuut aningaasartuutaat katillugit 4,5 mio. kr.-t nammineerlutik aqukkumallugit.

Kommuninut tapiissutit taamaattumik 3 mio. kr.-nik taamaallaat appartinneqarput, tassalu konto pingaarnermi uani aningaasaliissutigineqarput. Aningaasaliissutit taakku immikkut iliuusissanut pinartunut atorneqartarput, tassunga ilanngullugu ulloq unnuarlu paaqqinnittarfinni ataasiakkaani ikorfartuinnermut nalunaquttap akunneranut atuinernut.

2. AI2022-mut sanilliullugu missingersuutinut ilanngussap oqaasertaasa annertuumik allanngortinneqarnerannut suna tunngaviua? Ukioq manna aningaasanut inatsisip oqaasertaasa ilaat ilanngutissallugit naapertuukkunnaarsimappat?

Kukkunikkut oqaasertaasa AI 2022-mi iluarsineqanngitsoorput, taamaattumik iluumoorpoq oqaasertaas pisariaqanngitsumik ilanngunneqarsimasooq, tamannalu AIS 2023-mi iluarsineqarpoq.

5.7 Konto pingaarneq 30.13.41 Innarluutilinnut angerlarsimaffiit

Qaortumi Meeqqat Angerlarsimaffianni Ivaqqami najugaqarsinnaasut mikinerit sisamanik ukiulinnit ukioqanngitsunut appartinneqarsimasut ataatsimiititaliamit paasineqarpoq. Inissat ikilinerannut suna tunngaviua, tassami siuliani taaneqartut nassatarisaannik najugaqartussat amerlinissaat naatsorsuutigineqarsinnaagunarmat?

Akissut: Inissat amerlassusaat appartinneqarpoq, piffissap ingerlanerani misilinneqarpoq Ivaaraq allillugu immikkoortortamik "Qummut" ilassuteqarnikkut, tassungalu atuisussatut naleqquttuupput inuit timimikkut tarnikkullu innarluutillit. Tamannali pitsaanngitsutut nalilernerarpoq, taamaattumik "Qummut"-mi ineqartut ulloq unnuarlu paaqqinnittarfinnut allanut nuunneqarput, Nuuffigisaasa ikiuinissamik piumasarisannik neqerooruteqarsinnaammata. "Qummut" – inigisai maanna Kommune Kujallermut atukkiunneqarput. Ivaqqami inissat ikilineqarput, pingaarnertut sullinniakkanut naleqquttunut – allatut oqaatigalugu inuit assigiinngitsutigut annertuumik innarluutilinnut.

6. Suliassaqarfik 31, Isumaginninnermut tunngasunut Suliffeqarnermullu Naalakkersuisoq

6.1 Konto pingaarneq 31.01.01 Isumaginninnermut Suliffeqarnermullu Naalakkersuiso-qarfik

Aningaasaliissutit amerlineqarnerannut nassuiaat amigaataavoq. Tamanna nunamut nammi-nermut immikkoortorta qarfiup nuunneqarneranik pissuteqarsinnaasoq ataatsimiititaliamit ilimagineqarpoq. Tamanna Naalakkersuisut iluoornerarsinnaavaat?

Akissut: Tamanna Naalakkersuisut uppersarsinnaavaat.

(6.2 kalaallisoortani amigaataavoq. Tamaattumik qallunaatuuani 6.2 kalaallisoortani 6.3-nngorpoq.)

6.3 Konto pingaarneq 31.02.32 Akiitsut pillugit siunnersuineq

1. Suliniutip sunniutai Naalakkersuisunit uuttorneqarpat?

Aap. INI A/S ukiumoortumik nalilersuiffigineqartarpoq. Taakku ilaatigut ukiumoortumik Ingerlatsineq pillugu Nalunaarummi paasissutissanut toqqammavittut atorneqartarput, assersuutitut takuuk PØB 2022-mi immikkoortoq 1.12.

2. Akiitsut pillugit siunnersuineramik ingerlatat angusallu pillugit ukiumoortumik nalunaarusiortarnissamik piunasaqaateqarnissap ilanngunneqarnissaa pillugu isumaqatigiissusiortoqassasoq Naalakkersuisunit naatsorsuutigineqarpoq. Naalakkersuisut naliliippat akiliisitsiniarnermut aningaasanit atorneqartumit ikinnerusunik akiliisitsiniarneq isertitsissutaasartoq?

INI A/S-p oqimaaqatigiissinnera kingulleq oktober 2021-meersuuvoq, tassanilu 2020 ilanngullugu ineriartorneq nassuiaateqarfigineqarpoq. Akiitsunik unammillernartitat 20 mio. kr.-t missaannik annertussuseqartut passunneqartut paasissutissiisutigineqarpoq. Taakkunanga aningaasqarnikkut siunnersuinerami taakku 13 mio. kr.-t missaannut annertussuseqalersillugit appartinneqarput. Inunnut toqqartumik piffinilu attaveqarnikkut suliniuteqarneq taamaalilluni pingaaruteqarpoq, ineqartunullu kalluarneqartunut iluaqutsiillunilu, ineqarnermut immikkoortoq aningaasaqarnerannut kiisalu soorunami pisortanut akitsuut tamarmiusut appariarnerannut ilapittuillutik.

Peqatigisaanik anisitaasut amerlasuusaat ingerlaavartumik. 2018-imi 123-nit 2019-imi 79-inut 2020-milu 68-inut appartinneqarput, tamannalu inuit ikinnerusut angerlarsimaffeqanngitsunngortarnerannut pitsaasumik sunniuteqaqataalluni. Ataatsimut isigalugu kisitsisit pitsaasut aallaavigalugit pisortanut akiitsut tamarmiunut ikinnerulernerannik suliniut sunniuteqartoq nalilerneqarpoq. Tamanna ineqarnermut akiitsoqaraani, amerlanertigut aamma allanut akiitsoqartarnermik patsiseqarpoq, taakkulu marluk akuttunngitsumik imminnut ataqatigiittarput.

6.4 Konto pingaarneq 31.03.32 Meeqqanut tapiissutit

Meeqqanut tapiissutit tunniunneqartut aningaasannorlugit annertussusiannut takussutissiaq paasiuminartoq ataatsimiititaliamit ujartorneqarpoq. Matumani ataatsimiititaliamit immikkut eqqumaffigineqartut tassaapput aningaasat ima ikitsigisut tunniunneqartarnersut allaat allaffissornermut aningaasartuutigineqartunilluunniit ikinnerullutik.

Akissut: Meeqqanut tapitit akilernerqartut aningaasartaasa annertussusaannik paasiumitartumik takussutissiiimmik suliaqarnissamut periarfissaq Naalakkersuisut misissorumavaat.

6.5 Konto pingaarneq 31.03.34 Meeqqanut akilersuutit meeravissiarthaarnerlu kiisalu meeqqanut inuusuttunullu illersuisoqarneq

Sulisorisassatut naatsorsuutigisat ineriartornerannut sanilliullugu akissarsianut aningaasartuutit ineriartornerannut nassuiaat ataatsimiititaliamit amigaatigineqarpoq

Akissut: Aningaasaliissutigineqartut annertussusaat ukiumut 4,9 mio. kr.-t misaanni ukiualunni aalaakkaasumik annertussuseqarpoq. Kisitsisit anguneqartut aamma piffissami tassani aalaakkaasuupput.

Suliassaqarfimmi kisitsisit paasissutissiissutigineqartut AI 2022-mut suliassaqarfimmut kisitsinik, siusinersukkut aamma anguneqartunit qaffasinnerulaarsimasunit ingerlatsitseqqiinerupput, taamaammallu Naalakkersuisut AIS 2023-mi suliniutit annertussusaasa aalajangiusimaneqarnissaat toqqarpaat.

6.6 Konto pingaarneq 31.03.36 Erninermi ullormusiat

1. Konto pingaarnerup matuma aammalu konto pingaarnerup 31.03.35-ip, ernereermermi aningaasaateqarfimmut tunngasup, ataqatigiinnerisa itinerusumik nassuiaatigineqarnissaa ataatsimiititaliamit kissaatigineqarpoq.

Konto pingaarnermut 2021-mi 2022-milu aningaasaliissutit Namminersorlutik Oqartussat suliffeqarfinni namminersortuni sulisuni erninermut ullormusianut aningaasartuutaasa ilaattut annertussuseqartunik appartinneqarput. Konto pingaarneq 31.03.35 Erninermut aningaasaateqarfik, erninermi aningaasaateqarfiup pilersinneqarnera sioqqullugu konto pingaarneq 31.03.06 Erninermi ullormusiat namminersorlutik inuusutissarsiorluni sulisunut immikkoortinneqartartunik ilassusiivigineqarpoq.

Sulisitsisut sulinermi akitsuummik erninermut aningaasaateqarfimmut akiliutaattut nalunaarsorneqartut, aningaasaliissutit qaffasippallaamik inissinneqarsimanerannik ersersitsisut Naalakkerusisut ilanngullugu paasissutissiissutigissavaat, taamaammallu Naalakkersuisut AIS 2023-p

aappassaaneerseqarnissaani allannguutissatut siunnersuummik saqqummiussinissartik sulissutigaa.

2. Ukioq naallugu tigusaqartartut (decemberimi uuttuineq malillugu) 982-iullutik 2021-mi atukkat 33,847 mio. kr.-iupput. Ukioq naallugu tigusaqartartut 1045-utillugit AIS23-mi aningaasaliissutit 26,505 mio. kr.-iunissaat aalajangersarneqassasoq Naalakkersuisut siunnersuutigaat. Aningaasaliissutissatut aalajangersarneqartut itisilerneqarnissaat ataatsimiititaliamit kissaatigineqarpoq.

Tatumani AI 2022-mi suliaqarfimmi kisitsisit kukkunikkut AIS 2023-mi ingerlateqqinneqarsimanerat pineqarpoq, taamaalillunilu namminersortuni pisortaniluunniit suliffeqartuuneq apeqqutaatinnagu ullormusianik pissarsisut ataatsimut amerlassussaannik takutitsisuulluni. AIS 2023-p aappassaaneerseqarnissaanut allannguutissatut siunnersuummik Naalakkersuisut suliaqassapput, tassanilu kisitsisit eqqortut takuneqarsinnaassapput.

6.7 Konto pingaarneq 31.07.02 Piginnaasani ineriartortitsiviusumik pikkorissarnerit

1. Pikkorissarnerit suussusiinut agguataarlugit pikkorissarnernut 2022-mi ingerlanneqartunut takussutissiaq ataatsimiititaliamit ujartorneqarpoq.

2022-mi pikkorsaanernut ingerlanneqartunut immikkoortukkuutaartumik akussutissiaq ataani ivertinneqarpoq. 2022-mi pikkorissaanerit ingerlanneqartut ukiup aningaasanut inatsiseqarfiusup affaani siullermi naammassineqarput. Inuussutissarsiornermik ilinniarfiit ukiup ingerlanerani 2022-mut pikkorsisaanissatut pilersaarutigineqarlutillu akuerineqartut sinneri ingerlatissavaat.

2022-mi pikkorissaanerit ingerlatanik takussutissiivik, pikkorissarnerit sammivii malillugit agguataakkat:

Pikkorissaanerit sammivii					
Inuussutissalerineq INUILI	Teknikimi fagit KTI	Niuerneq Campus Kujalleq	Imarsiorneq Imarsiornermut ilinniarfik	Peqqinneq Peqqiss. ilinniarfik	Perorsaanermut ilinniarfik
Tunisassiorturnut eqqiluisaarneq	Muffenik ikkussuineq	Inuttut ineriartorneq	Immami sillimaniarneq Sap. ak. 3	RKV	Meeqqat inuusuttullu ajornartorsiutillit modul 1
-	-	-	-	Peqqinnissa mi	-
Tunisassiorturnut eqqiluisaarneq	Maskiinanik ingerlatsisinnaanermut pikkorissarneq	IT naaqqanit	Immami sillimaniarneq Sap. ak. 3	ikiortit	Meeqqat inuusuttullu Ajornartorsiutillit modul 2
-	-	IT naaqqanit	-	-	-
Tunisassiorturnut eqqiluisaarneq	Maskiinanik ingerlatsisinnaanermut pikkorissarneq	-	Umiatsiaararsortunut/ Piniartunullu sillimaniarneq	RKV Kigutileriner mi	Meeqqat inuusuttullu diagnosit
-	-	Pisortatut ineriartorneq			-
Eqqiaanermut pikkorissarneq	-	Naatsorsuuserinermi pikkorissarneq			Meeqqat inuusuttullu diagnosit
-	GPS Maskiinat				-
-	Qillerineq				Meeqqat inuusuttullu diagnosit
Eqqiluisaarnermut pikkorissarneq					
-					
Eqqiaanermut pikkorissarneq					

2. Pikkorissarnerit konto pingaarneq una aqqutigalugu aningaasalersorneqarsinnaasut imarisassaas inatsisitigut aalajangersarneqarsimappat?

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-eersoq naapertorlugu Naalakkersuisut pikkorissaanerit atorunnaarsitsillutillu pilersitsisinnaapput. Pikkorissaanerit inuussutissarsiutini inuiaqatigiinnilu ineriartorneq malillugu suliffeqarnermi ilinniakkatigut piginnaasatigullu suliffeqarnermi pisariaqartitanik naammassinnittussaapput. Naalakkersuisut pikkorissaanerit tapissuuteqarfigineqarsinnaasunut siunertanut malittarisassat, pikkorissaanerimullu ingerlatsinerit malittarisassat nalinginnaasut aalajangersaavigisinnaavaat. Ilinniakkatigut imarisai Kalaallit Nunaanni inuussutissarsiorterit atuarfinni pikkorissaanerit immikkoortumi sammisarineqartunik pioreersunik toqqammaveqarpoq. Pikkorissarfissat nutaat Naalakkersuisunit akuerineqaaqtussaapput, tassani Isumaginninnermut tunngasuni, Suliffeqarnermut Nunamullu Namminerit tunngasuni Naalakkersuisoqarfik ilanngulluni.

Kontomi pingaarnermi uani pikkorissarnerit imarisaat namminersorlutik inuussutissarsiortut pisariaqartitaannut nalimmassagaapput, sulisartunullu ilinniarsimangitsunut sammisuullutik, tamannalu konto pingaarnermut uunga missingersuummut tapiliussami nassuiarneqarpoq. Piginnaanngorsaanermik naliliinermik imalinnik pikkorissaanerit imarisaat, suliaqarfinni branceudvalgimit nalilersugaasarpoq. Taannalu inersimasunik atuartitsineq pillugu nalunaarut nr. 9, 9. maj 2016-imeersumi nassuiarneqarpoq.

6.8 Konto pingaarneq 31.07.03 Nuttarnerulersitsiniarluni aningaasaliissutit

1. N 2021-mi 0,557 mio. kr.-it ilanngaaseereerluni aningaasartuutigineqarsimasut ataatsimiititaliap paasivaa. Aningaasat taakku aammalu AI 2021-mi aningaasat missingersuutigineqartut 2,122 mio. kr.-iusut qanoq imminnut ataqatigiippat?

Akissut: Inuit qanoq amerlatigisut 2021-mi nuttarnerulersitsiniarluni aningaasaliissutinik qinnuteqarsinnaanermik atuinissaanut ilimagisat pisariaqartitsinerit annertunerisimapput.

2020-mi ukiut siuliinut sanilliullugu qinnuteqartut apparuarujussuarsimapput, siullermillu appariaat COVID-19-imik angalasinnaanermillu killilersuutinik assigisaannillu patsiseqarsorineqarput. Angalasinnaanermut killilersuutit atorunnaarsinneqarnerat malitsigalugu 2021-mi nuttarnerulersitsiniarluni aningaasaliissutinut amerlasuut qinnuteqarnissaat ilimagisimavarput. Taamaattoqarsimangilarli.

2. Konto pingaarnermi matumani aningaasaliissutit qanoq atorluarneqarsinnaanerusutut Naalakkersuisunit isigineqarpat?

Akissut: Sulisitsisut namminneerluinnarlutik kikkut aalajangersimasumik atorfinitsinnissaat, kikkullu ukiup ilaannaanni atorfinitsinnissaat aalajangertarpaat. Ukiup ilaannaanni atorfeqartitsineq annertunerusumik aalisakkanik suliffissuarni/avinngarusimasuni aalisakkerivinni atorfeqartarpoq.

Naalakkersuisoqarfimmut oqartussaasumut paasissutissat tunniunneqartut malillugit, aalisakkanik suliffissuarni sulisitsisut ukiup ilaannaanni sulisussanik atorfinitsinnissamut tunuarsimannerulerput, taamaaliormilulu taakku ilaasa inuttut annertuumik ajornartorsiuteqarnertik pissutigalugu, piffissap sivikitsup ingerlanerinnaani nunaqarfigisaminnut utertittariaqartarnerat patsisaalluni.

Nuttarnerulersitsiniarluni aningaasaliissutinit ikiorsiinermi siullermik qinnuteqaatinik tigusaqarneq, kingornalu qinnuteqartup aningaasaliissutinut piunasaqaatinik naammassinninnerit apeqqaataapput. Piunasaqaat siulleq pingaarutilillu tassaavoq suliffissarsiortuuneq.

2021-mi qinnuteqaatit 34-t tiguneqarput, taakkunanngalu 32-t aalisakkanik suliffissuarni ukiup ilaani sulinerlut tunngasunik qinnuteqaataapput. Inuit 17-it qinnuteqaatiminnut itigartinneqarput. Inuit 17-it suliffissarsiortuunissamik piunasaqaammik naammassinninnginnerit imaluunniit piffimmi suliffimmut innersuunneqarsinnaasunik sulisussaqaarneq pissutigalugu itigartinneqarput.

Inunnit 17-nit 2021-mi ukiup ilaani suliffeqarnissamut aningaasaliivigineqartunit, affaanit amerlanerusut aallanngillat. Inuit ataasiakkaat sooq aningaasaliivigineqarnerminnik atuinnginnissamik toqqaanerannut patsisigineqartunik Naalakkersuisoqarfik ilisimasaqanngilaq. Ajornartorsiutit nassuiarneqartut tunuliaqutaralugit nuttarnerulersitsiniarluni aqqissuussiunerup nalilersoqqinneqarsinnaanera isumaliutigissallugu naapertuussinnaavoq, taamaalilluni aqqissuussineq siunertamut naapertuunnerusunngortineqarsinnaassalluni.

3. Nuttarnerulersitsiniarluni aningaasaliissutit suliffissaqanngitsut Majoriami qaammatini ikinnerpaamik 3-ni suliffeqanngitsutut nalunaarsimasut piffissami aalajangersimasumi nuunnerannut tunniunneqarsinnaasut quppernerup 432-ip naggataata tungaani allassimavoq. Tamanna aningaasat tamakkiisumik atugassiissutigineqartannginnerannut nassuiaatit ilagisinnaavaat?

Akissut: Nuttarnerulersitsiniarluni aqqissuussinermi ikiorsissutit suliffissarsiortut nammineq inoqarfigisartik qimallugu suliffittaarsinnaanerannut aningaasatigut tapiissuteqarnissamut periarfissiisuvoq. Suliffissarsiortuunissamik piunasaqaat peerneqarpat, taava nuttarnermi ikiorsiinngussaaq, tamannalu ullumi pisortat ikiorsiissutaat pillugit inatsimmi § 21-mi periarfissaareerpoq.

2021-mi nuttarnerulersitsiniarluni aqqissuussinerlut qinnuteqartut tamarmik akuerineqarlutillu tassannga atuisimasuuppata, aningaasartuutit 1 mio. kr.-nit annertunerusimassanngitsut missingerneqarpoq.

7. Suliassaqarfik 34, Meeqqanut, Inuusuttunut, Ilaqutariinnut Peqqissutsimullu Naalakkersuisoq

7.1 Konto pingaarneq 34.01.01 Peqqinnissamut Naalakkersuisoqarfik
Sulisunut atuinissamik naatsorsuutigisat taamaaqataanik allanngunngitsut aningaasaliissutit N 2021-mit AIS 2023-mut qaffariarujussuarnerannut suna pissutaava?

Akissut: konto pingaarneq 34.01.01 Peqqissutsimut Naalakkersuisoqarfik piffissami 2021 – 2023 aningaasaliissutit AI21, AI22 AIS23-lu naapertorlugit imaapput:

Ukioq	Aningaasaliissutit koruunit ilivitsunngorlugit	Sulisutut atugassatut ilimagisat
2021	19.377.000	20
2022	19.931.000	15
2023	20.215.000	15

Missingersuutit immikkoortiternerini ima allassimasoqarpoq: *"Peqqissaavinni sulisut tallimat akissarsiassaannut aammalu ingerlaqqiffiusumik immikkullu ilinniarnermut atatillugu ilinniarnermut, angalanermut najugaqarnermullu aningaasartuutitunut tapiissuteqartoqartarpoq. Kiisalu innuttaasut peqqissuunissaannut oqartussatut siunnersuisartumut aningaasartuutit akilerneqartassapput."*

AI21 tikillugu sulisut tallimat taaneqartut sulisussatut ilimagineqartuni ilanngunneqarput. AI22-mit sulisussatut ilimagineqartut taamaalalat Peqqissutsimut Naalakkersuisoqarfimmi sulisut ilaatinneqarput, taamaalilluni sulisut amerlassusaat eqqornerusumik takutinneqarluni.

Konto pingaarnermi 2021-mi atukkatut nalunaarsorneqartut 15,7 mio. kr-upput. Tassani 3 mio. kr-nik atuinikinnerusoqarpoq. Tamanna Covid-19 pequtigalugu suliat annikinnerunerannik atorfiillu inoqannginnerannik patsiseqarpoq. Atorfiit inuttaqanngitsut agguaqatigiissillugu tallimaapput, taamaalillunilu 2021-mi sulisunik atuneq 20-5 = 15-iuvoq.

7.2 Konto pingaarneq 34.10.01 Peqqinnissamut Pitsaaliuinerimullu Aqutsisoqarfik

Sulisunut atuinissamik naatsorsuutigisat taamaaqataanik allanngunngitsut aningaasaliissutit N 2021-mit AIS 2023-mut ikileriarujussuarnerannut suna pissutaava?

AI2021-mi AIS2023-mut ukioq kaajallallugu suliffinnik arlalinnik, taakkununggalu attuumasunik aningaasarsianik aningaasartuutit annikilliliisoqarpoq. Pisortat amerlassussaannik ikinnerulersitsilluni aqqissuusseqqinneq Peqqinnissaqarfimmi ASA-mut sulisoqarnermut

immikkoortumut oqartussaaffimmik allanngueq, 2021-mi aningaasarsianut aningaasartuutitut ataasiartumik aningaasartuuteqarnermik malitseqarpoq.

SANA-mut innartitat 2017-mi ukiumut 12.600-nit 2021-mi ukiumut 13.399-inut amerleriarput. Taamatut aningaasartuutit tatineqaraluartut allaffissornikkut aningaasartuutit appartinneqarput.

7.3 Konto pingaarneq 34.11.03 Dronning Ingridip Napparsimavissua

1. Suliassami kisitsisit ataatsimut isigalugu allanngunnginnerat eqqarsaatigalugu akis-sarsianut aningaasartuutissatut AIS 2023-mi missingersuutigineqartut 20 mio. kr.-erluinnarnik amerlineqarsimanerannut suna tunngaviunersoq paasissutissiissutigineqassasoq ataatsimiititaliamit kissaatigineqarpoq.

AIS2023-mi meeqqanut immikkoortumut 8,7 mio. kr.-nik aningaasaliinerusoqarpoq. Aningaasaliineruneq taanna aningaasarsianut aningaasartuutitut inissinneqarpoq, aningaasaliissutinimmi tamarmiusunit amerlanerpaartaasa aningaasarsianut atorineqarnissaat ilimagineqarpoq. Meeqqanut immikkoortoq atorineqalereerpat suliame kisitsit nalimmassarneqassanersut qimerloorneqassaaq. Qaffariaatit sinneri akit aningaasarsiallu nalimmassarneranniipput.

2. Ukiut ingerlaneranni allannguinissamik naatsorsuuteqartoqannginnera eqqarsaatigalugu suliassami kisitsisissatut naatsorsuutigisat Dronning Ingridip Napparsimavissuani sulisussanik amigaateqarnermik ersersitsineruppat?

Suliame kisitsisut missinersuutigineqartut AIS2023-mi AI2022-misulli sulianik ingerlataqarnissaaq aallaavigalugu aningaasaliisoqarneranik ersersitsisuupput.

7.4 Konto pingaarneq 34.11.10 Steno Diabetes Center Grønland

1. Missingersuutitut ilanngussap aallartinnerani missingersuutit immikkoortiternerini nikerarnerit kisitsisini takuneqarsinnaasut erseqqinnerusumik nassuiaatigeqqullugit Naalakkersuisut qinnuigineqarput.

Steno Diabetes Center Grønlandimut aningaasanut inatsisikkut aningaasaliissutit taamaatinneqarnerat maluginiarneqarpoq. Aningaasarsiat aningaasartuutitini, ukioq kaajallalugu sulisut amerlassusaat aningaasartuutitiluni allani kiisalu isertitat allannguutaat Steno Diabetes Center Grønlandip aningaasalersorneqarnera pillugu Novo Nordisk Fondenimik suleqatigiinnermik isumaqatigiisummut atatillugu isigineqassaaq. Aningaasartuutissatut missingersuutigineqartut allannguutit suleqatigiinnissamik isumaqatigiisummik takutitsissuupput.

2. Sulisunut atuinnissamut naatsorsuutigisani "allat" 4-nik amerleriarneranerat ataatsimiititaliamit immikkut maluginiarneqarpoq.

akissarsianut aningaasartuutit 3 mio.-erluinnarnik amerleriarsimanerannut tamanna tamakkiisumik nassuiaatissaava?

Siuliani akissut takuuk.

7.5 Konto pingaarneq 34.14.01 Nunatsinni Nakorsaaneqarfik
Suliat naammagittaalliutit naammassiat inernerinut naatsorsuutit ataatsimiititaliamit ujarторneqarput. Suliani naammagittaalliutini qassit taparserneqarsimanersut qassillu taparserneqarsimannginnersut paasissutissiissutigineqassasoq ataatsimiititaliamit kissaatigineqarpoq.

Akissut: Nunatta Nakorsaaneqarfia piffissami 2017-imit 2021 ilanngullugu maalaaruteqartarnermik ingerlatsineq pillugu nalunaarummik suliaqarpoq. 2017-imit 2021-mut Nunatta Nakorsaaneqarfiani maalaarutit katillugit 541-nik amerlassusseqartut nalunaarsorneqarput, taakkunannga maalaarutit 285-t passunneqarnermut maalaarutit isigineqarnatik. Maalaarutit isigineqanngitsunik suliat sullinneqarnermut maalaarutit nalilerneqartut pisoqalisimasuupput, itigarinneqarlutik imaluunniit assigiinngitsunik patsiseqartumik taamaatinneqarlutik. Maalaarutit 256-t peqqinnissaqarfimmi sulianik maalaarutit suliarineqarput. Taakkunannga 89-it Danmarkimi Sundhedsvæsenets Disciplinærnævni suli naammassillugit suliarineqarnatilluunniit suli Nunatta Nakorsaaneqarfianut ingerlateqqinneqanngillat.

Suliani naammassineqartuni 167-ini 39-riarluni isorinnissuteqartoqarpoq (23 %). Suliat taakku maanna malittarisassat atuuttut, peqqinnissaqarfimmi inuit ataasiakkaanik taamaallaat maalaarutigisinnaanerannut periarfissiisut malillugit aalajangiivigineqarsimaneri erseqqissaatigineqassaaq. Nunatsinni malittarisassat malillugit suliarineqarfiup, tassa suliap ingerlanera tamakkerlugu, maalaaruteqarsinnaaneremut periarfissiinngillat. Malittarisassat maanna atuuttut aamma assersuutigalugu utaqqineq peqqinnissaqarfimmut maalaarutit ingerlanneqarsinnaaneranut periarfissiinngillat.

Danmarkimi Sundhedsvæsenets Disciplinærnævn peqqinnissaqarfimmi sulisup (nakorsap, sygeplejersip il.il.) pineqartup piginnaatinneqarneranut inatsit malissimanera pillugu aalajangiisarpoq. Pineqartoq ”peqqissaarsimananilu akisussaassuseqartumik” iliuseqarsimanngippat aatsaat isorinnissuteqartoqartarpoq. Taamaalilluni nævni pitsaanerpaamik naapertuunnerpaamilluunniit passussisoqarsimaneranik isummerfiginnineq ajorpoq. Suliani amerlasuuni isorinnissuteqarfigineqangnitsuni, Nakorsaaneqarfiup naliliinera malillugu ingerlatsineq pitsaanerpaamissimanngilaq. Amma suliat amerlasuut isornissuteqarfiunngitsut ilikkagaqarnissamik periarfissiipput.

8. Suliassaqarfik 40 Ilinniartitaanermut, Kulturimut, Timersornermut Ilageeqarnermullu Naalakkersuisoq

8.1 Konto pingaarneq 40.10.11 Ado Lyngep Atuarfia

Konto pingaarnerup matuma Isumaginninnermut Suliffeqarnermullu Naalakkersuisup sulas-saqarfianut nuunneqarnera qanoq iluaqutissarsiffiusinnaanersoq Naalakkersuisunit isumaliu-tigineqarsimava?

Akissut: Isumaginninnermut tunngasunik Suliffeqarnermullu Naalakkersuisoqarfik ulloq unnuarlungerlarsimaffinnut akisussaasuunngilaq, tassani immikkut meeqqanut inuusuttunullu immikkut pisariaqartitsisunut atuarfiit immikkut ilusilersukkat ingerlanneqarnerat ilanngullugu. Naalakkersuisut taamaammatt Ado Lyngep Atuarfianut akisussaaffimmik allannguinnikkut Isumaginninnermut tunngasunik Suliffeqarnermullu Naalakkersuisoqarfimmik allannguinnissaq pitsaaqutitaqartutut isiginngilaat.

Ado Lyngep Atuarfiata akisussaaffeqarfimmitt allamut nuunneqarsinnaaneranut tunngatillugu, Naalakkersuisut Anna Wangenheimimut § 37 apeqqut nr 2022/130-mut akissutaat innersuussutigissavaat, tassani ima allassimasoqarpoq:

"Meeqqanut, Inuusuttunut Ilaqutariinnullu Naalakkersuisoqarfiup ataaniittumut Isumaginninnermut Aqutsisoqarfimmitt aningaasaliissutinut konto imaaliiallaannarlugu nuusinneqarsinnaanngilaq, tassami atuarfinnut najugaqarfiusunut immikkut aaqqissuussanut, matumani Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup ataaniittumut Ado Lyngep Atuarfianut, atuarfik pillugu inatsit ilisimaneqartutut ingerlatsinerimut inatsisitigut tunngavigineqarmat. Inatsisit atuuttut aamma akisussaaffinnik agguataarineq naapertorlugu Naalakkersuisoqarfimmitt allamut nuussinerimi suliffeqarfiup siunertaanik allanngortitsinissaq pisariaqassaaq.

Ado Lyngep Atuarfiata meeqqanut inuusuttunullu eqqarsartaatsimikkut ineriartornermikkut piginnaasakitsut atuarfittut siunertaqarneranik allanngortitsinissaq Naalakkersuisut maannakkut pilersaarutiginnngilaat. Taamatulli eqqarsartogassappat atuisut aamma kommunit minnerunngitsumillu pisortat aamma sulisut akornanni suleqatigiilluarnissaq aamma oqaloqatigiilluarnissaq pisariaqassaaq inuiaqatigiinni isumaginninnermi aamma atuartitsinerimi suliffeqarfiup allanngortinneqartup suut isumagissanerai pillugit."

8.2 Konto pingaarneq 40.90.15 Ilinniartut inissaannik attartorneq

Inissat allanngornissaat naatsorsuutigineqanngitsooq ukiuni missingersuusiorfiusuni aningaa-saliissutit ikileriarujussuarnerannut suna pissutaava?

Akissut: Ilinniartut ineqarfiinik nalinginnaasunik sanaartorneq, avataaneersunit attartornermut taartaanissaat siunertaavoq. Taamaattoq Ilinniartut ineqarfii pillugit Inatsisartut Inatsisaata allanngortinnissaa pillugu Inatsisartut Inatsisaat nr. 3, 25. maj 2022-mersooq (Naartunermi, erninerimi meeravissiartaarnermilu

sulinngiffeqartarnermut atatillugu ilinniartut ineqarfiisa piginnartarnerat) akuersissutigineqarnerata kingorna pisariaqartitat annertusisinnaaner at sillimmartaarfigineqarpoq. Taakkunani allannguutaasinnaasut AIS2023-p suliarineqarnerani ilanngunniarneqassapput.

8.3 Konto pingaarneq 40.91.03 Pikkorissartitsineq

1. AIS 2023-imi aningaasaliissutit N 2021-mi aningaasaliissutaasunit 5 mio. kr.-it missaannit amerlanerunerat sumik pissuteqarpa?

Akissut: Pikkorissaanernut aningaasaliissutit pingaarnertut pikkorissarnernut atatillugu angalanernut ineqarnermullu aningaasartuutitut kiisalu malittarisassat malillugit ullormusianut atorneqartarput. AIS2023-mi aningaasaliissutit N 2021-mi kisitsisinit qaffasinnerunerat 2021-mi Covid-19-imut ataasumik oqartussaasut angalanernik killilersuinerat patsisaaneruvoq.

2. Konto pingaarnertup matuma ataani aningaasaliissutit siunniutaat Naalakkersuisunit uuttorneqarsimappat?

Akissut: Inuussutissarsiornermni ilinniartit pikkorissaanernik neqerooruteqartut, pikkorissaanerit ataasiakkaat naammassineqarneranni naliliisarput. Pikkorissaanerit amerlasuut atuisut inuussutissarsiorfinni assigiinngitsuni akuersissutitut allagartaasa nutarterneqartussaaner at pissutigalugu inatsisitigut piumasarineqartuupput.

Taammaamat pikkorissaanissanik neqeroorutit suliffeqarnermi ujartorneqartunut nalimmassagaapput, Kalaallimmi nunaanni namminersorlutik inuussutissarsiornerit ineriartornerat malillugu kiisalu sulisartut sulisinnaasut ilinniakkanik unammillerluarsinnaanerut ineriartortittuarnissaannik pisariaqartitsineq, namminersorlutik inuussutissarsiornerit ininniartitseqqinnissanik pisariaqartitsinerup annertusiartorneranik kinguneqarmat.

8.4 Konto pingaarneq 40.91.27 Kalaallit Nunaanni Teknikkimik Ilinniarfik Sulisunut atuinissamik naatsorsuutigisat allanngorsimannngitsut akissarsiat taama ineriartornerannut suna pissutaava?

Akissut: Ukiuni kingullerni tallimani suliffillit amerlassusaataa taamaaginnangajassimanera ilumoorpoq, aningaasarsianulli aningaasartuut qaffakkiartupiloorput, tamannalu ukioq naatsorsuusiortusumit 2020-mi malunnarnerulerpoq, tassungalu makku patsisaapput:

- Ilinniartitsisup ataatsip tunngaviumik aningaasarsiasa qaammammut 8.000 kr.-nik annertuumik qaffariaateqarnera, tamannalu Saviminilerinermik Ilinniarfimmi, Sanaartornermut Ilinniarfimmi Aatsitassaarsiornermillu ilinniarfimmi ilinniartitsisut 40-t missaanniittunut ukiumut 4.000.000 kr.-t missaannik naleqarpoq

- Ilinniartitsisunut qaffasissumik ilinniagalinnut atorfeqaannartitsiniarluni tapi nutaaq ukiumut 700.000 kr.-t missaannik naleqartoq, pingaarnermik GUX-mi ilinniartitsisunut 41-nut kiisalu Aatsitassarsiornermut ilinniarfimmi ilinniartitsisunut pingasunut, katillugit ilinniartitsisunut 44-nut.
- Tamatuma saniatigut isumaqatigiissuteqarnikkut nalinginnaasumik aningaasarsiat qaffariaataat.

Immikkoortut pingasut siuliani taaneqartut aningaasarsianut aningaasartuutitut ukiumut 5.000.000 kr.-t missaannik naleqarput, taamaammallu 2020-p kingorna aningaasarsianut aningaasartuutit annertuumik qaffariarput.

8.5 Konto pingaarneq 40.92.13 Ilisimatusarfik

Ataatsimiititaliap paasinninera malillugu inatsisilerinermik ilinniartitaaneq neqeroorutigineqarpoq, taamatulli ilinniartitaaneq ilinniartitaanernik nalunaarsuiffimmi qupperneq 553-mi allassimanngilaq. Tamatumunnga suna pissutaava?

Akissut: Kukkuneq ajuusaarnartoq matumani pineqarpoq. Qupperneq 552-imi immikkoortut allatorneqarput. Immikkoortumi ataani allassimasumi oqaatsit ataatigut titarnillit oqaasertaareersunut ilanngunneqassapput:

” Inuiaqatigiilerinermik, Aningaasaqarnermik Tusagassiornermillu Ilisimatusarfik ukuninnga immikkoortorta qarpoq:

- *Issittumi inuiaqatiinnik ilisimatusarneq aamma Aningaasaqarnikkut ilisimatusarneq*
- *Inatsisilerineq*
- *Tusagassioortunngorniarneq*
- *Isumaginninnermi pissutsit ”*

Taanna aappasaaneerinninnermut pingajussaaneerinninnermulluunniit allannguutissatut siunnersuutikkut aaqinneqassaaq.

8.6 Konto pingaarneq 40.97.03 Kalaallit Nunaanni ilageeqarneq

Illoqarfinni nunaqarfinnilu oqaluffinnik aserfallatsaaliinissamik pilersaarutit qanoq ippat?

Akissut: 2022-mi Inatsisartut upernaakkut ataatsimiinneranni Inatsisartunut ilaasortap Doris J. Jensen, Siumut siunnersuut tullitut saqqummiuppaa: *”Oqaatsuni oqaluffiliornissaq siunertarlugu sanaartornissamat pilersaarummik suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.”* Naalakkersuisut allannguutissatut siunnersuut una akuersissutigineqartoq saqqummiuppaat: *”Inatsisartut aalajangiiffigisassaattut siunnersuut Naalakkersuisut Ilagiit suleqatigalugit immikkoortumut pilersaarummik suliaqaqqullugit peqquneqarnissaannik, tassanilu nutaanik sanaartornissamat iluarsaanissamullu pisariaqartitsinerit Ilagiit suliaqaqarfianniittut qulaajaavigineqassat.”* Immikkoortumut pilersaarut 2023-p qiteqqunnerani piareertussatut naatsorsuutigineqarpoq.

Ilageeqarneq pillugu Inatsisartut inatsisaanni nr. 9, 19. maj 2010-meersumi, kingullermik Ilageeqarneq pillugu Inatsisartut inatsisaatigut nr. 27, 3. december 2018-meersukkut allanngortinneqartumi, ilagiit sinnissaat oqaluffinnik toqusullu inaannik sananissamut, aaqqissornissaannut, aserfallatsaaliornissaannut pinnersarnissaannullu kiisalu init naalagiartarfittut atorineqartut (atuarfiit naalagiartarfiutigit) aaqqissornissaannut pinnersarnissaannullu siunnersuutit provstimut saqqummiuttassagaat aalajangersarneqarpoq. Taamattaaq siunnersuutit ilagiit sinniisaasa saqqummiussaataakku piimasaqarneratigut Biskoppimut Naalakkersuisunullu saqqummiunneqartassasut aalajangersarneqarpoq.

Provstit, biskoppip Naalakkersuisullu oqaluffiit illutaasa qanoq issusiannik ataatsimut ilisimasaqaqqullugit, sanaartugassat, ilaursartuussassat il.il. Ilageeqarnermi inatsimmi aalajangersakkat malillugit akisussaaffiit agguataarsimanerannik malinninnissaat pingaaruteqarpoq. Palasip atuagarsuarnik allattuisuusup nakkutigisarissavai oqaluffiup illutai toqusut inaat ilanngullugit nakkutigisassagai, nakkutilliinerlu piffimmji ilagiit sinniisai peqatigalugit ingerlanneqassasoq ilageeqarneq pillugu inatsimmi § 20, imm. 1-imi aalajangersarneqarpoq. Taamattaaq palasi atuagarsuarnik allattuisoq ukiumoortumik palaseqarfimmi pineqartumi nakkutilliinermik nalunaarusiamik provstimut nassitsisassasoq, provstillu illuutit illersorneqarsinnaasuunissaat qulakkiissгаа aalajangersarneqarpoq. Nakkutilliinermi nalunaarutit ilagiit illuutaasa qanoq issusiannik kiisalu immikkoortumi kissaatinik, pisariaqartunillu tulleriarinissamut atorineqartarput.

9. Suliassaqarfik 50 - 51 Aalisarnermut Piniarnermullu Naalakkersuisoq

9.1 Konto pingaarneq 51.01.04 Aallarteqqinnissamut tapiissuteqartarneq
Aalisariuteqarnerup iluani piginnaasat, akit pitsaassutsillu ullumikkut atuuttut eqqarsaatigalugit ataasiartumik tunniunneqartartut kr. 2.000,-it aamma 25.000,-it akornanniittut naammattut Naalakkersuisunit isigineqarpat?

Akissut: Naalakkersuisut immikkoortumi inatsisit ullutsinnut naleqqunnerulersillugit nutarterneqarnissaat sulissutigaat. Ataasiartumik akiliutip annertussusaa nutarterinermi ilaatinneqassaaq.

9.2 Konto pingaarneq 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarfik aamma Piniarnermik Nakkutilliisoqarneq

1. Konto pingaarnerup matuma ataani aningaasaliissutit siunniutaat Naalakkersuisunit uuttorneqarsimappat?

Akissut: KANUAANA-p uani Deloitte nalunaarusia, 2022-mi attuumassuteqanngitsumik KANUAANA-mik misissuineq aasakkut saqqummiunneqartoq innersuussutigissavaa. Ilannguolugu aalisarneq pillugu inatsit kiisalu piniarneq piniarnerlu pillugit inatsisip nutarterneqarneranut innersuussut suliarineqarpoq. Taakku saniatigut KANUAANA qaammatit pingasukkaarlugit unioqutsitsineritr paasisat pillugit naatsorsoqqissaakkanik saqqummiussisarpoq.

2. Akissarsianut aningaasartuutit qaffannerat sulisunillu atuinerup allannguuteqannginnera qanoq imminnut ataqatigiippat?

KANUAANA nunap immikkoortuini immikkoortunik nutaanik nunap immikkoortunik pisortalinnik piffinnilu pisortalinnik pilersitsinermigut aaqqissuusseqqippoq, taakkulu aningaasarsianik aningaasartuutininut annertuumik sunniuteqarput. Ilinniartut nutaat qulit august 2022-mit 2025-mut aallartittussatut atorfintisinneqarput. 2023-p aallartinnerani Sisak IV-p pisiaarinerani katillugit umiarsuaaqqami inuttat nutaat atorfintisinneqassapput. Ukioq kaajallallugu sulifillit katillugit 60-iussapput, taakkunanga pisortat arfineq pingasut sulisullu 52-it.

9.3 Konto pingaarneq 51.02.02 Aalisarsinnaatitaassutinik tunisineq
Tunumi pisassiissutit EU-mit aalisarneqartussanngortitat nunatsinnit atorluarneqarneru-sinnaanerannik misissuinermik sulineq sumut killippa?

Akissut: Ukiuni kingullerni amerlasuuni EU-mik isumaqatigiissutit arlallit isumaqatiginninniutigineqarnerannut atatillugu, isumaqatiginninniarnerni tamavinni pisassanik utertitsisoqartarpoq. Ilanngussaq 3 – *EU-mik aalisarnikkut suleqatigiinnermik aaliarnermillu isumaqatigiissut nutaaq pillugu Inatsisartunut nassuiaat*, Inatsisartunut 2021-mi ukiakkut ataatsiminnermi nassiunneqartoq – innersuussutigineqarpoq. Kalaallit Nunaat 2001-ip kingorna pisassanik 50.000 tonsinik utertitsisoq, kingullermillu 2021-2024 Isumaqatigiissummik isumaqatiginninniarnerni 10.686 tonsit angullugit utertinneqarlutik kalaallit

aalisariutaannut pisassiissutigineqarnerat tassani atuarneqarsinnaavoq.

Pisassiissutit amerlanerusut piffissami sivisuumi kalaallit aalisariutaannit iluaqutgineqarnissaat Naalakkersuisut pingaartippaat. Pisassanik utertitsineq EU-llu akiliutaanik aalajangiusimannitsitsineq iluatsinneqarput, ilaatigullumi akit qaffakkiartornerisa nassatarisaanik kingullermik isumaqatiginninniarnermi aningaasat amerlanerulersinneqarput.

Tamatuma saniatigut Naalakkersuisut suleqatigiissitamik pisassat tamakkerlugit utertinneqarnissaanik periarfissamik misissuisussamik, tamannalu Kalaallit Nunaata EU-mut kiisalu Nunatta Karsianut qanoq kinguneqaateqarnissaanik misissuisussamik, taamatullu kinguneqaatissatut ilimagineqartunik annikillisaasoqarsinnaaneranik misissuisussamik pilersitsipput. Sulineq taanna 2023-p ingerlanerani naammassisussatut naatsorsuutigineqarpoq

9.4 Konto pingaarneq 51.07.40 Taarsigassarsiarititat ernialersugaanngitsut akilersuutitaqanngitsullu

1. N 2021 pillugu kisitsisit atuinikinnerussuteqarsimanermik takutitsippat? Taamaassimappat tamatumunnga suna tunngaviua?

Inatsisit malillugit ukiup qaamataani siullerni pingasuni qinnuteqaatit katersorneqartarput, tapiissutinillu agguaassineq ukiup qaammaataasa sisamaanni pisarpoq. Tassani aningaasaliisutit tamakkerlugit atorneqartarput. Tapiissutinik pissarsisoq agguaanerup siulliup kingorna qaammatit tulliuuttut pingasut ingerlaneranni nammineq aningaasaliissutissaminik pissarsisimangippat, tapiissutit tunniunneqarneq ajorput. Oktobarimi tapiissutit isumaqatiginninniutigineqaqqittarput, tassanilu qaammatit pingasut ingerlaneranni nammineq aningaasaliissutissat pissarsiarineqartussaassapput. Tamatigut nammineq aningaasaliissutigissaqannginneq pissutigalugu tapissutinik utertitsisoqartarpoq. Tamannalu atuinikinneruneranut patsisaavoq.

2. Qinnuteqaatit qassit tiguneqarsimanersut, taakkunanngalu qassit tapiissutinik tunineqarsimanersut paasissutissiissutigineqassasoq ataatsimiititaliamit kissaatigineqarpoq.

Akissut: 2021-mi qinnuteqaatit 52-it tiguneqarput, aqqanillillu tapiffigineqarput.

3. Tassunga atatillugu aningaasat qanoq amerlatigisut akuersissutigineqarsimappat?

Akissut: Kr. 2.387.617,31 aningaasalissutigineqarput.

10. Suliassaqarfik 62-64, Nunanut allanut, Inuussutissarsiornermut Niuernermullu Naalakkersuisoq

10.1 Konto pingarneq 64.10.31 Takornarianut sullissiviit nunatsinnilu takornariagassat

1. Natur- og Geocenter Nuummi pilersinneqartussatut naatsorsuutigineqartoq sumi inissisimasussatut Naalakkersuisunit eqqarsaatigineqarpa, tassungalu tunngatillugu qanoq anguniagaqartoqarpa?

Akissut: Nuummi Natur- aamma Geocenter siusinnerusukkut Nuummi umiarsualivimmi RAL-p quersuatoqaani marlunni pilersinneqartussatut pilersaarutaagaluqarpa. Pilersaarulli taanna periarfissaajunnaarpoq. Kommuneqarfik Sermersooq suleqatigalugu sumiiffissat nutaat arlallit nalilersorneqarput, inaarutaasumillu sulii aalajangertoqanngilaq. Ilangullugu Covid-19-imik sipaarniarnernut atatillugu takornarianut sullissiviit sinnerinut aningaasaliissutit nuunneqarput, taamaammallu suliap ingerlaqqinnissaa pillugu, immaqalu qanoq annertutigisumik qanorlu iluseqartumillu aalajangertoqartussaalluni.

2. Oqaasertaliussaq attuumassuteqartoq konto pingarnermi matumani qulequttamat naapertuutinngitsumik qulequtserneqarsimasoq ataatsimiititaliamit maluginiarneqarpoq. Taakku marluk imminnut naapertuuttariaqartut ataatsimiititaliaq isumaqarpoq.

Akissut: Naalakkersusiut oqaatigineqartut tusaatissatut tiguaat, tamannalu AIS23-p aappassaaneerneqarnissaanut pingajussaaneerneqarnissaanullu allannguutissatut siunenrsuutikkut aaqqinneqassaaq.

10.2 Konto pingarneq 64.10.32 Takornariaqarnermik ineriartortitsineq inuussutissarsiutinillu siuarsaaneq

1. Nunaqarfinni isorliunerusunilu takornariaqarnermik ineriartortitsinerup siuarsarneqarnissaanut qanoq pilersaaruteqartoqarpa?

Akissut: Nunaqarfinni isorliunerusunilu takornariaqartitsinermik ineriartortitsinermik sulineq, suliaavoq Visit Greenlandip Naalakkersuisullu akornanni sullissinissamik isumaqatigiissutikkut Naalakkersuisut Visit Greenlandiminut isumagisassanngortitaat.

Visit Greenlandip nunaqarfinnik isorliunerusunillu ingerlatseqatigiiffiup nittarsaassinikkut suliniutai atorlugit suliassaq annertuumik aalluppaa. Tamatumani ukiup qanoq ilinerani nikerarnerit naammassisinnaasakku eqqumamariffigineqarlutillu tikeraat nunatsinnut tamanut siaruaanneqarnissaannik pisariaqartitsineq aallunneqarpoq.

Visit Greenlandip ukiuni kingullerni suliniutitut sukumiisutut ingerlataatut taaneqarsinnaapput:

- November 2021-mi Tasiilami takornariartitsineq pillugu periusissiorluni isumasioqatigiinnermi peqataallunilu suleqataavoq.

- Vestnorden 2022-p Kalaalit Nunaanni ingerlanneqarnerani nunaqarfinnut isorliunerusunullu angalanernik ikorfartuineq.
- Ilaatigut Saqqamut, Kullorsuarmut, Tasiilamut, Oqaatsunut, Upernavimmut, Qaanaamut Nanortalimmullu tusagassiortunik nunani allaneersunik angallassineq.
- Allaaserisanik, videonik assilisanillu nittarsaassinernut, SoMe aamma PR-mik atortussianik, ilaatigut qimmussernermik kulturi, qangaanit piniariaaserlu aallullugit tunisassiorneq kiisalu piffissamik takorniarfiusarmik sivitsuiniarnermik aallussineq.

Sukumiisumik suliniutissatut tulliuuttut taaneqarsinnaapput:

- Visit Greenland kalaallit siunnersuisarfiannik INUVA-mik suliniut SIUARTA-mut suleqatigiissuteqalerpoq. SIUARTA ineriartortitsinermik suliniutaavoq isorliunerusuni inususutissarsiornikkut siuarsaanermik aallussisoq, piffimilu piviusunik, piffimmi pisariaqartitanik piffimmilu aallartitserusunerup, taamaallaat eqaatsumik iliuuseqarnikkut piffimmi tunngavissaatitaasut aallaavigalugit ineriartortinneqarsinnaasusunik aallussivoq. Taamattaq suliniummi piffimmi inuussutissarsiornermik siunnersortini takorniarfittisinermillu ingerlatsisuni ilisimasat piginnaasallu ineriartortinneqassapput, taamaalillunilu piffissap ingerlanerani allanngorneq ineriartornerlu ataavartunngortinneqarlutik.

2. Oqaasertaliussaq attuumassuteqartoq konto pingaarnermi matumani qulequttamut naapertuutinngitsumik qulequtserneqarsimasoq ataatsimiititaliamit maluginiarneqarpoq. Taakku marluk imminnut naapertuuttariaqartut ataatsimiititaliaq isumaqarpoq.

Akissut: Naalakkersusiut oqaatigineqartut tusaatissatut tiguuat, tamannalu AIS23-p aappassaaneerneqarnissaanut pingajussaaneerneqarnisaanullu allannguutissatut siunenrsuutikkut aaqinneqassaaq.

10.3 Konto pingaarneq 64.20.07 Inuit Circumpolar Council

Konto pingaarnep matuma ataani aningaasaliissutit siunniutaat Naalakkersuisunit uuttorneqarsimappat?

Akissut: Nunanut allanut, Inuussutissarsiornermut Niuernermullu Naalakkersusioqarfik ICC-p nalunaarusiortarnerata ilaatut ICC Kalaallit Nunaata ukiormoortumik nalunaarusiaa, kattuffiup nalunaarutaa kiisalu sulianut nalunaarusiaa tigusarpaa. Taakku aningaasat atorineqarnerannut takutitsisuusarput, tassani ilaatigut nalunaarutip atuutilersinneqarneranik suliat, Issittumi Siunnersuisooqatigiinni suleqataalluni peqataaneq kiisalu FN-p kattuffiini naapertuuttuni, aammalu sukumiinerusumik pisortatut oqartussani, ingerltsivinni sulifeqarfinnilu ICC-p politikikkut, inuuniarnikkut kulturikkullu sunniuteqarnissaa ilanngullugu. ICC-p nunarsuarmioqatigiit oqalliffiini peqataanera Issittup eqqissisimasuuneranik piujuartitsisumillu ineriartorneranik tamatta anguniakkatsinnut pingaaruteqartutut nalilerneqarpoq.

ICC-p 2021-mut ukiumoortumik nalunaarusiaa amigatooruteqarfiuvoq. Tamanna Naalakkersuisunit tapiissutit appartinneqarnerata malitsigisaanik pisoq, kattuffiullu tapiissutit ingiaqatigalugit ingerlatsinermik aningaasartuutunik appaasinnaasimannginnera, ICC-p ukiumoortumik nalunaarusiamini oqaatigaa. Tapiissutit appartinneqarnerat kattuffimmut sulisunik soraarsitsinikkut, sulianik allannguinnikkut, allaffimmi atortutigut il.il. annertuunik kinguneqaateqassasoq ICC-p ilanngullugu oqaatigaa. ICC Kalaallit Nunaat ICC-p 2022-mi Ataatsimeersuarnerani 2026-mi ataatsimeersuarnissap tungaanut ICC-p siulittaasoqartitsisussanngortinneqarpoq.

2021-mut ukiumoortumik nalunaarut, 2022-mut ICC-p nalunaarutaa kiisalu 2018-2022-mut Sulianik nalunaarusiaq ICC-p siunertaminik aningaasanut iantsimmi kontomi pingaarnermi allassimasunik nammassinninnera pilugu naammattumik paasissutissiisutut isigneqarmata, aningaasaliissutit sunniutaannik erseqqinnerusunik nalilersuisoqanngilaq.

11. Suliassa qarfik 66 – 67 Aatsitassanut Suliffeqarnermullu Naalakkersuisoq

11.1 Konto pingaarneq 66.01.01 Aatsitassanullu Ikummatissanullu Aqutsisoqarfik, allaffissorneq

1. AI 2021-p ataani aningaasartuutit allat aningaasartaat -3.350-it (1.000 kr.) sumik takutitsippat?

Akissut: Ivertissuinermi kukkkuneq, 2023-mut inaarutaasumik Aningaasanut Inatsisikkut aaqqinneqartussaq matumani pineqarpoq. Kisitsisit eqqortut imaapput:

	N 2021	AI 2022	AIS 2023
	----	1.000 kr. ----	
Ilanngaaseereerluni aningaasartuutit	5.025	6.643	6.738
Aningaasarsianut aningaasartuutit	4.512	6.600	4.704
Aningaasartuutit allat	1.163	743	2.734
Isertitat	-650	-700	-700

2. Quppernermi 634-mi nunanut allanut tuniniaanissamut akuersissutissatut naatsorsuutigisat itisilerneqarnissaat ataatsimiititaliamit kissaatigineqarpoq.

Akissut: Piffinni suliqaarnerit nalinginnaasumik ujaqqanik misileraatissanik tigooqqaanermik imaqartarput. Ingerlatseqatigiiffiup misissugassatut tigusat laboratoriami immikkut suliffimmi assigisaanillunniit nunani allani misissussallugit kissaatigippagu, ingerlatseqatigiiffik avammut annissinissamik

Aatsitassanut Aqutsisoqarfimmut akuerineqarnissamut qinnuteqassaaq. Taamaalilluni avammut annissinissamik akuersissutit amerlassusaat piffinni suliaqarnerit amerlassusaannut qanimut attuumassuteqartarput. Piffinni sulinerit amerlanerutillugillu annertunerutillugit, avammut annissinissamut akuersissutit amerlanerusarput. Ukiuni coronaqarfinni 2020-mi 2021-milu piffinni suliniutit ikittuinnaapput, nunatsinnimi angalanerit ajornakusoornarmata. 2022-mi piffinni isuliaqarnerit amerleqqipput, tamannalu ilaatigut avammut annissinermut akuersissutit amerlinersigut ersersitsissaaq.

11.2 Konto pingaarneq 66.01.05 Pisortatigoortumik suliarinninnerit isertitatigut matussusikkat

1. Konto pingaarnermi matumani suliassami kisitsisissatut naatsorsuutigisanut takussutissiaq ataatsimiititaliamit ujartorneqarpoq.

Akissut: 2021-mut naatsorsuutit kisitsaat suli inaarlugit kukkunersiorneqarnatillu akuerineqangnillat. Aatsitassanut naatsorsuutit (Naalagaaffimmut nalunaarut) akuerineqarpat inaarutaasumik naatsorsukkat oqaatigineqarsinnaalissapput. 2020-mut naatsorsuutit suli naammassillugit suliarineqangillat. Kisitsisit tulluuttut Aatsitassanut naatsorsuutini kisitsisinik toqqammaveqarput.

	N 2021	AI 2022	AI 2023	AI 2024	AI 2025
Isertitat	-3.058.303	-2.000.000	-2.000.000	-2.000.000	-2.000.000
Aningaasartuutit	2.131.073	2.000.000	2.000.000	2.000.000	2.000.000
Oqimaaqatigiissitsinerup allannguutaa	-927.230	0	0	0	0

2. Isertitat aningaasartuutillu konto pingaarnermi matumani missingersuutit immikkoortiternerini ilanngaaseereerluni aningaasartuutitut tunuliaqutaasut aningaasartaat ataatsimiititaliamit ujartorneqarput.

Akissut: 2020-mi orsussanut imerpalasunut immikkoortup Aatsitassanut Naalackersuisoqarfimmut utertillugu oqartussaaffiit allanngortinnerannut atatillugu, aningaasat illikartitat 9.155.002 kr.-nik naleqartut konto pingaarnermut uunga nuunneqarput. Orsussanut imerpalasunut immikkoortoq 2018-mi taamanikkutu Inussutissarsiornermut Naalackersuisoqarfiusumit nuunneqarmat 12 mio. kr.-t nuunneqarput. Nikingassut Inuussutissarsiornermut Naalackersuisoqarfimmi atorneqarpoq. Illikartitat Cairn, Mærsk, Hudson, Encana, DONG, aamma TGS Nopec il.il. orsussanut imerpalasunut akuersissutaannit matuneqarsimasuninnganneerput.

Siusinnerusukkut Aatsitassanut Aningaasaateqarfiup pilersinneqarnera sioqqullugu, aningaasat illikartitat missingersuutitut tapiliussami siunertanut allassimasunut atorneqarsinnaasarput. Aningaasat illikartitat atorneqangnitsut sipaarneqartarput, kingorna atorneqarlutik Landskarsimulluunniit nuunneqarlutik. 9 mio. kr.-t ilanngaaseereerluni isertitatut allanneqartut

tassangaanneerput, 2022-mili ingerlatsinermut ivertinneqarlutik. Aatsitassanut Aningaasaateqarfiup pilersinneqarnerata kingorna Naalakkersuisoqarfiup atorsinnaasaanik aningaasanik illikartitsisoqartarunnaassaaq. Ulloq 1. januar 2019-ip kingorna aningaast illikartinneqartut tamarmik aatsitassanut aningaasaateqarfimmut nakkartinneqassapput.

3. Konto pingaarnerup matuma suliassaqrifiullu ataani konto pingaarnerit sinnerisa akornanni ataqatigiinnerup itisilerlugu nassuiaatigineqarnissaa ataatsimiititaliamit kissaatigineqarpoq.

Akissut: konto pingaarneq 66.01.05 Oqartussatut suliarinnittarnerit isertitatigut matussusikkat immikkut ittumik oqartussat suliarinninneranni atuisut akiliutaannik tigusinermut tunngassuteqarpoq. Akiliutinik siunertamullu aalajangikkanik akitsuutinik aatsitassanut allaffissornikkut aningaasartuutit matussutaannut ilaasunik akiliisitsissarnermut inatsisitigut toqqammavik.

Aatsitassanut oqartussani naalagaaffimmut isertitanik aningaasartuutinillu nalunaaruteqarnissamut atatillugu konto pingaarneq pingaaruteqarpoq, tak. Namminersorneq pillugu inatsimmi § 7, imm. 2, nr. 1. Taamattaaq konto una nalunaaruteqartarnerlu akuersissutinik piginnittut oqartussallu akornanni aningaasanik nuussinerni pissutsinik ersarissuutitsinermullu atatillugu pingaaruteqarpoq. Taamaalilluni aningaasat qanoq annertutigisut tiguneqarnerat taakkulu qanoq atorneqarnerat pillugu ersarilluinnartitsisoqarpoq. Oqartussat aningaasaat atugassaat immikkoortumi ingerlatsinermut aningaasaliissutinut allanut ivertinneqartarput (66.01.01. Aatsitassanut Aqutsisoqarfik, 67.01.01 Aatsitassanut Inatsisillu atuutsinneqarnerannut Naalakkersuisoqarfik, 67.01.02 Geologiimut immikkoortotaqarfik kiisalu 77.01.02 Aatsitassanut suliassaqrifimut avatangiisinut aqutsisoqarfik), tassani oqartussat isumaginninnerat nalunaarsorneqartarpoq.

11.3 Konto pingaarneq 67.01.02 Geologiimut Immikkoortoqarfik

AIS 2023-mi aningaasaliissutit amerleriarujussuarnerannut, tamatumalu kingorna ikileriarujussuarnerannut suna tunuliaqutaava, tassami suliassami kisitsisissatut naatsorsuutigisat taasarialimmik allannguuteqanngimmata?

Akissut: AIS 2023-mi aningaasaliissutit annertuumik qaffariarnerat 2023-mi 4,9 mio. kr.-nik ilassutitut aningaasaliisoqarneranik patsiseqarpoq.

Ulloq 17. juni 2017 Karrat Kangerluani qaqqap sisoornera tassaarsuarmik pilersitsisivoq, taannalu nunaqarfimmi Nuugaatsiami annertuumik aseruillunilu inuit sisamat inuunerannik akeqarpoq. Suli Karrani qaqqani sivingasuni aalaakkaasuunngitsunik qaqqaqarpoq, GEUS-ilu naapertorlugu qaqqat sisoornissaannut, nassataanillu tassaarsuaqarnissaanut aarlerinaat suli annertuvoq.

Aarlerinaatinut anliliinerit pisariaqartut ingerlassinnaajumallugit, innuttaasunullu kallaurneqartunut aarlerinaatinik annikillisaasunik iliuuseqarnermik aallaartitsisinnaajumalluni, qaqqami aarlerinaateqarfiusumi "Karrat 3"-mi alapernaarsuutinik atortorissaarutit ikkussuunneqarnissaat kissaatigineqarpoq.

2022-mi aningaasanut inatsimmi aningaasanut inatsimmik isumaqatigiissuteqarnerup ilaatut 2022-mi 4,4 mio. kr.-t 2023-milu 4,9 mio. kr.-t siunertamat tassunga konto pingaarneq 20.10.35 Immikkut suliniut – Karrat Kangerluat aningaasanik immikkoortitsisoqarpoq. Aningaasat 2023-mi konto pingaarnermi uani 67.01.02 atugassanngortinneqarput.

Aningaasat aningaasaliissutinut matussutissatut, Karrat 3-milu alapernaarsuineri atortorissaarutini aallartitsineri atillugu suliaassanik annertuunik nutaanik suliaqarneri atillugu, sulisunik isumalluutini aningaasaliissutinullu matussutitut atorineqassapput, tassanilu pisiortornerit, ivertissuinerit atortunillu iluarsaassinerit, ataqatigiissaarinerik, paasissutissanik paasinninnerit, periutsinik ineriartortitsineri aarlerinaatinillu misissueqqissaarnerit ilanngullugit. Taamattaq aningaasat ilaat sulisuni piginnaasanik katersineri atorineqassapput, taamaalilluni suliaassat inuiaqatigiinnut pingaarutillit Kalaallit Nunaanni atavartunngortinneqarsinnaaqullugit.

11.4 Konto pingaarneq 67.01.03 Geologiimut ussassaarinermilu suliniutit
Aatsitassanut suliaassarfiimmi Naalakkersuisut qanoq pingaarnersiuippat aammalu konto pingaarnermi matumani aningaasaliissutit ineriartornerat aatsitassanik suliaassarfiup imminut napatittumik inuussutissarsiutinngornissaanik Naalakkersuisut kissaateqarnerannik ersersitsinerua?

Akissut: Aatsitassarsiornermi inuussutissarsiornermi piujuartitsisumik ineriartortitsineq Naalakkersuisuni annertuumik pingaartinneqarpoq, taamaaliornikkut avatangiisit qajannartut eqqummaariffigineqarlutik aatsitassarsiornermi suliniutit inuiaqatigiinnut annertunerpaamik iluanaarutissiillutik ingerlneqassapput. Naalakkersuisut ujarassiornernik suliniutini aatsitassanut pingaarutilinnut mingutsitsinngitsunullu ikaarsaarnernut attuumassuteqartut annertuumik aalluppat, assersuutigalugu aatsitassat qaqutigootut CO2-millu katersineq toqqorsinerlu. Tassani aatsitassarsiorninnut ujarassiornikkut paasissutissat nutaat aatsitassarsiorninnut, annikitsukkaanik akuersissutaatilinnut, ilisimatusartunut soqutiginnittunullu allanut atugassanngortinneqarnissat Naalakkersuisut annertuumik uukataarat. Taamattaq aatsitassarsiornermi immikkoortumi sulianik suliarinnittarnerup pisariinnerulersinneqarnissaa Naalakkersuisut pingaartippaat, assersuutigalugu qinnuteqaatinik suliarinninnerp pitsanngorsarneratigut, sulianik ingerlatsinerit sivikinnerulersinneqarnerisigut malitassiallu pisariillisarnerisigut.

Geologimik nittarsaassinernillu suliniutini ingerlataqarnissamut ingerlatsineri aningaasaliissutit aningaasaqarnikkut inissisimanermik pingaarnersiuiernillu takutisippat, taamaammallu aningaasaliissutit ukiut tallimat matuma siornamut sanilliullugit annikinnerarsuupput. Taamaattoq US Department of State 2019-ip kingorna Aatsitassanut Inatsisillu atuutsinneqarnerannut Naalakkersuisoqarfimmik ujarassiornikkut suleqatigiissutearpoq, tamatumalu ilimagisamik amerlanernik ujarassiornikkut suliniuteqarsinnaaneq pisinnaalersippaa.

11.5 Konto pingarneq 67.01.08 Qaqqami sisoortoqaratarsinnaaneranut misissuineranut Kalaallit Nunaata akiliutaa

1. Konto pingarneq una naapertorlugu suliat killiffiannut killiffiup paasissutissiissutigineqarnissaa ataatsimiititaliamit kissaatigineqarpoq.

Akissut: Kalaallit Nunaata qaqqat sisoorsinnaanerannik misissuineramik GEUS-p ingerlataanut ilapittuutai konto pingarneq 67.01.08 aqqutigalugu ingerlanneqarput, taakku 2022-mi ukiakkut inaarutaasumik nalunaarusiornikkut, uuttortakkanillu assigiinngitsunik GIS-imillu paasissutissanik Namminersorlutik Oqartussanut nuussinikkut naammassineqartussatut ilimagineqarput.

2. Kiisalu oqaasertaliussat Naalakkersuisut naapertorlugit konto pingarnermut atasut ataatsimiititaliamit ujarorneqarput.

Akissut: Aningaasaliissutini ukunani oqaasertaliinissaq pisariaqartinneqarunnaarpoq. Konto pingarnermi 67.01.08-mi missingersuutitut ilapittuummi oqaasertaliunneqartoq kukkunikkut ivertinneqarpoq, innersuussullu peerneqassaaq. Tamanna aningaasanik inatsimmik ataatsimoortunngortitsinermi pissaaq.

11.6 Konto pingarneq 67.01.10 Kalaallit Nunaata imartaani pitsaanagerusumik upalungaarsimalernissamut suliaasaqarfiit akornanni suleqatigiinneq

1. Uuliaarluertoqarnerani nuna tamakkerlugu upalungaarsimasussatut ngerlatseqatigiiffimmik taamaattumik ilusiliinissamik maanna isumaliutigineqartoq qupperneq 649-mi taaneqartoq erseqqinnerusumik itisilerneqassasoq ataatsimiititaliamit kissaatigineqarpoq.

Akissut: Greenland Oil Spill Response A/S aallaavittut taamaallaat aatsitassanut inatsit malillugu orsussanik imerpalasunik ujarlernernut qalluinernullu atatillugu uuliaarluertoqarnerani akiuiniarnissamik taamaallaat siunertaqarpoq. Orsussanik imerpalasunik akkuersissutinik atuuttuerullunilu nutaanik tunniussisoqartussaannngimmat, ingerlatseqatigiiffimmik taamaattumik siuertalimmik ingerltsinissamut toqqammavissaaruppoq.

Kalaallilli Nunaani imaani upalungaarsimanermik nukittuumik attassinissaq kissaatigineqarpoq, taamaammallu ingerlatseqatigiiffiup suliaasa nangingneqarnissaat naapertuuttuutinneqarpoq, tassani Illersornissaqarfimmik suleqateqarneq ilanngullugu. Taamaammat Greenland Oil Spill Response A/S-p suliaasa allamut inissillugit nangingneqarnissaat naapertuutsinneqarpoq.

Maannakkuugallartoq SIKUKI-mik allaffissornikkut isumaqatigiissuteqartoqarpoq, SIKUKI-llu pisortaanera John Rasmussen Greenland Oil Spill Response A/S-mi pisortanngorpoq. Inatsisissatut siunnersuummi isumaliutit taaneqartut Greenland Oil Spill Response A/S-p

pigisaasa nalillit ingerlataasalu tamarmik SIKUKI-mut nuunneqarnissaannut tunngassuteqarput. Tassung atatillugu UKA2022-mi imm. 121 takuuk, Uunga siunnersuut: Greenland Oil Spill Response A/S pillugu Inatsisartut inatsisaata atorunnaarsinneqarnissaa pillugu Inatsisartut inatsisaat (inatsisissatut siunnersuummut nassuiaatit).

2. Ingerlatseqatigiiffimmik taama ilusililineq missingersuutitut ilanngussami qanoq allangortitsinermik nassataqassasoq Naalakkersuisunit naatsorsuutigineqarpa?

Akissut: Siuliani taaneqartut Greenland Oil Spill Response A/Sp suliaasa nuunneqarnerat missingersuutini tapiliussami allannguinnissamik pisariaqartitsisinnaanerani ingerlatseqatigiiffiup nalinganik naatsorsuineq nuussinerullu qanoq ingerlannissaa apeqqutaassapput. Tamanna suli inaarutaasumik aalajangerneqanngilaq.

Suliap ingerlaqqinnerani ingerltseqatigiiffiup pigisai nalillit naatsorsorneqareerpata isumaqatigiissutaasinnaasullu inissinneqareerpata, aningaasaqarnermut ataatsimiititaliap suliarinninneranut allannguutissatut siunnersuummik saqqummiussisoqassaaq.

11.7 Konto pingarneq 67.01.12 Inatsiseqartitsinermut Immikkoortortaqaarfik
Aningaasaliissutit malunnaatilimmik nikinnerat sulisunik atuinissamut naatsorsuutigisani ersersinneqannginnerannut suna pissutaava?

Akissut: Innuttaasut suliniaqatigiiffiillu attuumassuteqartut eqqartuussisarnermi tunngaviummik periutsinik suliaqarnermi akuliutsinneqarnissaat Naalakkersuisut kissaatigaat, tassani peqaatissiisarnerit annertussusaat sivissussusaallu ilanngullugit. Misissueqqissaartarfinnik allanilluunniit akuliutitsilluni, avataani siunnersortinik atuinissaq inatsiseqarnermulluunniit immikkoortumi sulisunik amerlanernik atorfinitsitsisoqarsinnaanera suli aalajangiivigineqanngimmat, aningaasaliissutit qaffariaataat sulisunik atuinissamik ilimagisanut ersersitsinngilaq. Maannakkut inatsiseqarnermut immikkoortumi atorfimmik inuttaqanngitsoqarnera ilanngullugu oqaatigineqassaaq, sulisussarsiornermimi sulisussamik atorfinitsitsisoqarsinnaasimangimmat.

12. Suliassaqarfik 70 – 72 Ineqarnermut Attaveqaatinullu Naalackersuisoq

12.1 Konto pingarneq 70.01.07 Sanaartornermi oqartussaassuseq

Allannguutit qanoq annertutiginerat apeqqutaatinnagu aningaasaliissutinut allannguutit nassuiaatigineqartarnissaat ataatsimiititaliamit pingaartinneqarpoq. Aningaasaliissutit nikerarnerannut suna pissutaava?

Akissut: Ataatsimiititaliap apeqqutaata qulequtaa kukkuneqarpoq, kontommi taaguutaa kontollu normua ataqatigiinngillat. Taamaalilluni ataatsimiititaliaq konto pingarnermut 70.01.07-imut 70.01.14-imulluunniit innersuussinersoq erseqqinngilaq. Konto pingarnerli 70.01.07 Sanaartornermi oqartussat pineqarsorinarput. 2023-mi konto pingarnermut aningaasaliissutit, 2022-mut ukiumut missingersuusiorfiusuni tunngavisaatinneqartunit ataatsimut isigalugu milliuunip affaanik appasinnerupput. Tamanna AIS23-mi siornamut sanilliullugu ukioq kaajallallugu atorfirmik ataatsimik ikinnernik atuinissamik ilimasunnermik pingaarnertut patsiseqarpoq. Sulisunik atuineq taamaalilluni ukioq kaajallallugu sulisunik 16-init 15-inut apparpoq.

12.2 Konto pingarneq 70.01.14 Iluarsagassanut Aqutsisoqarfik

Allannguutit qanoq annertutiginerat apeqqutaatinnagu aningaasaliissutinut allannguutit nassuiaatigineqartarnissaat ataatsimiititaliamit pingaartinneqarpoq. Aningaasaliissutit amerleriarnerannut suna pissutaava?

Akissut: Ataatsimiititaliap apeqqutaata qulequtaa kukkuneqarpoq, kontommi taaguutaa kontollu normua ataqatigiinngillat. Konto pingarneq 70.01.14 Iluarsartuussinermik Aqutsisoqarfimmu apeqqutit atuumassuteqartut Naalackersuisut pineqarsoraat. 2023-mi konto pingarnermut anignasaliissutit 2022-mi aningaasanut inatsimmi 2023-mut ukiumut missingersuummi tunngavissartinneqartumit 2023-mi aningaasalissutit milliuunip affaanik qaffasinnerupput. Tamanan pingaarnertut AIS23-mi siornamut sanilliullugu ukioq kaajallallugu suliffimmik ataatsimik atuinerrussamik ilimagisaqarnermik patsiseqarpoq.

12.3 Konto pingarneq 70.01.15 Inissianut suliassaqarfimmi suleriaatsimik misissuineq

1. Oqaasertaliussat Naalackersuisut naapertorlugit konto pingarnermut atasut ataatsimiititaliamit ujartorneqarput.

Kukkuneqartoq aningaasanut inatsisissap aappassaaneernerani aaqqinneqassaaq.

2. Kommuneqarfik Sermersuumi inissianik isumaginninneq pillugu suliaq sumut killippa?

Akissut: Ineqarnermut Attaveqaateqarnermullu Naalackersuisoqarfiup Kommuneqarfik Sermersuumi ineqarnermut immikkoortumi nakkutilliinermi Nakkutilliisoqarfiup kaammattuutaanut malitseqartitsivoq. Paasissutissanik kissaateqartoqarlunilu piumasarineqartunut nukingisaarisooqarpoq. Nakkutilliinermut tunngatillugu paasissutissanik amigartunik tunniussisoqarpoq.

Misissuinerup ingerlanneqarnissaanut atuumassuteqanngitsumut isumaqatigiissuteqartoqarpoq. November 2022-p naanerani naliliinerup piareersimanissaa ilimagineqarpoq. Suliap ingerlarna pillugu sukumiisumik ilisimatitsissut piffissami aggersumi ataatsimiititaliamut nassiunneqassaaq.

12.4 Konto pingaarneq 72.02.03 Inissialiortiternermut aqutsinermut pilersaarusionermullu aningaasartuutit

1. Inissianut tamakkiisumik pilersaarut konto pingaarnermi matumani taaneqartoq pillugu sulinerup killiffia paasissutissiissutigineqassasoq ataatsimiititaliamit kissaatigineqarpoq.

Akissut: Ineqarnermut ataatsimoortumik pilersaarummi misissueqqissaarneq inerniliussallu ”Ineqarnermut aqqissusseqqinnissamik aallaavik”-mi allakkiami katersorneqarput, taannalu ulloq 19. august 2022 ataatsimiititaliamut nassiunneqarpoq. Taanna tunuliaqutaralugu Naalakkersuisut ineqarnermut politikimik aalajangersaassapput.

12.5 Konto pingaarneq 72.06.51 Inissianik tunisineq – ilanngaaseereerluni tunniussineq

Oqaasertaliussat Naalakkersuisut naapertorlugit konto pingaarnermut atasut ataatsimiititaliamit ujartorneqarput.

Akissut: Konto pingaarnermi missingersuutitut tapiliussami oqaasertami kukkuneq, aningasanut inatsisip aappaasaaneerreqarneranut atatillugu aaqqinneqartussaq, matumani pineqarpoq.

12.6 Konto pingaarneq 70.10.03 Sillimmasiinerit

Aningaasaliissutit N 2021-mit AIS 2023-mut nikerarnerujussuannut suna pissutaava?

Akissut: Naalakkersuisut suliame kisitsisit nikerartut, aningaasaliissutaanngitsullu innersuuneqarsoraat. Takussutissiami kukkuneq uani pineqarpoq, taamaalluni aningasartuutit iseritallu sulianut kukkusunut ikkunneqarput, taakkulu aningaasanut inatsisissatut siunnersuutip aappaasaaneerreqarnerani aaqqinneqassapput.

12.7 Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

1. Assersuutigalugu ineqarnermut akiliutit il.il. pillugit oqallinnermut atatillugu aningaasaliissutinit iluanaarutit pillugit ajornartorsiummut tunngatillugu sulinerup killiffia paasissutissiissutigineqassasoq ataatsimiititaliamit kissaatigineqarpoq.

Akissut: ”Aningaasaliissutinit iluanaarutini ajornartorsiut” suna ataatsimiititaliap innersuussutiginera erseqqinngilaq, taamaammallu tassunga akissuteqarnissamut taassuma itisilivigineqarnissaa utaqqinneqartariaqassaaq. Ilanngullugu

”Ineqarnermi aaqqissuusseqqinnissamut allaavik pillugu allakkiaq” ulloq 19. august 2022 ataatsimiititaliamut ilisimatitsissutitut nassiunneqartoq innersuussutigineqarpoq. Tassunga tapiliullugu Inaatsisartut UKA 2021-mi immikkoortoq 50-imik suliarinninnerannut atatillugu Ineqarnermut Attaveqarnermullu Naalakkersuisoqarfik 2022-mi Inatsisartut ukiakkut ataatsimiinneranni agguanneqartussamik nassuiaammik suliaqarnera oqaatigineqassaaq Immikkoortoq ima qulequtaqarpoq:

*”Illup sananeqarneranut akiusup minnerpaaffissaata inatsisitigut aalajangersarneqartup appartinneratigut pisortat inissiaataanni attartortittakkani ineqarnermut akiliutip appartinneqarnissaanut periarfissat misissoqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinikkut ineqarnermut akiliutip, illup sananeqarneranut akiusup, piginnittut aningaasaliissutinit iluanaarutissaasa aammalu ineqarnermut tapiissutit allanngornerisa imminnut ataqatigiinnerat paasinarsisinneqassapput kiisalu aserfallatsaaliinissamut pilersaarutit attatiinnarneqarnissaat isiginiarneqassalluni. Kiisalu illup illuutit aserfallassimasut sananeqarneranni naliusup ingerlaavartumik nalikillilerneqartarnerani pitsaaqutit ajoqutillu misissuinikkut qulaajarneqassapput. Misissuinerup inerneru Inatsisartunut kingusinnerpaamik juli 2022-imi agguanneqassapput.
(Inatsisartunut ilaasortaq Erik Jensen, Siumut)”*

2. Quppernermi 669-imi suliassami kisitsisissatut naatsorsuutigisani takussutissiat ataanni aningaasaliissutinit iluanaarutit nikerarnerat erseqqinnerusumik nassuiaatigineqassasoq ataatsimiititaliamit kissaatigineqarpoq..

Akissut: Sulianut takussutissiivimmi “AI2022” kukkuneq kisitsisinik tamanik pingasoriaatinngortitsisoq matuman pineqarpoq. Kukkuneq aningaasanut inatsisissatut siunnersuutip aappassaaneerineqarneranut atatillugu aaqqinneqassaaq.

12.8 Konto pingaarneq 72.10.19 Namminersorlutik Oqartussanut inissianut immikkoortortaqaarfiinut immikkut ittumik tapiissutit

Inissianut immikkoortortaqaarfiit aningaasaqarnerminnik oqimaaqatigiissitsiniarnermik ajornartorsiuteqarnerat qaqugu qaangerneqartussatut Naalakkersuisuit naatsorsuutigineqarpa?

Akissut: Aaqqiissutissaq pingaernerutinneqarpoq, ”Ineqarnermut aaqqissuusseqqinnissami aallaavik”-mi allakkiami, ulloq 19. august 2022 ataatsimiititaliamut nasisunneqartoq tunuliaqutaralugu tamanna sulissutigineqarpoq.

12.9 Konto pingaarneq 72.20.07 Ineriartortitsineq nakkutiginninnerlu, angalanermut suliassaqaarfik

Aningaasaliissutit N 2021-mit AIS 2023-mut nikerarnerujussuannut suna pissutaava?

Akissut: Matumani missingersuutit immikkoortiterneranni quleriiaani "AI2022" kisitsisit tamarmik marloriaatinngortinneqarnerannik kukkuneq pineqarpoq. Aningaasanut inatsisissatut siunnersuutip aappassaaneernejarnerani kukkuneq aaqqinneqassaaq.

12.10 Konto pingaarneq 72.20.08 Nalunaarasuartaateqarneq
Aningaasaliissutit 0-inngortinneqarnerannut suna pissutaava?

Akissut: Matumani 0-imik aningaasaliineq, tassa aningaasaliissutitaqanngitsumik aningaasaliineq pineqarpoq. Konto pingaarnerup aningaasanut inatsisissamut siunnersuummut oqaasertanik ikkussinissaq siunertaraa, taamaammallu aningaasanut inatsisissatut siunnersuummi aningaasaliissutinut sunniuteqarnani.

12.11 Konto pingaarneq 72.20.11 Nalunaarasuartaateqarnermut Aqutsisoqarfik
Aningaasaliissutit N 2021-mit AIS 2023-mut nikerarnerujussuannut suna pissutaava?

Akissut: Matumani missingersuutit immikkoortiterneranni quleriiaani "AI2022" kisitsisit tamarmik marloriaatinngortinneqarnerannik kukkuneq pineqarpoq. Aningaasanut inatsisissatut siunnersuutip aappassaaneernejarnerani kukkuneq aaqqinneqassaaq.

12.12 Konto pingaarneq 72.20.12 Sikunik alapernaarsuineq
Aningaasaliissutit N 2021-mit AIS 2023-mut nikerarnerujussuannut suna pissutaava?

Akissut: Aningaasanut inatsisissatut siunnersuummi aningaasaliissutit 3 mio. kr.-inik qaffanneqartut, konto pingaarnerlu 72.20.10 Usinik assartuineq annertoqqataanik appaavigineqartoq, taamaalilluni allannguut missingersuutinut sunniuteqanngitsoq, konto pingaarnermut missingersuutinut tapiliussani allassimavoq. Allannguut akiligassiinerup pisariinnerulernissaa sikunillu nakkutilliinerup ersarinnerusunngortinneqarnissaa siunertaralugit pivoq.

12.13 Konto pingaarneq 72.26.02 Mittarfeqarfiit
Suliassami kisitsisissatut naatsorsuutigisani kisitsisit qaffariangaatsiarnissaat naatsorsuutigi-neqarpoq, qupp. 684, pissutsilli taakku ilanngaaseereerluni aningaasartuutinut sunniuteqarnissaat naatsorsuutigineqarani. Tamatumunnga suna pissutaava?

Akissut: Suliap ingerlanerani teknikikkut kukkusoqarsimasorinarpoq. Aningaasanut inatsisissatut siunnersuutip aappassaaneernejarnerani kukkuneq aaqqinneqassaaq.

2023-mi suliassami kisitsisit 2022-mut suliassani kisitsisit assigaat.

Mittarfeqarfiit aningaasartuutaasa ilaat annertuut suliat ingerlanneqartut annertussusaannut attuumassuteqanngillat, taamaammallu aningaasartuutit suliat qaffakkiartorneri ilutigalugit qaffakkiartorneq ajorput. Assersuutigalugu ilaasut

amerlassusaat apeqqutaatinnagit mittarfimmi biilit qatserissutit suluusalinnik qulimiguulinnillu aallartoqarnerani mittoqarneranilu piareersimasussaasarput.

12.14 Konto pingaarneq 72.26.03 Mittarfeqarfiit, nukimmik imermillu pilersuineq

Konto pingaarneq una naapertorlugu nukimmik imermillu pilersuinerup ingerlatiinnarnissaanik suliassap suliffeqarfinnut suliassamik nalinginnaasumik isumaginnittussanut nuunneqarnissaa qaqugu naatsorsuutigineqarpa?

Akissut: Nukissiorfiit Mittarfeqarfiillu akornanni ulloq 1. januar 2023 aallarnerifigalugu pigisanik nalilinnik kiisalu nukissiornermut imermillu pilersuinermut sulianik tunniussinissanik isumaqatigiissutissat naapertuuttut isumaqatigiissutigineqareerput. Tamanna pillugu ilisimatitsissut Aningaasaqarnermut Akileraartarnermullu Ataatsimiititaliamut ulloq 27. juni 2022 nassiunneqartoq innersuussutigineqarpoq. Aningaasaqarnikkut kinguneqqaatit aningaasanut inatsisissatut siunnersuutip aappassaaneerneqarneranut atatillugu ivertissunneqassapput.

13. Suliassaqarfik 73 – 77 Nunalerinermut, Imminut pilersornermut, Nukissiuuteqarnermut Avatangiisinullu Naalakkersuisoq

13.1 Konto pingaarneq 73.01.01 Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfik

Allannguutit qanoq annertutiginerat apeqqutaatinnagu aningaasaliissutinut allannguutit nassuiaatigineqartarnissaat ataatsimiititaliamit pingaartinneqarpoq. Aningaasartuutit allanut aningaasaliissutit nikerarnerannut suna pissutaava?

Akissut: Allannguutit ilaatigut Issittumi Siunnersuisooqatigiit Siulittaasoqarfianni uumasut assigiinngiiaarnerat pillugu suleqatigiissitami aningaasartuutinik 2023-mi 2024-milu 1,5 mio. kr.-nik 2025-milu 1,2 mio. kr.-nik aningaasartuuteqarnissamik patsiseqarput. Tamatuma saniatigut nunarsuarmi klima pillugu oqartussaaffimmik allanngiineq ukiumut 810.000 kr.-nirik naleqassaq.

13.2 Konto pingaarneq 73.04.04 Taarsigassarsiat erniallit

Taarsigassarsianut ernialinnut akilersuutinut nunatta karsiata tapiissuteqarnissaanut erseqqinnerusumik tunngavilersuut kiisalu tapiissutit procentip soq 35 %-inut aalajangerneqarsimaneranut nassuiaat ataatsimiititaliamit kissaatigineqarpoq.

Akissut: Tapiissutit taarsigassarsiaqartut piffissaq eqqorlugu akiligassaminnik akiliisarnissamik kajumissuseqalernissaat siunertaralugu inatsisitigut atulersinneqarpoq. Ernianut tapiisoqarneq ajorpoq.

Tapiissutit annertussusaat 2006-07-imi aalisarnermi piniarnermilu inuussutissarsiornermik siuarsaaneq pillugu inatsimmik nutaamik atulersitsinermit atatillugu aalajangersarneqarsimassaguarpog, aki taanna nunalerinermi inuussutissarsiornermi siuarsaanagermi ilanngunneqarpoq. Soq akiliut 35 % inissinneqarsimanagersoq taamanikkut inatsisissatut siunnersuummut nassuiaatini nalinginnaasuni allassimanngilaq. Tamanna politikikkut pingaarnersuiinikkut pisimassasutut isigineqarpoq.

Akip taassuma allanngornissaanik Naalakkersuisut maanna pilersaaruteqanngillat. Nunalerinermut Naalakkersuisoq tamanna pillugu oqaloqatigiinnissamut piareersimavoq.

13.3 Konto pingaarneq 73.04.05 Taarsigassarsianut ernialinnut akilersuutit Aningaasartuutit allanut aningaasaliissutit nikerarnerannut suna pissutaava?

Akissut: Konto pingaarneq isertitatut kontovoq, taamaalillunilu aningaasartuuteqarfiunani.

Konto pingaarneq 2021-mi qinersinerup kingorna nunalerinermi siunertanut aalisarnermilu piniarnermilu siunertanut agguarneqarpoq, taamaammallu ukiuni siusinnerusuni aningaasaliissutit assigiinngissuteqarput.

13.4 Konto pingaarneq 73.04.06 Ernianit isertitat Aningaasaliissutit nikerarnerannut suna pissutaava?

Akissut: Konto pingaarneq 2021-mi qinersinerup kingorna nunalerinermi siunertanut aalisarnermilu piniarnermilu siunertanut agguarneqarpoq, taamaammallu ukiuni siusinnerusuni aningaasaliissutit assigiinngissuteqarput.

13.5 Konto pingaarneq 73.04.08 Savaaqqanik toqoraavinnut il.il. kiffartuussinissamik isumaqatigiissut

1. Missingersuutinut ilanngussami taaneqartutut Neqi A/S-imut kiffartuussinissamik isumaqatigiissutip AI 2022-mi qaffanneqarnissaanik pisariaqartitsinerup erseqqinne-rusumik paasissutissiissutigineqarnissaa ataatsimiititaliamit kissaatigineqarpoq.

Akissut: KNI-p Naalackersuisullu akornanni isumaqatigiissummi toqqammaviumut akerliusumik KNI-p suliffeqarfissuata iluani ukiuni arlalinni tapiiffiqatigiittarneq pissutigalugu, NEQI A/S-ip Naalackersuisullu AI2022-mi sullissinissamik isumaqatigiissutaanni aningaasanik tapiissutit qaffanneqarnissaat politikikkut pisariaqarsimavoq.

2. Kiisalu aningaasat ukiuanni 2023-mi tamatumalu kingorna ukiuni missingersuusiorkiusuni aningaasaliissutit amerlineqarnissaanik naatsorsuutiginninneq ajornartorsiutinut ungasissoq isigalugu aaqqiissutissamik Naalackersuisut nassaarsimanerannik ersersitsuunersoq akineqassasoq ataatsimiititaliamit kissaatigineqarpoq.

Neqip inissisimaffia pillugu apeqqut Naalackersuisut upernaakkut 2022-mi KNI suleqatigalugu KNI-p naatsorsuutininik peqquserlunneranut atatillugu suliamut aallartittumut ilaavoq. Maanna suli Neqip piffissaq ungasissoq isigalugu aaqqiiffiqineqarnissaa pillugu isummertoqannigilaq, kisiannili tamanna isumagineqarpoq.

Neqip aningaasaqarnikkut tunngavii aamma suliassaqarfiit allatulli Ukrainemi sorsunnermit sunnerneqarput. Savaateqarnermi inuussutissarsiornerup nerukkaatissanik aamma naggorissaatissanik eqqussinermi akit qaffannerat aamma misigaa, tamannalu aamma Neqimut sunniteqarluni. Aningaasaqarnermut Akileraartarnermullu Ataatsimiititaliaq nunalerisunut immikkut nerukkaatissanut naggorissaatissanullu aningaasartuutit qaffannerisa kinguneranik immikkut tapiissuteqarnissaa aqutigalugu tamatuminnga ilisimatinneqarpoq. Ataatsimiititaliap suliaata normua 01.31.06/22-00996 takuuk. Pissutsit taakku piffissaq ungasinnerusoq isigalugu aaqqissuusiornissamik piiminaatsitsippat.

3. Kiisalu Naalackersuisut aaqqiissutissatut aalajangiussaat pillugu akuutinneqarnissaa ataatsimiititaliamit kissaatigineqarpoq, tak. apeqqut 2.

Apeqqut 2-mut akissut innersuutigineqarpoq.

13.6 Konto pingaarneq 73.04.10 Nioqqutissanik pilersuineq aningaaseriveqartitsinerlu

N 2021-ip kingorna aningaasaliissutit ikileriarujussuarnerannut suna pissutaava?

Akissut: Ulloq 22. juni “Nioqqutissanik orsussanillu imerpalasunik nioqqutissanik pilersuineq pillugu KNI-mik sullissinissamik isumaqatigiissuteqarnermut attuumasunik missingersuutitigut sunnuteqanngitsumik ilassutitut aningaasaliissutit kiisalu nalinginnaasumik ataatsimeersuarnermi iluanaarutit atorlugit aningaasalersuinissamik neriorsuut” pillugit Naalakkersuisunut saqqummiussissummik toqammaveqartumik aappassaaneerinninissamut allannguutissatut siunnersuummik saqqummiussisoqassaaq. Saqqummiussissut taanna Aningaasaqarnermut Akileraartarnermullu Ataatsimiititaliap siusinnerussukkut suliaraa. 2023-mi aningaasaliissutit allannguutissatut siunnersuutikkut 22,7 mio. kr-nik annertussuseqalissasut ilimagineqarpoq.

13.7 Konto pingaarneq 73.94.02 Nukissiorfiit

Nukissiorfiit aktiaateqarluni ingerlatseqatigiiffingortinneqarsinnaanerit qanoq kinguneqar-sinnaasutut Naalakkersuisunit naatsorsuutigineqarpa?

Akissut: Nukissiorfiit aktiaatileqatigiiffingortinneqarnissaanut Naalakkersuisut pilersaaruteqanngillat. UKA2022-mut Utoqqarmiut Kangerluarsunnguanni erngup nukinganik innaallagissiorfiup allilerneqarnissaanut Qasigiannguillu Aasiaallu eqqaanni erngup nukinganik innaallagissiorfimmik pilersitsinissamut sanaartornermi inatsimmut allannguutissatut siunnersuummik saqqummiussisoqassaaq.

Allannguutissatut siunnersuut erngup nukinganik suliassat tamakkiisumik ilaannakortumilluunniit aktiaatileqatigiiffimmuut Namminersorlutik Oqartussanit pigineqartumut, naalagaaffiup taarsigassarseeqqinneranik kiisalu taarsigassarsitseqatigiinnit siammasinnersunit taarsigasarsisinnaasumut tunniunneqarsinnaaneranik periarfissiisaaq.

Allannguutissatut siunenrsuut taamaalilluni isumaqatiginninniarnissamut sinaakkutit annertusinissaannut, Utoqqarmiullu Kangerluarsunnguanni erngup nukinganik innaallagissiorfiup allilerneqarnissaanut Qasigiannguillu Aasiaallu eqqaanni innaallagissamik pilersuiffimmik erngup nukinganik innaallagissiorfimmik sanaartornissamut taarsigassarsinissamik isumaqatigiissuteqarsinnaanermik nassataqassaaq.

Allannguutissatut siunnersuut atuisunut iluaqutsiisumik ernup nukinganik innaallagissiorfinnik sanaartornissamut aningaasalersuisussanik pitsaanerpaanik Naalakkersuisut isumaqatigiissuteqarsinnaanerannut pisinnaatitsissuteqarnissamik taamaallaat siunertaqarpoq.

Siunnersuutip Nukissiorfiit suliffeqarfittut nammineertitaanera allangnortinngilaa. Innuttaasut nukissiamik imermillu pilersorneqarnissaat Nukissiorfiit sui allanngunngitsumillu suliassarissavaat.

13.8 Konto pingaarneq 73.94.03 Nukissiorfiit, aqqusinermi qaammaqquteqarneq

N 2021-ip kingorna aningaasaliissutit ikileriarnernannut suna pissutaava?

Akissut: N 2021-mi kukkusoqarpoq. 6,459 mio. kr.-usussaagalarpoq. Tamanna aningaasanut inatsisip katiterneqarnerani aaqqinneqassaaq.

13.9 Konto pingaarneq 77.05.02 Pinngortitaleriffik

1. Oqaasertaliussat Naalakkersuisut naapertorlugit konto pingaarnermut atasut ataatsi-miititaliamit ujartorneqarput.

Akissut: Oqaasertaliunneqrsimasooq umiarsuup ilisimatusaatip Tarajup tunniunneqareerana, Pinngortitaleriffiullu taamaammatt umiarsuarnik attartorunnaarnera pissutigalugu peerneqarpoq. Taamaalilluni oqaasertani oqaasertaliussap pineqarneranik allaqqasoqarnera kukkuneruvoq. Tamanna aappassaaneerinninnermi pingajussaaneerinninnermiluunniit allannguutissatut siunnersuutikkut aaqqinneqassaaq.

2. Misissuummut Tarajumut aningaasaliissutigeqqitassatut pisariaqartinneqartut qanoq amerlatiginissaat aningaasanut inatsisissatut siunnersuutip aappassaaneerneqarnissaa sioqqullugu Naalakkersuisunit oqaatigineqarsinnaassappat?

Akissut: Aappassaaneerinnittoqartinnagu nalunaaruteqarsinnaaneq ilimagineqarpoq. Umiarsuaq angalareerluni oktobarip qulingata missaani Nuummuk tikissaaq, kingornalu Pinngortitaleriffik maskinalerisut ittuat umiarsuullu naalagaa peqatigalugu ukiumut tullermut missingersuummik sukumiisumik suliaqassaaq. Suliaq taanna sapaatip akunneranik ataatsimik sivissuseqassanganneqarpoq. Orsussap akiata siumut eqqoriaruminaatsumik ineriartornera annertuumik nalorninartorsioortissaaq, taamaammallu nalunaaruteqarneq ineriartornissamik ilimagisat malillugit pissaaq.

13.10 Konto pingaarneq 77.05.03 Avatangiisit, uuliaarluernernik akiuinnermut atortunik pisinnermut tapiissutit

Killeqarfiup 3 s milip iluani avataanilu uuliaarluertoqarsinnaaneranut upalungaarsimanerup, saliinerup aningaasalersuinerullu kommunit, Namminersorlutik Oqartussat danskillu naala-gaaffiata akornanni qanoq ataqatigiissaarneqarnissaanik nassuiaat paasiuminartoq ataatsi-miititaliamit ujartorneqarpoq.

Akissut: Kalaallit Nunaata Danmarkillu akornanni akisussaaffimmik agguaaqatigiinneq:

- Kalaallit Nunaat imartanut tunngasuni inatsisiliornissamik oqartussaaffeqarpoq: Imartat sinerissap qanittuaniittut tamakkerlugit, soorlu kangerluit iterlaallu, taamatullu basisliniamit avammut 3 s mil angullugu imartaq.
- Danmark 3 s milinik killeqarfiup avataani 200 s mil angullugu avasitsigisumut immikkut aningaasaqarnikkut zonemi inatsisiliornikkut oqartussaaffeqarpoq.

Naalakkersuisut imaani avatangiisinut upalungaarsimanissaq pingaarnertut akisussaaffigaat. Akiuiniarneq nalinginnaasumik piffinni upalungaarsimasut oqartussaasunik allanik suleqateqarlutik ingerlattarpaat.

Uuliaarluernerup akuutissanillu navianartunik allanik mingutsitsinernik imaani akiuiniarneq mingutsitsinerup sumi pinera qanorlu annertutiginera apeqqutaatillugit qallunaat naalagaaffiata Kalaallit Nunaannilu Namminersorlutik Oqartussat akornanni agguarneqarpoq. 3 sømiliniq killeqarfiup iluani avataanilu mingutsitsinerit annertuut, Namminersorlutik Oqartussat ikiorneqarnissamik qinnuteqarneranni naalagaaffiup akisussaaffigai (periusissiamik isumaqatigiissut).

Imartani killeqafiup avataani uuliaarluernernik akiuiniarneq nalinginnaasumik Issittumi Sakkutooqarfiup isumagisaraa, mingutsitsinermilli akiuiniarneq qallunaat kalaallillu oqartussaasuisa ikioqatigiinneranni pissaaq. Sissanik uuliaarluernernik akuutissanilluunniit mingutsitsinernik eqqorneqartunik saliineq kommunit ataasiakkaat isumagisassaraat. Tunup Avannaarsuani nunami eqqissisimatitami saliineq Naalakkersuisut isumagisassaraat.

Naalakkersuisut uuliaarluernermik akiuiniutinik kommunit qatserisartuinit atorpeqartunit piginnittuupput. COVID-19-imut atatillugu aningaasanut inatsimmi sipaarniutit peqqutigalugit immikkoortumi aserfallatsaaliinernut aningaasaliissutit ukiumut 200.000 kr-nit apparneqarput, taamaammallu annertuunik nutaanik pisiortornissaq pilersaarutigineqanngilaq.

13.11 Konto pingarneq 77.05.07 Avatangiisinik illersuineq

Avatangiisinut tunngasutigut qulaajaalluni suliat pillugit suliassami kisitsisissatut naatsorsuutigisat AIS 2023-mi aammalu ukiuni missingersuusiorfiusuni marloriaatinngortut ataatsimiititaliamit maluginiarneqarpoq. Tamatuma peqatigisaanik paasissutissiinerit assigisaasalu kisitsisaat piffissami tassani pingasoriaatinngorsimapput. Tamatuma peqatigisaanik ataatsimiititaliamit maluginiarneqarpoq aningaasaliissutitigut allannortoqarsimanngitsoq. Pissutsit taakku marluk qanoq imminnut ataqatigiippat?

Akissut: Kontop uuma siusinnerissukkut konto pingarnermut 77.05.01 Eqqakkanut tunngasut, ingerlatsineq ilanngunneqarneranut atatillugu suliassami kisitsisit annertulineqarput.

14. Suliassaqarfik 80 – 89 Sanaartorneq

14.1 Konto pingaarneq 80.00.01 Nuussinissanut sillimmatit aamma Konto pingaarneq 80.00.10 Sanaartugassanut Iluarsagassanullu Aningaasaateqarfimmit utertitat

1. Konto pingaarnermi matumani aningaasaliissutinut suliassat suut tunuliaqutaanersut paasissutissiissutigineqassasoq ataatsimiititaliamit kissaatigineqarpoq.

Akissut: Konto pingaarneq 80.00.01 Nuussinissamut sillimmatit Sanaartornermut Iluarsartuussinissamullu Aningaasaateqarfimmut ilaavoq, taannalu marloqiusamik periuseqarluni aningaasaliisarnermut ilaavoq, sanaartornermilu sinaakkutit ataatsimoortut 'atorneqanngitsunut ilagaat. Nuussinissamut sillimmatinit suliniutinut aalajangersunut atugassanngortitsinissamik qinnuteqartoqarsinnaavoq, tassani Inatsisartut Aningaasaqarnermut Akileraartarnermullu Ataatsimiititaliaata akuersineratigut suliniutinik aallartitsinerit sanaartorerillu ilanngullugit.

2. Kiisalu konto pingaarnerup matuma aammalu konto pingaarnerup 80.00.10-p, Sanaartugassanut Iluarsagassanullu Aningaasaateqarfimmit utertitanut tunngasup, qanoq ataqatigiinnerannut kiisalu tassunga atatillugu Sanaartugassanut Iluarsagas-sanullu Aningaasaateqarfiup qanoq tigussaasumik atuuffeqarneranik naatsumik nas-suiaat ataatsimiititaliamit ujaratorneqarpoq.

Akissut: Apeqqut 14.1-imut akissut innersuussutigineqarpoq. Tamatuma saniatigut konto pingaarneq 80.00.10 Sanaartornermut Iluarsartuussinermullu Aningaasaateqarfimmit utertitat, Nammineq Kukkunersiuisut akuersinerisigut suliniutit matuneqarnerannut atorneqartarput. Atuinikinnerit atuinerunerilluunniit pineqarsinnaapput, taakkullu Nunatta Karsiata naatsorsuutaanut ilanngunneqartarput, tak. Suliassaqarfik 80-89 oqaasertaliussaq nr. 2.

14.2 Konto pingaarneq 84.40.14 Kulturimut timersornermullu atugassanik sanaartorneq

Ukiuni kingullerni pingasuni ukiumut 3,5 mio. kr.-it immikkoortinneqartarput ataatsimiititaliamit maluginiarneqarpoq. Allassimanngilarli suliassanut sorlernut aningaasaliissutit atorneqarnerisut. Nunatsinni sumi aningaasat pisariaqartinneqarnerat pillugu nalunaarsuiffimmik Naalakkersuisut peqarpat?

Akissut: 2016-mi Naalakkersuisut nunatsinni illorsuit timersortarfiit tamarmik qanoq issusaannik naliliisussamik avataanit siunnersortimik suliakkiipput, Ilinniartitaanermullu, Kulturimut, Timersornermut Ilageeqarnermullu Naalakkersuisoqarfik immikkoortumut malitassianik suliaqarpoq.

Iluarsartuussinissanut aserfallatsaaliinissanullu 50 mio. kr.-t missaannik pisariaqartitsisoqartoq, illorsuit timersortarfiit tamarmik nalilersorneqarneranni paasineqarpoq.

Malittarisassat malillugit qinnuteqartoqarneratigut tapiissuteqartoqartarpoq.

14.3 Konto pingaarneq 86.60.01 Peqqinnissaqarfik

Ambulancit pisariaqartinneqartut amerlassusillit pissarsiariniarneqarnerat sumut killippa?

Suliniut ambulancinik pisiortornermut tunngasoq quppernermi 745-mi kukkusumik normuli-gaasimasorinarpoq. Suliniutit immikkoortiternerini qupperneq 744-mi suliniut nr. 46034-mik normuligaavoq.

Apeqqutininut marlunnut akissut: Aningaasaliissutit atulernerannit ullumikkumut ambulancit arfineq marluk tunniunneqarput, pingasullu allat 2023-p aallartinnerani tunniunneqartussatut inniminnerneqarput. Maanna ambulancenit inniminniinermit tunniussinermit qaammatit aqqaneq marluk ingerlasarput, taarsersuinerlu kittaartumik ingerlanneqarpoq. Maanna siunissamullu aningaasaliissutit ambulancenik taarsersuinermit kinguussaannermit, kingornalu pissusissamisoortumik ambulancenik nutarsaaner mut naammattoq, peqqinnissaarfiup naliliutigaa.

Missingersuutininut tapiliummi suliniutip normua oqaasertani kukkusuuvoq, skemamili eqqortumik allassimalluni. Taanna aningaasanik inatsimmik katiterinermit aaqinneqassaaq.

Inussiarnersumik inuulluaqqusillunga

Naaja H. Nathanielsen

Naaja H. Nathanielsen



**Aningaasaqarnermut Naligiissitaanermullu
Naalakkersuisoq
-/ Maani**

Assilineri: Inatsisartut ataatsimiititaliaat

Ulloq: 14. september 2022

J.nr.: 01.31.11-00022

Naalakkersuisut 2023-mi aningaasanut inatsisissatut siunnersuutaat

1. Aallarniut

Aningaasaqarnermut Akileraartarnermullu Ataatsimiititaliap 2023-mi aningaasanut inatsisissatut siunnersuummut aallarniutitut apeqqutai oqaaseqaataalu matumuuna nassiuqqarpur. Aningaasaqarnermut Akileraartarnermullu Ataatsimiititaliap 2022-mi aggustimi Nuummi missingersuutit pillugit isumasioqatigiinnermini aningaasaqarnermut inatsisissatut siunnersuummik tamarmiusumik misissuina apeqqutinut pingaarnertut tunngavigineqarpoq.

Allamik allassimasoqartinnagu quppernertut innersuussutit aningaasanut inatsisissatut siunnersuutip kalaallisuanut innersuussutaapput.

2. Nassuiaatit nalinginnaasut

2.1 Naalakkersuisut aningaasaqarnikkut politikimut anguniagaat periusaallu, qupperneq 169

1. Naalakkersuisut suliffeqarnerup sulisinnaasullu amerlinissaannut pingaarnersiunerminni suliniutinut ikorfartuinissaat pillugu. Ataatsimiititaliap paasinninnera malillugu suliffeqarnikkut pissutsit nunatsinni piffimmiit piffimmut assigiinngitsupilussuupput. Piffiit ilaanni sulisussaaleqisoqarpoq, allanili suliffissaaleqisoqarluni. Nunarput taamaat ataatsimut isigalugu sulisoqarnermi suliffissaqartitsinermilu pissutsit ataatsimoortut Naalakkersuisunit qanoq nassuiarneqarsinnaappat?
2. Sulisussanik nunanit allanit tikerartitsineq ukiuni kingullerni annertusiartortoq nalinginnaasumik ilisimaneqarpoq. Suliaqarfinni nunanit allanit sulisussanik tikisitsinisamik pisariaqartitsiviusuni sulisussanik kalaallinik amerlanerusunik atuinnissaq qulakkeerniarlugu Naalakkersuisut aalajangersimasunik iliuuseqalersaarpat?
3. Inuusuttut 18-init 23-nut ukiullit, ataatsimiititaliamit assut piginnaaneqartutut ajorluartumilli naammattumik atorluarneqanngitsutut isigineqartut, atorluarneqarnerunissaat qulakkeerniarlugu Naalakkersuisut aalajangersimasunik iliuuseqalersaarpat?
4. Inuusuttunut nunaqarfinni suliffissaaleqineq aammalu inissaaleqineq pissutigalugu illoqarfinnut nuunnissamut periarfissaqanngitsunut suliffissaqartitsinikkut Naalakkersuisut iliuuseqalersaarpat?

2.2 Aningaasaqarnikkut pingaarnertut inissisimaffik, qupperneq 172

1. Akileraarutinit isumalluutinillu iluaquteqarnermit akitsuutitigut isertitat appariartornerannut tunngatillugu aalisarnermit isertitassat missingersuutigineqarneranni mianersornissamut pissutissaqartoq Naalakkersuisunit oqaatigineqarpoq. Ajornartorsiuteqarfiup tamatuma erseqqinnerusumik itisilerneqarnissaa ataatsimiititaliamit kissaatigineqarpoq.
2. Aningaasat naleerukkiartornerat qanoq ineriartorfiussanersoq pillugu nalorninartoqarneranut tunngatillugu aningaasat naleerukkiartornerisa minnerunngitsumik akissaatikinnerusunut akornusiisumik sunnuteqarsinnaanera killilersimaarniarlugu piffissap ingerlanerani immikkut ittunik suliniuteqarnissamik naliliinissaq pisariaqarsinnaasoq Naalakkersuisunit oqaatigineqarpoq. Ajornartorsiuteqarfiup tamatuma erseqqinnerusumik itisilerneqarnissaa ataatsimiititaliamit kissaatigineqarpoq. Tassunga atatillugu aningaasat naleerukkiartornerat qanoq annertutigilerpat nunatsinnut atatillugu ajoqutaalersinnaasutut isigineqartariaqalernissaa Naalakkersuisunit nalilerneqarsimava? Tassunga atatillugu Naalakkersuisut upalungaarsimassuteqarpat?

2.3 Aaqqissuusaanikkut ajornartorsiutit ungasissumut atuuttut, qupperneq 175

1. Aaqqissuusaanikkut ajornartorsiutitut ungasissumut atuuttunut (aserfallatsaaliinikkut kinguaattoorneq kiisalu aningaasaqarnikkut attassinissamik ajornartorsiut) tunngatillugu Naalakkersuisunit oqaatigineqarpoq taakku iliuuseqarfigineqanngikkunik atugarissaarnerup namminersorlutillu inuussutissarsiortut ingerlalluartut attannissaat assut ajornartorsiorfiulersinnaasoq. Ajornartorsiutip tamatuma erseqqinnerusumik itisilerneqarnissaa kiisalu iliuuserineqarsinnaasut naatsumik nassuiaatigineqarnissaat ataatsimiititaliamit kissaatigineqarpoq.
2. Tassunga aamma atatillugu Namminersorlutik Oqartussat ingerlatseqatigiiffiutai taakkulu ataanni suliffeqarfiit qanoq inissisimanersut paasissutissiissutigineqassasoq ataatsimiititaliamit kissaatigineqarpoq. Ataatsimiititaliap isumaa malillugu taakku aserfallatsaaliinissamik suliassap aamma isumaginissaanut naammattunik sinneqartooruteqarsinnaasariaqarput.

2.4 Namminersorlutik Oqartussat ingerlatseqatigiiffiutaanni anginerni ineriartorneq, qupperneq 175

Suliassat qitiusut ingerlatseqatigiiffinnit Namminersorlutik Oqartussanit pigineqartunit ingerlanneqarnerannik Naalakkersuisut oqarnerat ataatsimiititaliamit isumaqatigineqaannarsinnaavoq.

1. Suliassanik taakkuninnga suliffeqarfiit ingerlalluarlutik ingerlatsisinnaanissaat Naalakkersuisunit qanoq qulakkeerneqassava?
2. Utoqqarmiut Kangerluarsunnguata aammalu Qasigiannuani erngup nukinganik nukisiorfissaq pillugit taarsigassarsinissamik naatsorsuutiginninnerup akiitsut ineriartornissaat pillugu qupperneq 179-imi takussutissiami ilaannginnerannut suna tunngaviua?
3. Mittarfeqarfiit Kalaallit Airports Holding A/S-imut aningaasaliissutigalugit ilanngunneqarsinnaanerisi kingunerisinnaasaasa itisilerneqarnissaat ataatsimiititaliamit kissaatigineqarpoq.

2.5 Akinut akissarsianullu iluarsiiissut nutaaq, qupperneq 212

Aningaasanut inatsimmi suliassaqarfinnut ataasiakkaanut kiisalu kommuninut akinut akissarsianullu iluarsiiissutissatut Naalakkersuisut toqqagaata kingunerisassaasa ataatsimoortumik paasinartumillu saqqummiunneqarnissaat ataatsimiititaliamit kissaatigineqarpoq. Tamatuma

saniatigut Danmarkimi aningaasat naleerukkiartornissaannik naatsorsuutigisap aningaasanut inatsissatut siunnersuummut qanoq sunniuteqarsinnaaneramik ilisimatinneqarnissaq ataatsimiititaliamit kissaatigineqarpoq.

2.6 Meeqqanut inuusuttunullu ulorianartorsiortunut sammititanik suliniutit, qupperneq 187-191

Suliassa qarfiit akimorlugit suleqatigiinnissamik pisariaqartitsisoqarneramik Naalakkersuisut isumaqarnerannut tunngatillugu innarluutilinnut suliassa qarfimmi suliassa qarfiit akimorlugit iliussissat qanoq ittut Naalakkersuisunit eqqarsaatigineqarpat?

2.7 Peqqinnissamut immikkoortoq, quppernerit 193-196

Spiralilersuisimanermik suliap annertussusia kingunerilu eqqarsaatigalugit Naalakkersuisut qanoq naatsorsuuteqarnerisa erseqqinnerusumik itisilerneqarnissaa ataatsimiititaliamit kissaatigineqarpoq.

2.8 Puiaasaaqqanik utertitsisarnermik aqqiissusseqqinneq, qupperneq 197

Puiaasaaqqanik utertitsisarnerup nutaap 2025-mit aatsaat sunniuteqarsinnaalernissaanut pis-sutsit suut pissutaappat? Suliap pisariaqanngitsumik kinguarsarneqarneratut tamanna Naalakkersuisunit isigineqarpa?

2.9 Attaveqaatit inuussutissarsiornermillu ineriartortitsineq, qupperneq 200

1. Attaveqaatinut tunngasuni Naalakkersuisunit suut amigaatigineqarnerisut erseqqinnerusumik itisilerneqassasoq ataatsimiititaliamit kissaatigineqarpoq. Taakku ilaat sorliit piffissamut qaninnerusumut ungasinnerusumullu pisariaqartinneqarpat?
2. ESANI-p tamakkiisumik atuussinnaanngornissaata tungaanut avatangiisinut eqqakanillu suliassa qarfimmi aqqiissutissat suut Naalakkersuisunit sulissutigineqarnerisut tamakkiisumik paasisaqarfiginissaat ataatsimiititaliamit amigaatigineqarpoq.

2.10 Sanaartorneq, qupperneq 206

1. Sanaartornermut tunngasuni piujuartitsinermik oqarnerminni Naalakkersuisut suna pineraat erseqqinnerusumik itisilerneqassasoq ataatsimiititaliamit kissaatigineqarpoq. Pijuartitsinermik aallaaveqarluni atortussiat Naalakkersuisunit pineqarpat imaluunniit taama oqarneq siamasinnerusumik paasineqassava?
2. Sanaartornissamik pilersaarutit pillugit Naalakkersuisut qanoq eqqarsaateqarpat? Sanaartornissamut pilersaarutit aningaasaliissutissatut kissaatinut aqutsisuuppat imaluunniit killormoorpa?

2.11 Sillimmatit missingersuutinillu aaqqiinerit, qupperneq 210

Aningaasat ukiuannut matumunnga sanilliullugu AIS2023-mi aningaasaliissutinut allannguutit paasiuminartunngorlugit takussutissiarineqarnissaat siuliani apeqqummut 2.5-imut nangissutitut ataatsimiititaliamit kissaatigineqarpoq.

Taamaalillunilu siusinnerusukkut periuuserneqartup uterfigineqarnissaa ataatsimiititaliamit kissaatigineqarpoq, tassalu konto pingaarnerni aningaasaliissutinut allannguutit assersuutigalugu +/- 5%-iuppata taakkunani aningaasaliissutinut allannguutit aningaasanut inatsimmi takussutissiat ataanni skemanngorlugit takussutissiarineqarnissaat.

2.12 Umiarsuup misissuissutip Tarajup orsussaa, qupperneq 213

Tarajoq pillugu suliap itisilerneqarnissaa ataatsimiititaliamit kissaatigineqarpoq. Suliap taanna soq matumani ilanngunneqarpa misissuinerillu suut pineqarpat?

2.13 Kingornussarsianit tunissutit. qupperneq 215

Konto pingaarnermut 20.10.22-imut, isertitanut allanut assersuutigalugu kingornussarsianit tunissutinut tunngasumut, nutaamik oqaasertaliussinissamik Naalackersuisut kissaataata itisilerneqarnissaa ataatsimiititaliamit kissaatigineqarpoq.

3. Suliassaqarfik 10 - 12 Naalakkersuisut Siulittaasuut

3.1 Konto pingaarneq 10.01.01 Naalakkersuisut Siulittaasuata Naalakkersuisoqarfia, NSN, allaffissorneq

1. Inatsisit Tunngaviusussanut Isumalioqatigiissitap suliaa qaqugu naammassisussatut Naalakkersuisunit naatsorsuutigineqarpa?
2. Aningaasaliissutit amerliartornerat sulisorisanillu atuinerup allanngunnginnera qanoq imminnut ataqatigiippat?

3.2 Konto pingaarneq 10.01.05 Suliaqarfiit assigiinngitsut aqutigalugit Aqutsineq aamma Qitiusumik Sulisunut Politikeqarneq

Aningaasaliissutit angusallu qanoq ataqatigiinnerannik takutitsisumik aningaasaliissutit matumani pineqartut pillugit sunniutaannik uuttuinermik Naalakkersuisut suliaqassappat? Aningaasaliissutit naatsorsuutigisatut angusaqarfiumersut Naalakkersuisunit uuttorneqartarpa?

3.3 Konto pingaarneq 10.13.10 Akitaateqarluni ingerlatseqatigiiffinit iluanaarutit, agguagarsiassat tunisinerillu

1. Ingerlatseqatigiiffiup maanna atugai eqqarsaatigalugit KNI-p iluanaarutitut tunniussassaasa annertussusiat suli atuuppa?
2. Air Greenlandip iluanaarutininik tunniussinnginnissaa. Tamanna sumik pissuteqarpa?
3. Ingerlatseqatigiiffiit Namminersorlutik Oqartussanit pigineqartut iluanaarutininik ukiumoortumik tunniussisarnerisigut kaasarfimit kaasarfimmuut nuussisarneq pisariaqarpa?

3.4 Konto pingaarneq 10.98.01 Digitaliseeriinermut Aqutsisoqarfik

Konto pingaarnermi missingersuutit immikkoortiternerini aammalu sulisunut atuinissamut naatsorsuutigisani takussutissutissiani paasissutissat erseqqinnerusumik nassuiaatigineqarnissaat ataatsimiititaliamit amigaatigineqarpoq. Missingersuutininut allannguutit pillugit missingersuutininut ilanngussami paasissutissat siorna ukiumut aningaasanut inatsiseqarfiusumit uteqqitaasorinarput aammalu suut nassataannik aningaasaliissutit allanngortinneqarnissaasa pisariaqalersimaneranik paasinarsisitsinatik.

Aningaasaliissutit amerliartornerat sulisorisanillu atuinerup allanngunnginnera qanoq imminnut ataqatigiippat, sulisorisanut aningaasartuuteqanngimmat sulisut qanoq akissarsiaqartinneqarpat?

3.5 Konto pingaarneq 10.98.02 Nuna tamakkerlugu digitalinngortitsinissamut periusissap atuutsilernera

1. Sulisorisanut aningaasartuuteqanngimmat sulisut qanoq akissarsiaqartinneqarpat?
2. Sulisorisassatut naatsorsuutigisat pillugit takussutissaq amigaataavoq. Siunnersuutip aappassaaneerseqarnissaanut iluarsineqarnissaa ataatsimiititaliamit naatsorsuutigineqarpoq.

3.6 Konto pingaarneq 10.98.03 Inussuk IT

Aningaasaliissutit amerliartornerat sulisorisanillu atuinerup allanngunnginnera qanoq imminnut ataqatigiippat, sulisorisanut aningaasartuuteqanngimmat sulisut qanoq akissarsiaqartinneqarpat?

4. Suliassaqarfik 20 - 24 Aningaasaqarnermut Naligiissitaanermullu Naalakkersuisoq

4.1 Konto pingaarneq 20.10.35 Suliniutissat immikkut ittut – Karrat Kangerluat

2023-mi aningaasaliissuteqartoqanngitsoq ataatsimiititaliamit maluginiarneqarpoq. Qaarsuni mittarfimmi orsussamut sillimmammik tankiliinissamik pilersaarutaasup killiffiup paasissutissiissutigineqarnissaa ataatsimiititaliamit kissaatigineqarpoq.

4.2 Konto pingaarneq 20.11.50 Ingerlatsinermit sillimatit

Aningaasaliissutit 20 mio. kr.-erpianut amerlineqarnissaannik kissaateqarnermut suna tunuliaqutaava?

4.3 Konto pingaarneq 20.11.51 Aaqqissusseqqinnerit sunniutaat

1. Puiaasanik utertitseriaasissaq nutaaq ukiumoortumik 20 mio. kr.-inik isertitsissutaa-sussatut naatsorsuutigineqartoq ataatsimiititaliamit maluginiarneqarpoq. Tamatumalu peqatigisaanik suliap ingerlaqqinnerani aningaasat annertussusileqqissaarneqalersaar-tut Naalakkersuisut paasissutissiissutigaat. Atuisunut nunattalu karsianut sunniutis-satut naatsorsuutigineqartut itisilernerneqarnissaat ataatsimiititaliamit kissaatigineqarpoq.
2. Aaqqissusseqqinnerit arlallit naligiinnerulernissamut, suliffissanik neqeroorneruler-nermik aningaasaqarnikkullu pitsaanagerusumik attassisinnaanermik anguniakkamik ataatsimik arlalinnilluunniit piviusunngortitsisussat Naalakkersuisunit taaneqarput. Ukiumoortumik aningaasaliissutit 35 mio. kr.-iusut siunnersuutip aappassaaneerne-qarneranut atugassiissutigineqarumaartut Naalakkersuisunit naatsorsuutigineqarpoq. Tamanna Naalakkersuisunit maannangaaq itisilernerneqarsinnaalereerpa?

4.4 Konto pingaarneq 20.11.70 Suliniutinut nutaanut sillimmatit

1. Nuup Kangerlussuullu akornanni timmisartuusseqattaarnerit pisariaaruttussaanerisa malitsigisaannik isertitassatut annaasat aningaasalersornissaat qanoq qulakkeerneqar-sinnaanersoq Naalakkersuisut maannangaaq oqaatigisinnaavaat?
2. Tasiilami ilinniartitaanermik pilersitsinissamut sillimmatinik ilanngussineq ataatsimii-titaliamit assut soqutiginarinneqarpoq. Sinerissap sinnerani taamatut pisariaqartitsi-viusuni taamaaliornepup aamma atuuttussanngortinneqarsinnaanera Naalakkersuisunit isumaliutigineqarsimava?
3. Meeqqanut inuusuttunullu tarnikkut napparsimasunut immikkoortortaqaqfimmup meeqqat inuusuttullu innersuunneqartarnerat qanoq ingerlanneqartarpa?
4. Meeqqat inuusuttullu tarnikkut napparsimasut peqqinnissaqarfimmup suli attaveqar-simangitsut kisitsisaatigineqanngitsut Naalakkersuisunit oqaatigineqarpoq. Ajornar-torsiut qanoq annertutigisinnaanersoq Naalakkersuisunit ilisimakannerneqarpa?

4.5 Konto pingaarneq 20.30.01 Aningaasaqarnermut Sulisoqarnermullu Aqutsisoqarfik, ASA

Sulisorisani atuinerup AIS 2023-mi qaffariarneranut suna pissutaava?

4.6 Konto pingaarneq 20.30.09 Sulisunik utaqqiisaasumik najugaqartitsineq

N 2021-ip aamma AI 2022-ip akornanni akissarsianut aningaasartuutit amerleriarnerannut suna pissutaava?

4.7 Konto pingaarneq 24.10.12 Ingerlatseqatigiiffiit akileraarutaat, Namminersorlutik Oqartussat suliffeqarfutaat

1. Akileraarusiinernut tunngaviit assigiinngitsut konto pingaarnermi matumani missin-gersuutinut tunngavigineqartut ataatsimiititaliamit ujartorneqarput.

2. Tassunga atatillugu taakku ingerlatseqatigiiffinnut Naalakkersuisunit pissarsiariniarneqartarpat?

4.8 Konto pingaarneq 24.11.10 Nioqutissanik eqqussuinermit akitsuutit

Nuuk Imermit isertitassatut missingikkat aammalu poortuutissat pillugit nalunaarutip allanguutissaatut naatsorsuutigisat, 2025-mi atuutilersussatut naatsorsuutigineqartut, imminnut ataqatigiinnersut paasissutissiissutigineqassasoq ataatsimiititaliamit kissaatigineqarpoq.

4.9 Konto pingaarneq 24.11.20 Akitsuutit, akiliilluni piniarneq aalisarnerlu

Konto pingaarnermit una naapertorlugu ilanngaaseereerluni isertitat akuersissutinut assigiinngitsunut qanoq agguataarneqarsimanersut paasissutissiissutigineqassasoq ataatsimiititaliamit kissaatigineqarpoq.

4.10 Konto pingaarneq 24.11.25 Qaleralinnut akitsuutit

Avataasiorlutik qaleralinniartut 2023-mi nioqutissiorsinnaanerat 75 %-inut aalajangfiunneqartoq, kitaani pisassiissutit ilaat 100 %-imik tulaanneqartussaataasut aammalu Tunumi pisassiissutit tamarmik avataani tunisassiarineqarsinnaasut Naalakkersuisunit ilaatigut paasissutissiissutigineqarpoq. Tamatuma erseqqinnerusumik itisilerneqarnissaa ataatsimiititaliamit kissaatigineqarpoq. Nunatta imartaani piffinni assigiinngitsuni aalisarnermit tulaassisus-saatitaanerup nassatarisaanik nunami tunisassiornerup killiffiata paasissutissiissutigineqarnissaa kissaatigineqarpoq.

5. Suliassaqarfik 30, Meeqqanut, Inuusuttunut, Ilaqutariinnut Peqqissutsimullu Naalakkersuisoq

5.1 Konto pingaarneq 30.01.02 Isumaginninnermut Aqutsisoqarfik

2. Missingersuutitut ilanngussami immikkoortut kingulliit marluk Tusaangamut konto pingaarnermut 30.10.45-mut attuumassuteqarsorinartumut, meeqqat inuusuttullu immikkut ittumik suliniuteqarfigineqarnerannut tunngasumut, tunngapput. Kontot pingaarni pineqartuni marlunni tamani immikkoortut taakku marluk inissineqarsimanerannut tunngavilersuut ataatsimiititaliamit ujartorneqarpoq aammalu pissusissamisuunnginnerluni allannguutissatut siunnersuuteqarnikkut tamatuma iluarsineqar-nissaa?
3. Akissarsianut aningaasartuutit taamaaqataanik allanngunngitsut sulisunut atuinisamik naatsorsuutigisat N 2021-imit AIS 2023-mut taama nikerartiginerannut suna pissutaava?

5.2 Konto pingaarneq 30.10.37 Nuna tamakkerlugu meeqqanut inuusuttunullu paaqqinnit-tarfiit

1. Ulloq unnuarlu paaqqinnittarfiit Namminersorlutik Oqartussanit pigineqartut aam-malu kommunit pigineqartut tamakkiisumik atuinerisa naatsorsorneqarnerat ataatsimiititaliamit ujartorneqarpoq.
2. Ulloq unnuarlu paaqqinniffinnut inissitaasimasunut tunngatillugu matumani anin-gaasaliissutitut angusanik Naalakkersuisut uuttuisarpat? Tassungaa atatillugu meeqqat inuusuttullu inissitaanermik qaangiutereernerani kimit isumagineqartarnersut Naalakkersuisunit ilisimaneqarpa?
3. Ukiumut aningaasaliissutigineqartut tamakkerlugit atornerqarnissaat siunertariinnar-lugu pisiniarnissap pinngitsoortinneqarnissaa siunertaralugu paaqqinniffiit konto pin-gaarnerup matuma ataaniittut Namminersorlutik Oqartussanit qanoq nakkutilliffigi-neqarpat? Paaqqinniffiit aningaasat ukiuata naalernerani atueriaasiisa nakkutigini-saannut, taamaalillunilu, Naalakkersuisut qanoq periarfissaqarpat?
4. Sulisunik amerlanerusunik atorfinitsitsinissamik pisariaqartitsinermut suna tunnga-viua, tamatumami peqatigisaanik inissat ikilinissaat naatsorsuutigineqarmat?

5.3 Konto pingaarneq 30.10.45 Meeqqat inuusuttullu immikkut ittumik suliniuteqarfigi-neqarnerat

1. Ilaqutariinnik siunersioqatigiinnernut aningaasaliissutit 0,9 mio. kr.-inik amerlassu-silerneqarsimanerannut erseqqinnerusumit tunngavilersuut ataatsimiititaliamit kissaa-tigineqarpoq.
2. Inunnut konto pingaarneq una naapertorlugu assigiinngitsunik suliniuteqarfigineqar-tunut atatillugu matumani aningaasaliissutitut angusanik Naalakkersuisut uuttui-sarpat?

5.4 Konto pingaarneq 30.10.48 Isumaginninnikkut peqqissutsikkullu pinaveersaartitsineq Sulisorisassatut naatsorsuutigisat ineriartornerannut sanilliullugu akissarsianut aningaasar-tuutit ineriartornerannut nassuiaat ataatsimiititaliamit amigaatigineqarpoq.

5.5 Konto pingaarneq 30.10.49 Sumiginnaaneq akiorniarlugu isumaginninnikkut suliniu-tit

Ministeri Danmarkimit tikeraartoq ataatsimiititaliamit maluginiarneqarpoq. Suliniutit aningaasaliissutitut matumani pineqartunut ilaasut killiffiat paasissutissiissutigineqassasoq ataatsimiititaliamit kissaatigineqarpoq.

5.6 Konto pingaarneq 30.13.07 Danmarkimi Kalaallillu Nunaanni inissiinernut qitiusumik immikkoortitat

1. 2021-mi 7,5 mio. kr.-it piviusunnigortinneqartut Naalakkersuisunit sooq 3,0 mio. kr.-it missingersuutigineqarpat?
2. AI2022-mut sanilliullugu missingersuutitut ilanngussap oqaasertaasa annertuumik allannigortinneqarnerannut suna tunngaviua? Ukioq manna aningaasanut inatsisip oqaasertaasa ilaat ilanngutissallugit naapertuukkunnaarsimappat?

5.7 Konto pingaarneq 30.13.41 Innarluutilinnut angerlarsimaffiit

Qaqortumi Meeqqat Angerlarsimaffianni Ivaaqqami najugaqarsinnaasut mikinerit sisamanik ukiulinnit ukioqanngitsunut appartinneqarsimasut ataatsimiititaliamit paasineqarpoq. Inissat ikilinerannut suna tunngaviua, tassami siuliani taaneqartut nassatarisaannik najugaqartussat amerlinissaat naatsorsuutigineqarsinnaagunarmat?

6. Suliassaqarfik 31 - Isumaginninnermut Suliffeqarnermullu Naalakkersuisoq

6.1 Konto pingaarneq 31.01.01 Isumaginninnermut Suliffeqarnermullu Naalakkersuisoqarfik

Aningaasaliissutit amerlineqarnerannut nassuiaat amigaataavoq. Tamanna nunamut namminermut immikkoortortaqruiup nuunneqarneranik pissuteqarsinnaasoq ataatsimiititaliamit ilimagineqarpoq. Tamanna Naalakkersuisut ilumoornerarsinnaavaat?

6.3 Konto pingaarneq 31.02.32 Akiitsut pillugit siunnersuineq

1. Suliniutip sunniutai Naalakkersuisunit uuttorneqarpat?
2. Akiitsut pillugit siunnersuinnermik ingerlatat angusallu pillugit ukiumoortumik nalunaarusiortarnissamik piumasaaqateqarnissap ilanngunneqarnissaa pillugu isumaqatigiissusiortoqassasoq Naalakkersuisunit naatsorsuutigineqarpoq. Naalakkersuisut naliippat akiliisitsiniarnermut aningaasanit atorneqartunit ikinnerusunik akiliisitsiniarneq isertitsissutaasartoq?

6.4 Konto pingaarneq 31.03.32 Meeqqanut tapiissutit

1. Meeqqanut tapiissutitut tunniunneqartut aningaasannorlugit annertussusiannut takusutissiaq paasiuminartoq ataatsimiititaliamit ujjartorneqarpoq. Matumani ataatsimiititaliamit immikkut eqqumaffigineqartut tassaapput aningaasat ima ikitsigisut tunniunneqartarnersut allaat allaffissornermut aningaasartuutigineqartunilluunniit ikinnerullutik.

6.5 Konto pingaarneq 31.03.34 Meeqqanut akilersuutit meeravissiartaarnerlu kiisalu meeqqanut inuusuttunullu illersuisoqarneq

Sulisorisassatut naatsorsuutigisat ineriartornerannut sanilliullugu akissarsianut aningaasartuutit ineriartornerannut nassuiaat ataatsimiititaliamit amigaatigineqarpoq

6.6 Konto pingaarneq 31.03.36 Erninnermi ullormusiat

1. Konto pingaarnerup matuma aammalu konto pingaarnerup 31.03.35-ip, ernereerinnermi aningaasaateqarfimmud tunngasup, ataqatigiinnerisa itinerusumik nassuiaatigineqarnissaa ataatsimiititaliamit kissaatigineqarpoq.
2. Ukioq naallugu tigusaqartartut (decemberimi uuttuineq malillugu) 982-iullutik 2021-mi atukkat 33,847 mio. kr.-iupput. Ukioq naallugu tigusaqartartut 1045-utillugit AIS23-mi aningaasaliissutit 26,505 mio. kr.-iunissaat aalajangersarneqassasoq Naalakkersuisut siunnersuutigaat. Aningaasaliissutissatut aalajangersarneqartut itisilernerneqarnissaat ataatsimiititaliamit kissaatigineqarpoq.

6.7 Konto pingaarneq 31.07.02 Piginnaasani ineriartortitsiviusumik pikkorissarnerit

1. Pikkorissarnerit suussusiinut agguataarlugit pikkorissarnerit 2022-mi ingerlanneqartunut takussutissiaq ataatsimiititaliamit ujjartorneqarpoq.
2. Pikkorissarnerit konto pingaarneq una aqutugalugu aningaasalersorneqarsinnaasut imarisassaat inatsisitigut aalajangersarneqarsimappat?

6.8 Konto pingaarneq 31.07.03 Nuttarneruleersitsiniarluni aningaasaliissutit

1. N 2021-mi 0,557 mio. kr.-it ilanngaaseereerluni aningaasartuutigineqarsimasut ataatsimiititaliap paasivaa. Aningaasat taakku aammalu AI 2021-mi aningaasat missingersuutigineqartut 2,122 mio. kr.-iusut qanoq imminnut ataqtigiippat?
2. Konto pingaarnermi matumani aningaasaliissutit qanoq atorluarneqarsinnaanerusutut Naalakkersuisunit isigineqarpat?
3. Nuttarnerulersitsiniarluni aningaasaliissutit suliffissaqanngitsut Majoriami qaammattini ikinnerpaamik 3-ni suliffeqanngitsutut nalunaarsimasut piffissami aalajangersimasumi nuunnerannut tunniunneqarsinnaasut quppernerup 432-ip naggataata tungaani allassimavoq. Tamanna aningaasat tamakkiisumik atugassiissutigineqartannginnerannut nassuiaatit ilagisinnaavaat?

7. Suliassaqarfik 34, Meeqqanut, Inuusuttunut, Ilaqutariinnut Peqqissutsimullu Naalakkersuisoq

7.1 Konto pingaarneq 34.01.01 Peqqinnissamut Naalakkersuisoqarfik

Sulisunut atuinissamik naatsorsuutigisat taamaaqataanik allanngunngitsut aningaasaliissutit N 2021-mit AIS 2023-mut qaffariarujussuarnerannut suna pissutaava?

7.2 Konto pingaarneq 34.10.01 Peqqinnissamut Pitsaaliuinernullu Aqutsisoqarfik

Sulisunut atuinissamik naatsorsuutigisat taamaaqataanik allanngunngitsut aningaasaliissutit N 2021-mit AIS 2023-mut ikileriarujussuarnerannut suna pissutaava?

7.3 Konto pingaarneq 34.11.03 Dronning Ingridip Napparsimmavissua

1. Suliassami kisitsisit ataatsimut isigalugu allanngunnginnerat eqqarsaatigalugu akissarsianut aningaasartuutissatut AIS 2023-mi missingersuutigineqartut 20 mio. kr.-erluinnarnik amerlineqarsimanerannut suna tunngaviunersoq paasissutissiissutigineqassasoq ataatsimiititaliamit kissaatigineqarpoq.
2. Ukiut ingerlaneranni allannguinissamik naatsorsuuteqartoqannginnera eqqarsaatigalugu suliassami kisitsisissatut naatsorsuutigisat Dronning Ingridip Napparsimmavissuani sulisussanik amigaaqarnermik ersersitsineruppat?

7.4 Konto pingaarneq 34.11.10 Steno Diabetes Center Grønland

1. Missingersuutinit ilanngussap aallartinnerani missingersuutit immikkoortiternerini nikerarnerit kisitsisini takuneqarsinnaasut erseqqinnerusumik nassuiaatigeqqullugit Naalakkersuisut qinnuigineqarput.
2. Sulisunut atuinissamut naatsorsuutigisani "allat" 4-nik amerleriarsimanerat ataatsimiititaliamit immikkut maluginiarneqarpoq. akissarsianut aningaasartuutit 3 mio.-erluinnarnik amerleriarsimanerannut tamanna tamakkiisumik nassuiaatissaava?

7.5 Konto pingaarneq 34.14.01 Nunatsinni Nakorsaaneqarfik

Suliat naammagittaalliutit naammassisat inernerinut naatsorsuutit ataatsimiititaliamit ujar-torneqarput. Suliani naammagittaalliutini qassit taperserneqarsimanersut qassillu taperserne-qarsimannginnersut paasissutissiissutigineqassasoq ataatsimiititaliamit kissaatigineqarpoq.

8. Suliassaqarfik 40 Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

8.1 Konto pingaarneq 40.10.11 Ado Lyngep Atuarfia

Konto pingaarnerup matuma Isumaginninnermut Suliffeqarnermullu Naalakkersuisup suliassaqarfianut nuunneqarnera qanoq iluaqutissarsiffiusinnaanersoq Naalakkersuisunit isumaliutigineqarsimava?

8.2 Konto pingaarneq 40.90.15 Ilinniartut inissaannik attartorneq

Inissat allanngornissaat naatsorsuutigineqanngitsoq ukiuni missingersuusiorfiusuni aningaasaliissutit ikileriarujussuarnerannut suna pissutaava?

8.3 Konto pingaarneq 40.91.03 Pikkorissartitsineq

1. AIS 2023-imi aningaasaliissutit N 2021-mi aningaasaliissutaasunit 5 mio. kr.-it misaannit amerlanerunerat sumik pissuteqarpa?
2. Konto pingaarnerup matuma ataani aningaasaliissutit siunniutaat Naalakkersuisunit uuttoqarsimappat?

8.4 Konto pingaarneq 40.91.27 Kalaallit Nunaanni Teknikkimik Ilinniarfik

Sulisunut atuinissamik naatsorsuutigisat allanngorsimannngitsut akissarsiat taama ineriartornerannut suna pissutaava?

8.5 Konto pingaarneq 40.92.13 Ilisimatusarfik

Ataatsimiititaliap paasinninnera malillugu inatsisilerinermik ilinniartitaaneq neqeroorutigineqarpoq, taamatulli ilinniartitaaneq ilinniartitaanernik nalunaarsuiffimmi qupperneq 553-mi allasimannngilaq. Tamatumunnga suna pissutaava?

8.6 Konto pingaarneq 40.97.03 Kalaallit Nunaanni ilageeqarneq

Illoqarfinni nunaqarfinnilu oqaluffinnik aserfallatsaaliinissamik pilersaarutit qanoq ippat?

9. Suliassaqarfik 50 - 51 Aalisarnermut Piniarnermullu Naalakkersuisoq

9.1 Konto pingaarneq 51.01.04 Aalarteqqinnissamut tapiissuteqartarneq

Aalisariuteqarnerup iluani piginnaasat, akit pitsaassutsillu ullumikkut atuuttut eqqarsaatigalugit ataasiartumik tunniunneqartartut kr. 2.000,-it aamma 25.000,-it akornanniittut naammattut Naalakkersuisunit isigineqarpat?

9.2 Konto pingaarneq 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarfik aamma Piniarnermik Nakkutilliisoqarneq

1. Konto pingaarnerup matuma ataani aningaasaliissutit siunniutaat Naalakkersuisunit uuttoeqarsimappat?
2. Akissarsianut aningaasartuutit qaffannerat sulisunillu atuinerup allannguuteqannginera qanoq imminnut ataqatigiippat?

9.3 Konto pingaarneq 51.02.02 Aalisarsinnaatitaassutinik tunisineq

Tunumi pisassiissutit EU-mit aalisarneqartussanngortitat nunatsinnit atorluarneqarnerusinnaanerannik misissuinermik sulineq sumut killippa?

9.4 Konto pingaarneq 51.07.40 Taarsigassarsiaritit ernialersugaanngitsut akilersuutitaqanngitsullu

1. N 2021 pillugu kisitsisit atuinikinnerussuteqarsimanermik takutitsippat? Taamaasimappat tamatumunnga suna tunngaviua?
2. Qinnuteqaatit qassit tiguneqarsimanersut, taakkunanngalu qassit tapiissutinik tunineqarsimanersut paasissutissiissutigineqassasoq ataatsimiititaliamit kissaatigineqarpoq.
3. Tassungaa atattillugu aningaasat qanoq amerlatigisut akuersissutigineqarsimappat?

10. Suliassaqarfik 62-64 Nunanut Allanut, Inuussutissarsiornermut Niuernermullu Naalakkersuisoq

10.1 Konto pingaarneq 64.10.31 Takornarianut sullissiviit nunatsinnilu takornariagassat

1. Natur- og Geocenter Nuummi pilersinneqartussatut naatsorsuutigineqartoq sumi inissisimasussatut Naalakkersuisunit eqqarsaatigineqarpa, tassungalu tunngatillugu qanoq anguniagaqartoqarpa?
2. Oqaasertaliusseq attuumassuteqartoq konto pingaarnermi matumani qulequttanut naapertuutinnngitsumik qulequtserneqarsimasoq ataatsimiititaliamit maluginiarneqarpoq. Taakku marluk imminnut naapertuuttariaqartut ataatsimiititaliaq isumaqarpoq.

10.2 Konto pingaarneq 64.10.32 Takornariaqarnermik ineriartortitsineq inuussutissarsiu-tinillu siuarsaaneq

1. Nunaqarfinni isorliunerusunilu takornariaqarnermik ineriartortitsinerup siuarsarneqar-nissaanut qanoq pilersaaruteqartoqarpa?
2. Oqaasertaliusseq attuumassuteqartoq konto pingaarnermi matumani qulequttanut naapertuutinnngitsumik qulequtserneqarsimasoq ataatsimiititaliamit maluginiarneqar-poq. Taakku marluk imminnut naapertuuttariaqartut ataatsimiititaliaq isumaqarpoq.

10.3 Konto pingaarneq 64.20.07 Inuit Circumpolar Council

Konto pingaarnerup matuma ataani aningaasaliissutit siunniutaat Naalakkersuisunit uuttorneqarsimappat?

11. Suliassaqarfik 66 – 67 Aatsitassanut Inatsisillu Atuutsinneqarnerannut Naalakkersuisoq

11.1 Konto pingaarneq 66.01.01 Aatsitassanullu Ikummatissanullu Aqutsisoqarfik, allaffisorneq

1. AI 2021-p ataani aningaasartuutit allat aningaasartaat -3.350-it (1.000 kr.) sumik takutitsippat?
2. Quppernermi 634-mi nunanut allanut tuniniaanissamut akuersissutissatut naatsorsuutigisat itisilerneqarnissaat ataatsimiititaliamit kissaatigineqarpoq.

11.2 Konto pingaarneq 66.01.05 Pisortatigoortumik sularinninnerit isertitatigut matussusikkat

1. Konto pingaarnermi matumani suliassami kisitsisissatut naatsorsuutigisanut takusutissiaq ataatsimiititaliamit ugartorneqarpoq.
2. Isertitat aningaasartuutillu konto pingaarnermi matumani missingersuutit immikkoortiternerini ilanngaaseereerluni aningaasartuutitut tunuliaqutaasut aningaasartaat ataatsimiititaliamit ugartorneqarput.
3. Konto pingaarnerup matuma suliassaqrifiullu ataani konto pingaarnerit sinnerisa akornanni ataqtigiinnerup itisilerlugu nassuiaatigineqarnissaa ataatsimiititaliamit kissaatigineqarpoq.

11.3 Konto pingaarneq 67.01.02 Geologiimut Immikkoortoqarfik

AIS 2023-mi aningaasaliissutit amerleriarujussuarnerannut, tamatumalu kingorna ikileriarujussuarnerannut suna tunuliaqutaava, tassami suliassami kisitsisissatut naatsorsuutigisat taasarialimmik allannguuteqanngimmata?

11.4 Konto pingaarneq 67.01.03 Geologiimut ussasaarinermilu suliniutit

Aatsitassanut suliassaqrifiimi Naalakkersuisut qanoq pingaarnerisuippat aammalu konto pingaarnermi matumani aningaasaliissutit ineriartornerat aatsitassanik suliassaqrifiup imminut napatittumik inuussutissarsiutinngornissaanik Naalakkersuisut kissaatigineqarnerannik ersersitsinerua?

11.5 Konto pingaarneq 67.01.08 Qaqqami sisoortoqaratarsinnaaneranut misissuinernut Kalaallit Nunaata akiliutaa

1. Konto pingaarneq una naapertorlugu suliata killiffiannut killiffiup paasissutissiisutigineqarnissaa ataatsimiititaliamit kissaatigineqarpoq.
2. Kiisalu oqaasertaliussat Naalakkersuisut naapertorlugit konto pingaarnermut atasut ataatsimiititaliamit ugartorneqarput.

11.6 Konto pingaarneq 67.01.10 Kalaallit Nunaata imartaani pitsaanerusumik upalungaarsimalernissamut suliassaqrifiit akornanni suleqatigiinneq

1. Uuliaarluertoqarnerani nuna tamakkerlugu upalungaarsimasussatut ngerlatseqatigiiffimmik taamaattumik ilusiliinissamik maanna isumaliutigineqartoq qupperneq 649-mi taaneqartoq erseqqinnerusumik itisilerneqassasoq ataatsimiititaliamit kissaatigineqarpoq.
2. Ingerlatseqatigiiffimmik taama ilusiliineq missingersuutitut ilanngussami qanoq allanngortitsinermik nassataqassasoq Naalakkersuisunit naatsorsuutigineqarpa?

11.7 Konto pingaarneq 67.01.12 Inatsiseqartitsinermut Immikkoortortaqarfik

Aningaasaliissutit malunnaatilimmik nikinnerat sulisunik atuinissamut naatsorsuutigisani
ersersinneqannginnerannut suna pissutaava?

12. Suliassaqarfik 70 – 72 Ineqarnermut Attaveqaasersuutinullu Naalakkersuisoq

12.1 Konto pingaarneq 70.01.07 Sanaartornermi oqartussaassuseq

Allannguutit qanoq annertutiginerat apeqqutaatinnagu aningaasaliissutitut allannguutit nassuiaatigineqartarnissaat ataatsimiititaliamit pingaartinneqarpoq. Aningaasaliissutit nikerarnerannut suna pissutaava?

12.2 Konto pingaarneq 70.01.14 Iluarsagassanut Aqutsisoqarfik

Allannguutit qanoq annertutiginerat apeqqutaatinnagu aningaasaliissutitut allannguutit nassuiaatigineqartarnissaat ataatsimiititaliamit pingaartinneqarpoq. Aningaasaliissutit amerle-riarnerannut suna pissutaava?

12.3 Konto pingaarneq 70.01.15 Inissianut suliassaqarfimmi suleriaatsimik misissuineq

1. Oqaasertaliussat Naalakkersuisut naapertorlugit konto pingaarnermut atasut ataatsimiititaliamit ujartorneqarput.
2. Kommuneqarfik Sermersuumi inissianik isumaginninneq pillugu suliaq sumut killippa?

12.4 Konto pingaarneq 70.10.03 Sillimmasiinerit

Aningaasaliissutit N 2021-mit AIS 2023-mut nikerarnerujussuannut suna pissutaava?

12.5 Konto pingaarneq 72.02.03 Inissialiortiternermut aqutsinermut pilersaarusiornermullu aningaasartuutit

1. Inissianut tamakkiisumik pilersaarut konto pingaarnermi matumani taaneqartoq pillugu sulinerup killiffia paasissutissiissutigineqassasoq ataatsimiititaliamit kissaatigineqarpoq.
2. Aningaasaliissutit N 2021-mit AIS 2023-mut nikerarnerujussuannut suna pissutaava?

12.6 Konto pingaarneq 72.06.51 Inissianik tunisineq – ilanngaaseereerluni tunniussineq

Oqaasertaliussat Naalakkersuisut naapertorlugit konto pingaarnermut atasut ataatsimiititaliamit ujartorneqarput.

12.7 Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

1. Assersuutigalugu ineqarnermut akiliutit il.il. pillugit oqallinnermut atatillugu aningaasaliissutinit iluanaarutit pillugit ajornartorsiummut tunngatillugu sulinerup killiffia paasissutissiissutigineqassasoq ataatsimiititaliamit kissaatigineqarpoq.
2. Quppernermi 669-imi suliassami kisitsisissatut naatsorsuutigisani takussutissiat ataan- ni aningaasaliissutinit iluanaarutit nikerarnerat erseqqinnerusumik nassuiaatigineqassasoq ataatsimiititaliamit kissaatigineqarpoq.

12.8 Konto pingaarneq 72.10.19 Namminersorlutik Oqartussanut inissianut immikkoortortaqarfiinut immikkut ittumik tapiissutit

Inissianut immikkoortortaqarfiit aningaasaqarnermikkut oqimaaqatigiissitsiniarnermik ajornartorsiuqarnerat qaqugu qaangerneqartussatut Naalakkersuisuit naatsorsuutigineqarpa?

12.9 Konto pingaarneq 72.20.07 Ineriartortitsineq nakkutiginninnerlu, angalanermut suliassaqarfik

Aningaasaliissutit N 2021-mit AIS 2023-mut nikerarnerujussuannut suna pissutaava?

12.10 Konto pingaarneq 72.20.08 Nalunaarasuartaateqarneq

Aningaasaliissutit 0-inngortinneqarnerannut suna pissutaava?

12.11 Konto pingaarneq 72.20.11 Nalunaarasuartaateqarnermut Aqutsisoqarfik

Aningaasaliissutit N 2021-mit AIS 2023-mut nikerarnerujussuannut suna pissutaava?

12.12 Konto pingaarneq 72.20.12 Sikunik alapernaarsuineq

Aningaasaliissutit N 2021-mit AIS 2023-mut nikerarnerujussuannut suna pissutaava?

12.13 Konto pingaarneq 72.26.02 Mittarfeqarfiit

Suliassami kisitsisissatut naatsorsuutigisani kisitsisit qaffariangaatsiarnissaat naatsorsuutigineqarpoq, qupp. 684, pissutsilli taakku ilanngaaseereerluni aningaasartuutitut sunniuteqar-nissaat naatsorsuutigineqarani. Tamatumunnga suna pissutaava?

12.14 Konto pingaarneq 72.26.03 Mittarfeqarfiit, nukimmik imermillu pilersuineq

Konto pingaarneq una naapertorlugu nukimmik imermillu pilersuinerup ingerlatiinnar-nissaanik suliassap suliffeqarfinnut suliassamik nalinginnaasumik isumaginnittussanut nuunneqarnissaa qaqugu naatsorsuutigineqarpa?

13. Suliassaqarfik 73 – 77 Nunalerinermut, Imminut Pilersornermut, Nukissiuutitut Avatangiisinullu Naalakkersuisoq

13.1 Konto pingaarneq 73.01.01 Nunalerinermut, Imminut Pilersornermut, Nukissiuutitut Avatangiisinullu Naalakkersuisoqarfik

Allannguutit qanoq annertutiginerat apeqqutaatinagu aningaasaliissutitut allannguutit nassuiaatigineqartarnissaat ataatsimiititaliamit pingaartinneqarpoq. Aningaasartuutit allanut aningaasaliissutit nikerarnerannut suna pissutaava?

13.2 Konto pingaarneq 73.04.04 Taarsigassarsiat erniallit

Taarsigassarsianut ernialinnut akilersuutitut nunatta karsiata tapiissuteqarnissaanut erseqqinnerusumik tunngavilersuut kiisalu tapiissutitut procentip sooq 35 %-inut aalajangerneqarsimaneranut nassuiaat ataatsimiititaliamit kissaatigineqarpoq.

13.3 Konto pingaarneq 73.04.05 Taarsigassarsianut ernialinnut akilersuutit Aningaasartuutit allanut aningaasaliissutit nikerarnerannut suna pissutaava?

13.4 Konto pingaarneq 73.04.06 Ernianit isertitat Aningaasaliissutit nikerarnerannut suna pissutaava?

13.5 Konto pingaarneq 73.04.10 Nioqqutissanik pilersuineq aningaaseriveqartitsinerlu N 2021-ip kingorna aningaasaliissutit ikileriarujussuarnerannut suna pissutaava?

13.6 Konto pingaarneq 73.04.08 Savaaqqanik toqoraavinnut il.il. kiffartuussinissamik isumaqatigiissut

1. Missingersuutitut ilanngussami taaneqartutut Neqi A/S-imut kiffartuussinissamik isumaqatigiissutit AI 2022-mi qaffanneqarnissaanik pisariaqartitsinerup erseqqinnerusumik paasissutissiissutigineqarnissaa ataatsimiititaliamit kissaatigineqarpoq.
2. Kiisalu aningaasat ukiuanni 2023-mi tamatumalu kingorna ukiuni missingersuutisiorfiusuni aningaasaliissutit amerlineqarnissaannik naatsorsuutiginninneq ajornartorsiutitut ungasissoq isigalugu aaqqiissutissamik Naalakkersuisut nassaarsimanerannik ersersitsisuunersoq akineqassasoq ataatsimiititaliamit kissaatigineqarpoq.
3. Kiisalu Naalakkersuisut aaqqiissutissatut aalajangiussaata pillugu akuutinneqarnissaq ataatsimiititaliamit kissaatigineqarpoq, tak. apeqqut 2.

13.7 Konto pingaarneq 73.94.02 Nukissiorfiit

Nukissiorfiit aktiaateqarluni ingerlatseqatigiiffingortinneqarsinnaanerat qanoq kinguneqarsinnaasut Naalakkersuisunit naatsorsuutigineqarpoq?

13.8 Konto pingaarneq 73.94.03 Nukissiorfiit, aqqusinermi qaammaqquteqarneq N 2021-ip kingorna aningaasaliissutit ikileriarnerannut suna pissutaava?

13.9 Konto pingaarneq 77.05.02 Pinngortitaleriffik

1. Oqaasertaliussat Naalakkersuisut naapertorlugit konto pingaarnermut atasut ataatsimiititaliamit ujartorneqarput.

2. Misissuummut Tarajumut aningaasaliissutigeqqitassatut pisariaqartinneqartut qanoq amerlatiginissaat aningaasanut inatsisissatut siunnersuutip aappassaaneerneqarnissaa sioqqullugu Naalakkersuisunit oqaatigineqarsinnaassappat?

13.10 Konto pingaarneq 77.05.03 Avatangiisit, uuliaarluernernik akiuinermit atortunik pisinermit tapiissutit

Killeqarfiup 3 smilip iluani avataanilu uuliaarluertoqarsinnaaneranut upalungaarsimanerup, saliinerup aningaasalersuinerullu kommunit, Namminersorlutik Oqartussat danskillu naalagaaffiata akornanni qanoq ataqtigiiissaarneqarnissaanik nassuiaat paasiuminartoq ataatsimiititaliamit ujartorneqarpoq.

13.11 Konto pingaarneq 77.05.07 Avatangiisinik illersuineq

Avatangiisinut tunngasutigut qulaajaalluni suliat pillugit suliassami kisitsisissatut naatsorsuutigisat AIS 2023-mi aammalu ukiuni missingersuusiorfiusuni marloriaatinngortut ataatsimiititaliamit maluginiarneqarpoq. Tamatuma peqtigisaanik paasissutissiinerit assigisaasalu kisitsisaat piffissami tassani pingasoriaatinngorsimapput. Tamatuma peqtigisaanik ataatsimiititaliamit maluginiarneqarpoq aningaasaliissutitigut allanngortoqarsimanngitsoq. Pissutsit taakku marluk qanoq imminnut ataqtigiippat?

14. Suliassaqarfik 80 – 89 Sanaartorneq

14.1 Konto pingaarneq 80.00.01 Nuussinissanut sillimmatit aamma Konto pingaarneq 80.00.10 Sanaartugassanut Iluarsagassanullu Aningaasaateqarfimmit utertitat

1. Konto pingaarnermi matumani aningaasaliissutitut suliassat suut tunuliaqutaanersut paasissutissiissutigineqassasoq ataatsimiititaliamit kissaatigineqarpoq.
2. Kiisalu konto pingaarnerup matuma aammalu konto pingaarnerup 80.00.10-p, Sanaartugassanut Iluarsagassanullu Aningaasaateqarfimmit utertitanut tunngasup, qanoq ataqatigiinnerannut kiisalu tassunga atatillugu Sanaartugassanut Iluarsagassanullu Aningaasaateqarfiup qanoq tigussaasumik atuuffeqarneranik naatsumik nas-suaat ataatsimiititaliamit ujartorneqarpoq.

14.2 Konto pingaarneq 84.40.14 Kulturimut timersornermullu atugassanik sanaartorneq

Ukiuni kingullerni pingasuni ukiumut 3,5 mio. kr.-it immikkoortinneqartartut ataatsimiititaliamit maluginiarneqarpoq. Allassimangilarli suliassanut sorlernut aningaasaliissutit atornerarsut. Nunatsinni sumi aningaasat pisariaqartinneqarnerat pillugu nalunaarsuiffimmik Naalakkersuisut peqarpat?

14.3 Konto pingaarneq 86.60.01 Peqqinnissaqarfik

Ambulancit pisariaqartinneqartut amerlassusillit pissarsiariniarneqarnerat sumut killippa? Suliniut ambulancinik pisiortornermut tunngasoq quppernermi 745-mi kukkusumik normuligaasimasorinarpoq. Suliniutit immikkoortiternerini qupperneq 744-mi suliniut nr. 46034-mik normuligaavoq.

Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutitut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut kingusinnerpaamik tallimangorneq ulloq 28. september 2022, nal. 12.00 Aningaasaqarnermut Akileraartarnermullu Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik saam@ina.alla.gl-imut nassiateqquneqarpoq.

Allakkiaq una aamma elektroniskimik oedfu@nanoq.gl-imut nassiunneqarpoq.

Inussiarnersumik inuulluaqqusillunga

Hans Peter Poulsen
Aningaasaqarnermut Akileraartarnermullu Ataatsimiititaliap siulittaasua